

LATAIQUI' LINIŁPA SAN MATEO LOYA'APA İLE AL C'A LIXPIC'EPA ĘANDIOS

¹ Jifa'a iłniya iłpuftine litatahueló Jesucristo łecui'impa i'hua cal rey David: Abraham itatahuelo David.

² Abraham i'ailli' Isaac.

Isaac i'ailli' Jacob.

Jacob i'ailli' Judá jouc'a lipimaye.

³ Judá i'ailli' Fares y Zara, qui'máma' iłniya cuftine Tamar.

Fares i'ailli' Esrom.

Esrom i'ailli' Aram.

⁴ Aram i'ailli' Aminadab.

Aminadab i'ailli' Naasón.

Naasón i'ailli' Salmón.

⁵ Salmón i'ailli' Booz. Qui'máma' Booz cuftine Rahab.

Booz i'ailli' Obed. Qui'máma' Obed cuftine Rut.

Obed i'ailli' Isaí.

⁶ Isaí i'ailli' cal rey David.

David i'ailli' Salomón. Qui'máma' Salomón iłque łaca'no' ate'a ilecopa cal xans Urías.

⁷ Salomón i'ailli' Roboam.

Roboam i'ailli' Abías.

Abías i'ailli' Asa.

⁸ Asa i'ailli' Josafat.

Josafat i'ailli' Joram.

Joram i'ailli' Uzías.

⁹ Uzías i'ailli' Jotam.

Jotam i'ailli' Acaz.

Acaz i'ailli' Ezequías.

10 Ezequías i'ailli' Manasés.

Manasés i'ailli' Amón.

Amón i'ailli' Josías.

11 Josías i'ailli' Jeconías jouc'a lipimaye.

Lan xanuc' iñiya quiyouyomma łamats' Babilonia ilecom'mola' cal rey Jeconías jouc'a lixanuc', icuai'entsola' łamats' Babilonia.

12 Jeconías i'ailli' Salatiel, iłque nipajnyota łamats' Babilonia.

Salatiel i'ailli' Zorobabel.

13 Zorobabel i'ailli' Abiud.

Abiud i'ailli' Eliaquim.

Eliaquim i'ailli' Azor.

14 Azor i'ailli' Sadoc.

Sadoc i'ailli' Aquim.

Aquim i'ailli' Eliud.

15 Eliud i'ailli' Eleazar.

Eleazar i'ailli' Matán.

Matán i'ailli' Jacob.

16 Jacob i'ailli' José. Iłque José ipe'ailli' María. Małque

María lipo'nopa Jesús, iłque cuftine cal Cristo.

17 Toxhuej'metsola' liłputine litatahueló cal Cristo, iñe liníya jifa'a, toxhuej'me'mola' oquej nuxans oquexi'.

Topangocoła' Abraham, cocuaiya cal rey David, joupa oxhuej'mepola' imbamaj malujxi litatahueló cal Cristo.

Ti'hua toxhuej'metsola', topangococonła' David, cocuaiya petsi loya'apa: "... ilecom'mola' cal rey Jeconías jouc'a lixanuc', icuai'entsola' łamats' Babilonia". Jiłpe joupa oxhuej'mepola' ocuenaye imbamaj malujxi litatahueló cal Cristo.

Tijoula' topangococonla' petsi liniliya: "... ilecom'mola'... icuai'entsola' lamats' Babilonia", ti'hua toxhuj'metsola', cocuaiya liniliya loya'apa: "... María lipo'nopa Jesús, ilque cuftine cal Cristo", jilpiya joupa oxhuj'mepola' ocuenaye imbamaj malujxi litatahueló cal Cristo.

¹⁸ Itsiya cu'i'molhuo' li'ipa licuai'ma Jesucristo fa'a li'a lamats'.

María ti'i'ma qui'máma' Jesús. Ilquiya joupa epi'ipa cataiqui' José. Iniya aiquejonhiyoltsi. María ma' ahuats', iximpoxi innay. Tofta'a li'e'epa cal Espíritu Santo. ¹⁹ José liximpa innay María, ¿te co'eya? Ilque José tihuequi lataiqui' locuxepa LanDios. He lataiqui' ticua: "Iniya lan xujc'a cacal'no' tocuftisola'". José ixim'ma cuanuc' María, aimicua micufya. Ticua: "A'i cacufya. Aicuya'aya. Ma le'a aicalecoya."

²⁰ Micua tofta'a lipicuejma' José ipaiyo'ma. Imaxcaitsi anuli tepaluc LanDios. Ilque tepaluc timi:

—José, ima' otatahuelo cal rey David. Itsiya camihuo': AimoXHueImot'le'ma. Tapenufla' María copeno. A'i xans hitai'ipa María. Ma cal Espíritu Santo itai'ipa. ²¹ Tipo'no'ma li'hua amijcano. Ima' tacui'i'ma Jesús. Ilque tunlu'e'mola' lixanuc'. LanDios aimecani'eyacola'. He lipuftine lofme-cui'iya tuhuaIquemma: Lonlu'eyale.

²² He li'ipa María enanIpa lataiqui' linespa cal profeta luya'apa linespa LanDios, tuya'e':

²³ ¡ToIcujle! Eahuats' ti'i'ma quinnay, tipo'no'ma qui'hua.

Ilque li'hua tecui'im'me Emanuel.

Lipuftine lacui'inyacu tuhuaIquemma: Fa'a tipa'a LanDios, almana' anuli.

24 José imaf'i'ma, itsahuemma, i'e'ma ma to lim-
ipa lepaluc LanDios. Epenuf'ma María. Ileo'ma
lejut'í. 25 Mi'huaijma tipajntsi cal te'a qui'hua
María, tama imajm'me anuli lajut'í, aiqui'eyo'ltsi
anuli. Lipajntsi lamijcano, José ecui'i'ma lipuftine
Jesús.

2

1 Ihniya hitiné, micuxe cal rey Herodes, Jesús ipa-
jnyotsi liya' cuftine Belén, lopa'a al distrito Judea.

Ma'niya hitiné lan xanuc' linxingufale icuaitsa al
distrito Judea, al cuecaj quiya' Jerusalén. (Ihniya
tecu'i'nnila' lam Mago.) Quiyouyomma hilemats' pe
liyuf'maj 'ora. 2 Icuitsuf'me. Timinnila' lan xanuc'
nomana' Jerusalén:

—Imanc' unc'ijudío, ¿pe copa'a lamijcano itque
lotrey? Atsimpá liyuf'ma hixamna loya'apa joupa ipa-
jnta itque cal rey. Atcuai'me laxc'on'lingolai'me.

3 Licuej'ma ite lataiqui' cal rey ixhue'conni.
Jouc'a ixhue'conca jahuay lan xanuc' nomana'
ji'pe liya' Jerusalén. 4 Cal rey ijoc'i'mola' lixanuc'
cal cuecaj ca'ailli' jouc'a lomxiye nomuc'iyalepá
locuxepa LanDios. Icuis'e'mola', timila':

—Al Paxi Linilingiya, ¿te quicuapa? ¿Pe copajny-
oya cal Cristo?

5 Ihniya timiyi:

—Cal Cristo tipajnyota liya' Belén, lopa'a al
distrito Judea. To'la'a licuapa cal profeta linilpa
linespa LanDios, tuya'e': 6 Ima' Belén, miya' lofpa'a
al distrito Judea,

aimetets'i'mo' itne nocuxempola' lan xanuc' no-
mana' lamats' Judá.

Ima' ti'i'mo' quipiya' anuli cal cuecaj nocuxeya.

Itque ac'a ticuxe'mola' laixanuc', ihniya lixanuc' Israel.

⁷ Herodes i'e'moxi ch'ix. Ijoc'i'mola' ihne linxingufale, ihne lam Mago, timila':

—¿Te quitine limaxcaita cal xamna? Lu'itla'.

⁸ Ihniya u'i'me. Cal rey Herodes umme'mola' tiyete liya' Belén. Timila':

—Tonlete, jilpe liya' tolahuetsa lamijcano. Litine tolsintsa, alu'i'ma. Iya' jouc'a ca'hua'ma. Caxc'onlingaita.

⁹ Lam Mago iquimf'e'me cal rey limipola', iye'me.

Mihmana' hilemats' ihne iximpá limaxcaita cal xamna. Itsiya maque cal xamna i'huaj'me'mola'. Licuaitsi lajut'l pe lopa'a lamijcano, imaxcaiconno, ecaxemma al toncay.

¹⁰ Ixoconni quileta lam Mago lixim'me cal xamna. ¹¹ Itsulfo'ai'me lajut'l, ixim'me lamijcano jouc'a María, itque i'máma'. Exc'onlingo'ai'me lamijcano. Exi'e'me lihcaxax, icuf'i'me lamijcano lihtaic'. Tipa'a al 'oro, tipa'a al 'incienso, tipa'a la-ceite ipitali juaiconapa, tujuej c'a, lipuftine mirra.

¹² Lam Mago ipaiyo'me. LanDios timila':

—Aimoluyalaiconata pe lopa'a cal rey Herodes. Licuej'me tohta'a, ocuena cane iyena'me, icuainatsa lihpilya'.

¹³ Liyena'me lam Mago, José ipaiyocona'ma. Ixim'ma anuli tepaluc LanDios. Epaluc timi:

—Totsahuenni. Tolecotsola' lamijcano jouc'a qui'máma'. Itque cal rey Herodes tumme'mola' lixanuc' tehue'me lamijcano tima'anle. Aimi-col'molhuo' tonlete lamats' Egipto. Tolmajntsa jilpiya. Iya' cu'ito' te quitine tolpailinacu.

14 José itsahuenni ihe lipuqui', ileco'mola' łacamijcano jouc'a qui'máma'. Iye'me, icuaitsa łamats' Egipto. 15 Jiłpe imajnhuo'me. Timanła' cal rey Herodes ihe tipailinacu, ticuainata hilemats'. Ihe lo'iya tenanł'ma luya'apa cal profeta, iłque uya'apa locuapa ŁanDios, ticua: “Aijoc'ipa łai'hua, tipanni jiłpe łamats' Egipto”.

16 Lixim'ma cal rey Herodes lam Mago lifel'mipa, ixtunni juaiconapa. I'nujuaitsi lu'i'me lam Mago. Ihe ines'me: “Itsiya joupa uyaipa to oquej camats' łaksimpa limaxcaita cal xamna”.

Cal rey umme'mola' lixanuc' tima'antsola' lan tsocay camijcanó limajnyota liłya' Belén jouc'a łilelołya' lomana' huejnca. Tima'antsola' jahuay laicamijcanó, ja'ni lixhuaitola' oquej camats', o ja'ni aiqixhuaiyila', ma' anuli tima'antsola'. 17 Tołta'a enanł'ma linespa cal profeta Jeremías, tuya'e':

18 Jiłpe łamats' Ramá ticuequinni anuli łaca'no' tijoqui, tija'e'.

Iłquia Raquel, tijoqui, tixhuełma li'ipola' linaxque'.

Aimicua miłonc'e'enyacu lipixhuejma', linaxque' joupa ima'ampola'.

19 José mipa'a łamats' Egipto imana'ma Herodes. Ipaiyocona'ma, ixim'ma anuli łepaluc ŁanDios.

20 Łepaluc timi:

—Totsahuenni. Tolecotsola' łamijcano jouc'a qui'máma'. Tołpailinanca, tonłente łolamats' Israel. Joupa imanapola' ihe nehuepá tima'anłe łamijcano.

21 José itsahuenni, ileco'mola' łamijcano jouc'a qui'máma'. Ipailinanca, ticuainata hilemats' Israel.

²² Licuaitsa jilpe José icuej'ma: “Arquelao, hi'hua Herodes, ticuxe al distrito Judea”. Ixpaiconni. Ticua: “Jilpe al distrito Judea, aimi'iya maŕeyacu”.

Ipaiyocona'ma. LanDios u'i'ma lo'eya. Iye'me, ticuainata al distrito Galilea. ²³ Icuaitsa, iye'me liŕya' Nazaret, jilpe imanenca. Toŕta'a enanŕco'ma linespa lam profeta, iŕne uya'apá loyaicoya Jesús. Icuapá: “Iŕque tecui'im'me las Nazaret”.

3

¹ Iŕniya iŕtiné Juan Bautista icuaitsi al distrito Judea, ipajm'ma pe ailopa'a quiŕya'. Jilpe tuya'e', ² tu'ila' lan xanuc':

—Imanc' toŕsuej'menanca, LanDios cal Rey icuaico'ma, timajm'me anuli lixanuc'.

³ Cal profeta Isaías inesco'ma Juan Bautista locuaicoya, tuya'e':

Petsi ailopa'a quiŕya' tuya'e' anuli cal xans, tu'ila' lan xanuc':

“Toŕhanc'eŕe lipene laŕPoujna. Toŕ'e'eŕe aŕijca lane pe loyaicoya.”

⁴ Lipijahua' Juan ipuficoya ipimij camello. Lifi'ecoyoxi ixmi. Litejua' axa'muŕŕ, acujua c'ec.

⁵ Axpela' lan xanuc' itsehuo'me pe lopa'a Juan. Iŕniya lan xanuc' quiyouyomma liŕya' Jerusalén, jouc'a quiyouyomma locuenaye quitelolŕya' al distrito Judea, jouc'a quiyouyomma jilpe lihuojma' al cuecaj pana' Jordán. Icuaitsa pe lopa'a Juan. ⁶ Luya'a'me liŕjunac', Juan epo'i'mola' al pana' Jordán. ⁷ Axpela' lan xanuc' fariseo jouc'a lan saduceo icuaitsa pe lapo'iyaleyopa Juan. Lixim'mola' Juan timila':

—Imanc ti'onłcospolhuo' to lacałpo', a'ijc'a loł'ejma'. ¿Te ja'ni u'impolhuo': “Tolapolife. Tołta'a aimolłelcoyacu al cueca' catełcoya locuaicoya”?
⁸ Iya' camilhuo': A'i tołta'a molunłulyacu. Ticuicomma ton'ele al c'a, ma to mi'eyi iłniya nixhuej'menamma.

⁹ Imanc' tołcuayi: “Abraham ałtatahuelo. Illanc' ixanuc' ŁanDios. Iłquiya aimalacani'eyaconga'.” Iya' camilhuo': ŁanDios aimehue'eyacola' quixanuc'. Iłna'a lapič' nipajnya ti'e'e'mola' quinaxque' Abraham. ¹⁰ ŁanDios ti'onłicolhuo' to al 'ec. Joupa ipo'nompa cal hacha huejnca łime al 'ec. Ja'ni ti'atsi a'ijc'a łi'as, tetequinam'me, tixanc'onmata łunga.

¹¹ Ja'ni joupa ołsuej'menamma lixcay lonł'epa, iya' capo'ico'molhuo', capaxneco'molhuo' aja'. Ticuaihuo ocuenaj cal xans, iłque xonca acueca'. Iya' aimal'onłspa iłque, ni aimi'iya catac'ueya lic'ejl'. Iłque tepo'iyaleco'ma cal Espłritu Santo jouc'a łunga. ¹² Iłque ticuaiyunni ti'onłcospa to cal xans tifus'ma łitriego. Ti'noł'ma lofuscoya, tequeyof'ma łitriego, tiłojm'ma łipifuc cal triego. Cal c'a triego ti'huejnata lihua. Łipifuc tipi'enghua petsi łunga aimipica.

¹³ Jesłs łipanni al distrito Galilea icuaitsi al pana' Jordán, jilpe copa'a Juan Bautista. Timi:

—Lapo'ıla'.

Juan aimicua. Ticua aimi'iya. ¹⁴ Timi Jesłs:

—Ticuicomma ima' lapo'ıla' iya'. ¿Te co'iya caifnepo'icoyaco' ima'?

¹⁵ Jesłs italai'e'e'ma, timi:

—Itsiya' to'ela' laifxahue'epo'. Jahuay al c'a lafcuxe'eponga' LanDios la'eyacu tucuicomma lanant'life.

Juan i'e'ma lixahue'e'ma Jesús. Epo'i'ma.

¹⁶ Lijoupa lepopa Jesús aiquico'l'ma, ipanni laja'. Maŕpe 'hora itsaŕquenni lema'a. Ixim'ma cal Espíritu Santo ti'onŕcospa to anuli cal ja'mu', icuaico'ma timumma tihuoxaf'caita. ¹⁷ Tipalay jipu'hua lema'a, lamats' icuequim'me, ticua:

—Itca'a ai'Hua, ca'ay capic'a juaiconapa. Latenŕma lipicuejma' jouc'a li'ejma'.

4

¹ Cal Espíritu Santo i'hua'a'ma Jesús, icuai'etsi pe ailopa'a quilya', ailopa'a xanuc'. Jiŕpiya lonta'a Satanás ehuaitsi. ² Micoŕi oquej nuxans quitine, oquej nuxans quipuqui', aimitesma, ixnet'l'ma. Lixhuaitsi itne litiné, unle'enni juaiconapa. ³ Licuaitsi lonta'a, itque linahuaiyalepa, timi:

—Ima' ja'ni i'Hua LanDios tocuxe'etsola' itna'a lopic'. Tomitsola': “Ti'itsolhuo' ca'i”.

⁴ Jesús italai'e'e'ma, timi:

—Al Paxi Linilingiya ticua: “Łoteja cal xans aimites'miya lipitine. Tucuicomma jouc'a Litaiqui' LanDios, jahuay lonespa itque.”

⁵ Lonta'a ileco'ma al Paxi Quilya' Jerusalén. Icuai'etsi pe lopa'a al cuecaj xoute', xonca al ton-cay. Jiŕpe ecaxu'ma. ⁶ Timi:

—Ima' ja'ni i'Hua LanDios, taiyuŕa' al 'ocay. Al Paxi Linilingiya ticua: LanDios tumme'mola' lepaluc' titoc'i'mo'. Tipulnuf'mo' liŕmane, toŕta'a lopic' cane ailopa'a co'eyaco'.

Aimixcai'eyaco'.

⁷ Jesús timi:

—Al Paxi Linilingiya jouc'a ticua: “Aimahuai'ma ËanDios ìlque omenDios”.

⁸ Ìonta'a ehuaicona'ma. I'hua'a'ma al toncay anuli hijuala xonca i'nof'quiya. Imuc'i'ma jahuay lan nación jouc'a ìl'huexi. ⁹ Timi Jesús:

—Laxc'onlingaita'. Iya' capi'ina'mo' comane. Tocuxena'ma jahuay ìhiya.

¹⁰ Jesús timi:

—Ima' monta'a to'huanla'. Ałpo'noła' caituca'. Al Paxi Linilingiya ticua: “Taxc'onlingaita' ËanDios ìlque omenDios. Ma le'a ìlque tomi'ma: Ima' un-Cueca'.”

¹¹ Ìonta'a i'huaana'ma. Ipanenni quituca' Jesús. Icuaiyunca lapaluc' quema'a. Itoc'i'me, ites'mi'me.

¹² Licuej'ma Jesús: “Juan Bautista itats'iya”, it-secona'ma Galilea. ¹³ Ux'maspa lipiıya' Nazaret, i'hua'ma ipajntsi jilpe liıya' cuftine Capernaum. İe liıya' copa'a łema al cuecaj quin'nuhua', jilpe ìlemats' Zabulón y Neftalí. ¹⁴ Tołta'a enanłpa linespa cal profeta Isaías. ¹⁵ İlque inescopa lo'ıya jilpiya “... ìlemats' Zabulón y Neftalí, lane lotsepa łema caja, łamats' locuena quiju' al pana' Jordán, Galilea pe lomana' lan xanuc', ìne pe aimimet-saicoyi ËanDios”. ¹⁶ Jouc'a ticua:

Lan xanuc' nomana' jilpiya tocomma tiyelocoyi al muf, ìne ixim'me al cueca' quepalc'o'.

Jilpe łamats' ti'hua lamaya, tunxamu'ela', tixpaic'ela'.

İtsiya ìlic'enapa, epalc'onapola'.

17 Licuaitsi jilpiya al distrito Galilea, Jesús ipango'ma uya'a'ma Lataiqui' loya'apa ihe al c'a lixic'epa LanDios. Timila' lan xanuc':

—¡Tolsuej'menanca! Itsiya icuai'ma cal Cuecaj Rey Nopa'a lema'a. Ticuxela' lixanuc'.

18 Anuli litine Jesús ti'hua lema al cuecaj quin'nuhua' Galilea. Ixim'mola' loquexi' lapimaye, Simón y Andrés. Ique Simón tecui'impa Pedro. Ihe in'nohpá catuye. Tecajm'miyi hixami lin'nuhua'. 19 Jesús timila':

—¡Lihuejla'! Itsiya toh'nohyi catuye. Iya' capi'i'molhuo' ocuena colpenic'. Tolahuetola' lan xanuc', ihniya lihuejla'.

20 Pedro y Andrés aikuicoh'mola'. Ipo'no'me hixami, ihuej'me Jesús.

21 Jesús uyai'ma nihuata, ixim'mola' ocuenaye oquexi' lapimaye, ihniya inaxque' Zebedeo. Lihpuftine Jacobo y Juan. Ihniya quih'ailli' Zebedeo ticusc'olanna al barco. Tenaj'mot'hyi hixami ti'nohcota latuye. Jesús ijoc'i'mola', timila':

—¡Lihuejla'!

22 Aikuicoh'mola'. Ipo'no'me al barco jouc'a quih'ailli'. Ihuej'me Jesús.

23 Jesús ti'huaf'cay jahuay al distrito Galilea. Ti'hua timuc'iyale jilpiya lajut'hi pe lafohyomma. Tuya'e' te ts'i'ic' lixic'epa LanDios, ihe lataiqui' loya'apa al c'a. Tixa'h'mela' lan xanuc' jahuay lihpuhla, jahuay lihcuana. Ihe litaiqui' loya'apa ticua: “Icuai'ma LanDios cal Rey. Timajm'me anuli lixanuc'.” 24 Jahuay lamats' Siria lan xanuc'

icuej'me lo'epa Jesús. Icuai'enca jahuay lile-fcuallay, jouc'a noxingufcopá lihpumla, jouc'a lit-sufilai'ila' contahue, jouc'a lan mac'ojay, jouc'a luhuaŧqueya. Jesús ixal'mena'mola'.

²⁵ Ihuej'me axpela' lan xanuc' lun Galilea, jouc'a lan xanuc' lihpitelotya' cuftine lan Decápolis, jouc'a lun Jerusalén, jouc'a lan xanuc' nomana' ni petsi al distrito Judea, jouc'a nomana' locuena quiju' el cuecaj pana' Jordán.

5

¹ Jesús ixim'mola' axpela' lan xanuc' tihuejyi, if'aj'ma lijuala. Jiŧpiya icutshuai'ma. Hoc'oŧai'me ts'ilihuequi. ² Ipango'ma imuc'i'mola', timila':

³ —Lan xanuc' ts'iŧsina' tehue'ela' juaiconapa, iŧne linca tuyalaicoyi al c'a. Maŧniya timajm'me anuli LanDios liŧRey.

⁴ 'Lan xanuc' nohuotsopá, iŧne linca tuyalaicoyi al c'a. Maŧniya tiŧonc'e'em'mola' liŧpixhuejma'.

⁵ 'Lan xanuc' pe aimi'e'eyoŧsi tsila', iŧne linca tuyalaicoyi al c'a. Maŧniya ixanuc' LanDios, iŧque tepi'i'mola' quiŧmane ticuxe'me fa'a li'a ŧamats'.

⁶ 'Lan xanuc' nojanajpá latentŧcocopa LanDios, nocuapá: “LanDios aŧ'e'etsonga' liŧca laŧpicuejma'”, iŧne linca tuyalaicoyi al c'a. Maŧniya ti'e'em'mola' liŧca liŧpicuejma'.

⁷ 'Lan xanuc' noximpá cuanuc' liŧpimaye, iŧne linca tuyalaicoyi al c'a. Maŧniya tixinim'mola' acuanuc'la.

⁸ 'Lan xanuc' ts'anuli liŧpicuejma', iŧne linca tuyalaicoyi al c'a. Maŧniya tixim'me LanDios.

9 'Lan xanuc' nocuapá: “Catoc'i'ma laipima. Tuyaila' al c'a ilque”, iñe linca tuyalaicoyi al c'a. Mañiya timetsaicom'mola' inaxque' LanDios.

10 'Lan xanuc' notelcopá mihuejyi al lijca cane, iñe linca tuyalaicoyi al c'a. Mañiya timajm'me anuli LanDios hiRey.

11 'Imanc' ts'alihuequi, ja'ni lan xanuc' titaletsolhuo', ja'ni timilojtsolhuo' cataiqui', ja'ni titel'mitsolhuo', ja'ni tinesc'etsolhuo' ma mifel'miyaleyi, imanc' linca tuluyalaicoyi al c'a. 12 Tołta'a imanc' ti'onłcopolhuo' to lam profeta. Luyaipa quitine ma tołiya litelcopa iñiya. ¡Toliyuc'tsefe tixojla' cunlata! Jipu'hua lema'a tipa'a al cueca' lapi'inyacolhuo'.

13 'Imanc' ma mołmana' li'a łamats' ti'onłcopolhuo' to ł'hue. ¡Tofe tipajñla! Aimi'i'molhuo' to ł'hue łuyaipa lic'a. Ilque ł'hue aimi'iya milajn-naya. Lan xanuc' tejuajaispá łuna, ti'huailequinna.

14 'Mołmana' fa'a li'a łamats' imanc' ti'onłcopolhuo' to lepalc'o', ti'onłcopolhuo' to liłya' lilajmpa al toncay lijuala, aikuemiya.

15 Munai'im'me lepalc'o' aimic'ommumiquinni anuli c'ec. Tipo'nonni pe lopiyo. Tołta'a tepalc'o'ila' jahuay nomana' lajutł. 16 Ma tołta'a ti'ila' loł'ejma' imanc'. Tolapalc'o'itsola' loł'as xanuc'. Tonł'e'etsola' al c'a. Tołta'a ticua'me: “Acueca' conł'Ailli' Nopa'a lema'a. Ac'a ilque.”

17 '¿Te aga tołnesyi: “Jesús icuaicoco'ma fa'a li'a łamats' tetelła' locuxepa LanDios, iñe lataiqui' linilijmpa Moisés, jouc'a linilijmpa lam profeta”? A'i. Aicuaicoco'ma canant'lił' locuxepa LanDios, aicatelya. 18 Iya' camilhuo' al linca: Ma mipa'a

lema'a li'a lamats', aimehue'eya ni anuli lainila' xonca laca'hua, ni tołta'a anuli łacumi. Ihe litaiqui' ŁanDios jahuary tipanehuo. Ma' mi'hua menanłi lixpıc'epa ŁanDios, jouc'a ti'hua tipanehuo litaiqui'.
 19 Anuli cal xans ja'ni aimihuejma iłiya litaiqui' ŁanDios locuxepa, tama lataiqui' xonca aca'hua, ja'ni timuc'itsola' tołta'a lif'as xanuc', ilque cal xans tixinim'me xonca aca'hua pe lomana' lan xanuc' naihuejcopá cal Rey Nopa'a lema'a. Locuena cal xans naihuejcopa ŁanDios, timuc'itsola' lan xanuc' tihuejcole, ilque tixinim'me acuecaj xans pe lomana' lan xanuc' naihuejcopá ŁanDios cal Rey Nopa'a lema'a.

20 'Iya' camilhuo': Aimol'onlıco'moltsi to lam fariseo ni lomxiye nomuc'iyalepá locuxepa ŁanDios. Tonı'ele xonca al c'a. Ti'ıla' xonca al łijca loł'ejma'. Ja'ni a'i, aimoltsuflaiyacu pe lomana' naihuejcopá ŁanDios, ilque cal Rey Nopa'a lema'a.

21 'Imanc' olına' lataiqui' lu'impola' lan xanuc' iłniya nimajmpá luyaipa quitine. U'impola': "Aimolma'ahuale'me. Naitsi noma'ahualepa titai'ma łijunac'. Tecani'em'me." 22 Iya' camilhuo': Cal xans ja'ni ti'hua tixtuc'o łipima, titai'ma łijunac'. Cal xans ja'ni timilojla' cataiqui' łipima, tilecom'me pe lafołyomma lan xanuc' noxpıjpá lataiqui'. Cal xans ja'ni tetets'ıla' łipima, timıla': "Ima' uncue camac'ta", ilque titełcota łunga pe lopa'a al muf.

23 'Tocuaitsi pe lotsufcoyompa ŁanDios, ma mopa'a jıłpiya pe lołtsufcoyoya, ja'ni to'nujuaitsi łopima tixtuc'ohuo', 24 topo'nolá' jıłpiya lołtsufcoya, to'hualá' toxıntsi łopima. Topac'etsi lipoyac' łopima, tołmajnle al c'a, tołpac'enatsołtsi. Tijoułá'

topainanni, tocuainata pe loftsufcoyoya, totsufcoła' LanDios.

²⁵ 'Iłque naixtuc'opo' ja'ni ti'hua'atso' cal juez, aimicoł'mo', topac'eła'. Topalaic'ola' ma monłeyi lane. Ja'ni a'i, iłque ticufto' cal juez, cal juez ticuto', lapaluc' titats'e'mo'. ²⁶ Iya' camihuo' al linca: Ma mi'hua cotaiyinge, tama tutani le'a, jilpiya topajnta, aimaipaya.

²⁷ 'Imanc' ołsina' lu'impola' lan xanuc' nima-jmpá luyaipa quitine. U'impola': "Aimoxhuico'ma lipeno lof'as xans". ²⁸ Iya' camilhuo': Cal xans mehuelonge anuli łaca'no', ja'ni ticua lipicuejma': "Caxhuicoła'", iłque cal xans joupa itaipa lajunac'. Tocomma to joupa ixhuicopa.

²⁹ 'Camihuo': Ja'ni iłe lofmehuelojmpa timenac'ihuo', topulcufla' lo'u, taca'niła' aculi', tama iłiya lo'u al c'a camane. Tołta'a ma le'a anuli lo'u tejac'ma aimimef'minyaco' łunga. ³⁰ Ja'ni lomane timenac'ihuo', tama iłiya al c'a comane, tatejla', taca'niła' aculi'. Tołta'a ma le'a anuli lomane tejac'ma, aimimef'minyaco' łunga.

³¹ 'Luyaipa quitine uya'ampá: "Cal xans nixpic'epa tux'masla' lipeno, tepi'ila' lije'e, tijouła' tux'masnała'". ³² Iya' camilhuo': A'i. Cal xans aimi'iya mux'masya lipeno. Ja'ni łaca'no' joupa ihuejpa ocuenaj xans, hipe'ailli' nipajnya tux'masla'. Ja'ni a'i aimi'iya. Iłque łaca'no' joupa łux'masquimpa ja'ni tihuejla' ocuenaj xans, titai'ma lajunac'. Naitsi nolecoya łaca'no' jouc'a titai'ma lajunac'.

³³ 'Jouc'a ołsina' lu'impola' lan xanuc' nimajmpá fa'a luyaipa quitine, ticuayi: "Ja'ni o'epa jurar, aimopai'i'ma jiliya lotaiqui'. Lotaiqui' joupa o'epa

jurar ÆanDios, tanant'hi'ma. Ja'ni aimanant'hi, to-tai'ma lajunac'." ³⁴ Iya' camilhuo': Aimoe'ma jurar. Aimocua'ma: "Por lema'a". Jiłpiya ticutsu ÆanDios cal Cuecaj Juez. ³⁵ Aimocua'ma: "Por li'a łamats'". Li'a łamats' tocomma to hipitas ÆanDios lacaxaf'i'ipa li'mitsi'. Aimocua'ma: "Por al cuecaj quiłya' Jerusalén". Jiłpiya ipiłya' ÆanDios cal Rey. ³⁶ Jouc'a aimocua'ma: "Por łaijuac". Ima' cotuca' aimi'iya mocuxe'eya łajuac. Anuli lajuac lumi aimi'iya mo'eya fujca. Jouc'a lajuac al fujca aimi'iya mo'eya umi. ³⁷ Aimoe'ma jurar. Ma le'a tocua'ma: "Tołta'a ca'e'ma", o "Ai, aica'eya". Aimołof'i'ma cataiqui'. Ja'ni tołof'i cataiqui' a'i ÆanDios micuxe'ehuo' iłiya lofnespa. Ma le'a łonta'a ticuxe'ehuo'.

³⁸ 'Ołsina' luya'ampá luyaipa quitine, ticuayi: "Anuli cal xans ja'ni joupa ipa'empá anuli li'u, iłque mipai'iconghua, tipa'econa'ma ma le'a anuli li'u. Ja'ni anuli cal xans tipa'em'me anuli li'ay, iłque mipai'iconghua, tipa'econa'ma ma le'a anuli li'ay." ³⁹ Iya' camilhuo': Ja'ni a'ijc'a lo'epo', aimocuanaj'moxi. Ja'ni tuntafhuo' lopeque al c'a camane, tocufla' lopeque loxa camane tuntafcontso'. ⁴⁰ Ja'ni ticuxecotso', texic'e'mo' lotsamalo, tommi'ila' lotsamalo jouc'a tommi'ila' lopusuiya. ⁴¹ Ja'ni ts'ipenic' ticuxe'etso' timitso': "Łacantumf'eta cane oquej kilometro. Ałtoc'ila' łainitay", ima' tacantumf'eta amalpu kilometro. ⁴² Naitsi noxahue'epo', tapi'ila'. Ja'ni tixahue'etso', timitso': "Łapi'ila', tijoułta' cacuai'enaco'", aimocuanaj'ma.

⁴³ 'Imanc' ołsina' luya'ampá luyaipa quitine, ticuayi: "To'e'ma capic'a łopima. Aimoe'ma capic'a

naixtuc'opo'. Itque to'e'ma laic'." ⁴⁴ Iya' camilhuo': Tonf'e'mola' capic'a naixtuc'opolhuo'. Tohsahue'ele LanDios titoc'itsola' ihniya notel'mipolhuo'. ⁴⁵ Ja'ni tole lof'ejma' ahinca ti'i'molhuo' inaxque' LanDios, itque col'Ailli' Nopa'a lema'a. Itque ticuxe'e li'ora tepalc'o'itsola' jahuay lan xanuc'. Ja'ni lan c'a xanuc', ja'ni lixcay xanuc' tepalc'o'ila'. Jouc'a ticuxe'e ticuila' ni petsi lomana' lan xanuc', petsi no'epá al c'a, jouc'a petsi no'epá lixcay, ma' anuli ticui'e. ⁴⁶ Ja'ni tof'etsola' capic'a ma le'a ihne no'epolhuo' capic'a, ¿te cululijpa? Ma tohta'a mi'eyi lin'najsts'i'iyale. ⁴⁷ Ja'ni ma le'a tohnonnila' lohpimaye, ¿te ma tonf'eyi xonca al c'a? Ai. Lan xanuc' pe aimimetsaicoyi LanDios tole mi'eyi. ⁴⁸ Col'Ailli' Nopa'a lema'a ti'ay pangay al c'a. Imanc' jouc'a tonf'ele pangay al c'a.

6

¹ 'Ja'ni imanc' tolapi'i'mola' lan xanuc' quiltomí, aimotcua'me: "Ahsintsonga' lan xanuc'. Limetsaico'monga' ninc'ic'a xanuc'." Ja'ni tole tolcuayi ailopa'a capi'iyacolhuo' col'Ailli' Nopa'a lema'a. ² Monlapi'ila' quiltomí lan xanuc' pe aiquil'hueca, aimof'e'me to mi'eyi lan xanuc' ihne no'e'epohtsi to joupá ixanghuaitola' lihpicuejma'. Ihne micu'me al tomí tifus'miyi litrompeta, ticuayi: "¡Ahsinla'! Iya' capi'i'ma quitomí itca'a cal xans, itque aiquil'hueca." Tohta'a mi'eyi mimana' lajut'hi pe lafoyomma lan xanuc' o miyeyi lexpats'qui cane, tohta'a mi'eyi. Ihniya ticuayi: "Alimetsaicontsonga' xonca ac'a lahpicuejma', laf'ejma'". Iya' camilhuo': Ne', itole timetsaicontsola'! Ailopa'a capi'iyacola'

ŁanDios. ³ Ima' tołta'a aimo'e'ma. Ja'ni tapi'itsola' quiltomí lan xanuc' pe aiqul'hueca, to'ela' ch'ixca. Aimoya'a'ma lof'eya. Ni ima' cotuca' aimo'nujuais'ma locupa. Ni loxa camane mixim'ma lo'epa al c'a camane. ⁴ Tołta'a aimixininyaco' motoc'ila' itne lan cuanuc'la. Co'Ailli' Nopa'a lema'a itque linca tehuelojnhuo' ite lof'epa jilpe petsi aimehuelojnhuo' lan xanuc'. Itque tepi'i'mo' lofmulijya.

⁵ 'Ma' mołpalaic'oyi ŁanDios, aimoł'e'e'mołtsi to itniya lan xanuc' no'e'epołtsi to joupa ixanghuaitola' liłpicuejma'. Itniya mipalaic'oyi ŁanDios tecaxołanna jilpiya łajut'li pe lafołyomma lan xanuc'. Jouc'a tipalaic'oyi ŁanDios mecaxingołaiyi pe łatenuficipa łaneya. Ma tołta'a itpic'a. Ticuayi: “ıAłsintsonga' lan xanuc' małpalaic'oyi ŁanDios!” Iya' camilhuo': Ne'. Joupa ixinimpola'. Joupa tipa'a lolijyacu. Ailopa'a xonca. ⁶ Ima' aimo'e'ma to itniya. Ja'ni topalaic'o'ma ŁanDios totsufai'ma lomejut'ł, tati'i'ma lopuerta. Jilpiya cotuca' topalaic'o'ma co'Ailli', itque Nopa'a petsi lan xanuc' aimi'ya mixinyacu. Itque co'Ailli' linca tehuelojnhuo' lof'epa, ite to'ay petsi aimehuelojnhuo' lan xanuc'. Ma' itque tepi'i'mo' lofmulijya.

⁷ 'Imanc' mołpalaic'oyi ŁanDios aimoł'e'me to mi'eyi lan xanuc' pe aimimetsaicoyi ŁanDios. Itne mixahue'eyi lilendiosla' timiyi axpe' cataiqui'. Aiquil'sina' te locupa. Ticuayi: “Ałmitsola' axpe' cataiqui', tołta'a lalandiosla' ałquimf'e'monga”.

⁸ Imanc' aimoł'onłico'mołtsi to lił'ejma' itnu'hua. Coł'Ailli' ixina' ite lahue'epołhuo' ai'a tołsahue'e'me.

⁹ Mołpalaic'oyi LanDios tołmile:

Ima' ał'Ailli' cofpa'a lema'a,
timetsaicontso' apaxi lopuftine.

¹⁰ Ticuaitsi litine petsi jahuay lan xanuc' timet-
saicotso' ima' iłRey.

Pu'hua lema'a jahuay tihuejcohuo', tołta'a tihuej-
cotso' fa'a li'a łamats'.

¹¹ Łatpepa itine itine, lapi'itsonga' itsiya.

¹² Illanc' joupa limenc'e'ecopola' iłne
ts'altaiyinc'enga'.

Ima' jouc'a limenc'e'ecotsonga' iłe łaltaiyinc'ehuo'.

¹³ Aimalłeco'monga' petsi lalahuaiyonyacong'a'.

Ja'ni tiłoc'huai'ma pe łalmana' lixcay xans, jima'
lunłu'etsonga'!

¹⁴ 'Imanc', ja'ni tolimenc'e'ecotsola' loł'as
xanuc' iłe lo'epolhuo', jouc'a coł'Ailli' Nopa'a
lema'a timenc'e'eco'molhuo' iłe lixcay lonł'epa.

¹⁵ Ja'ni imanc' aimolimenc'e'ecola' loł'as xanuc'
lo'epolhuo', coł'Ailli' Nopa'a lema'a jouc'a
aimimenc'e'ecoyacolhuo' lixcay lonł'epa.

¹⁶ 'Imanc' mołsnet'łyi aimołtetsoyi, aimonł'e'me to
lan xanuc' iłne no'e'epołtsi to joup'a ixanghuaitola'
liłpicuejma'. Iłne mixnet'łyi aimitetsoyi, ti'e'eyołtsi
to nohuotsopá. Tupaxc'eyołtsi lił'a, tixinintsola'
lan xanuc' tixnet'łyi iłniya. Iya' camilhuo': Ne'.
Joup'a ixinimpola' tołiya. Joup'a tipa'a lolijyacu.
Ailopa'a xonca. ¹⁷ Ima' moxnnet'łqui, to'huałcufla'
al c'a łojuac, to'ot'łila' laceite, tapajla' lo'a. ¹⁸ Tołta'a
tixinim'mo' to aimoxnet'łqui, tocomma ma
totesma. Ma le'a co'Ailli' tixina, iłque Nopa'a
pe lan xanuc' aimi'iya mixinyacu. Iłque łınca
tehuelojnhuo' loł'epa jilpe petsi aimixinghuo' lan
xanuc'. Ma iłque' tepi'i'mo' lołmulijya.

19 'Imanc' aimolafot'le'me col'huexi fa'a li'a lamats'. Jifa'a ile lo'huexi tijouna'ma. Lan huoxmi tite'me o tunxilai'ma, o lan namats' titsuflai'me lomejut'l, tinantsej'mo'. 20 Ma molmana' fa'a li'a lamats' xonca ton'ete ti'ita' lo'huexi jipu'hua lema'a. Jitpe aimiteji lan huoxmi, ailopa'a. Aimunxilaiya. Ni lan namats' aimitsuflaiyacu lomejut'l minantsejyaco'. Jitpiya ailopa'a. 21 Pe lopa'a lo'huexi malpiya copa'a lo'pioxjma cata.

22 'Lo'u tepalc'o'ihuo'. Ja'ni ac'a lo'u toxim'ma pe lof'huaya, toxim'ma ile lof'epa. 23 Ja'ni a'ijc'a lo'u topanehuo al muf. Ma' anuli ja'ni to'ehuale laic', joupa i'ipa a'ijc'a lopicuejma', aimepalc'o'ihuo'. Ja'ni joupa imufc'opa lopicuejma', jacueca' juaiconapa ile al muf!

24 'Cal xans ticuicomma ma le'a anuli lipoujna. Ja'ni oquexi' tixtuc'o'ma anuli, locuena ti'e'ma capic'a. O tixinc'ne'ma anuli, tetets'i'ma locuena. Imanc' jouc'a ticuicomma ma le'a anuli lo'poujna, itque LanDios. Aimi'iya molihuejcoyacu al tomi' jouc'a.

25 'Iya' camilhuo': Aimolsuel'mot'le'me lonluyalaicoyacu lapajnya fa'a li'a lamats', ja'ni ti'i'ma o aimi'iya. Aimolcua'me: "¿Te caltejacu? ¿Te calsnayacu? ¿Te calju'ecoyacołtsi?" Lołcuerpo linca xonca acueca' lipitali, lołju'ecoyacołtsi aijtine. Jouc'a loł'alma xonca acueca' lipitali, lołtejacu aijtine. 26 Tołsinle lacał'hui naiyulpá lema'a. Ilniya aimifayi, aimefot'leyi, ailopa'a quil'huecołma mi'huejyacu lołtejacu. Coł'Ailli' Nopa'a lema'a tites'mila'. Itque, ¿ja'ni aimi'nujuaitsilhuo' imanc'? Linca, xonca ti'nujuaitsilhuo', tixinnilhuo' xonca acueca' lołpitali. 27 Imanc' tama tołsuel'mecoyi

juaiconapa, ¿te aga ti'i'ma tonl'e'e'moltsi xonca unc'itołqui? A'i. Aimi'iya ni huata.

²⁸ '¿Te cołsuełcocopa? Tołcuayi: “¿Te quijahua' calpo'noyacu?” Tołsinle łaiquitamqui łotojpa cal 'ec'. Tipa'a łaiquitpipa'. İne łaiquitamqui aimucuiyi, aimi'eyi canic'. ²⁹ Ma ŁanDios tiju'ecojma łaiquipipa'. İya' camilhuo': Cal cuecaj rey Salomón, lipo'nopa al c'a lipijahua', tama i'huáqui juaiconapa acueca' quincuxepa, ìłquiya aiqui'onlı to łaiquipipa' łaiquitamqui. ³⁰ ŁanDios tiju'e'ela' juaiconapa ac'a łaiquitamqui cal 'ec'. İne łaiquitamqui aimicołıla'. Anuli litine titoquila' ac'a, locuena quitine tiyaxquemma, tipi'enni lapa. Imanc', ¿te ŁanDios aimiju'eyacolhuo'? Ah imanc', huata toł'huaiyijnyi ŁanDios.

³¹ 'Aimołsuełco'me. Aimołnes'me: “¿Petsi calsi'neyacu caltejacu, calsnayacu? ¿Petsi calsi'neyacu calpijahua'?” ³² Lan xanuc' pe aimimetsaicoyi ŁanDios tuyalaicoyi lapajnya tehueyi ìłna'a. Coł'Ailli' Nopa'a lema'a ixina' te ts'i'ic' lahue'epolhuo'. İłque tepi'i'molhuo'. ³³ Tołpo'nołe lołpicuejma' tolıhuejcołe ŁanDios cal Cuecaj Rey, tonl'ete al c'a ma to locuxe'epolhuo'. Tijoułta' tepi'i'molhuo' jahuay. Aimehue'eyacolhuo', ni tołta'a.

³⁴ 'Aimołsuełmot'le'me. Aimołcua'me: “¿Te caluyalaicoyacu mouqui?” Mouqui tołsim'me lo'iyacolhuo'. Ma' itsiya tipa'a lołtełcopa. Ja'ni tołsuełcoyi lo'iya mouqui xonca ipime tołsim'me itsiya.

7

¹ 'Imanc' aimołnesc'e'mola' loł'as xanuc',

tołta'a aiminesc'econayacolhuo'. ² Ma to imanc' tołpalaicola' lołf'as xanuc' ma tołta'a tipalaicom'molhuo'. Ma to mołspif'caleyi, ma tołta'a tixpif'quim'molhuo'. ³ Ima', ¿te cofmehuelojncopa łopima mipa'a anuli łaquifuc li'u? Ima' aicoxina' to jipu'hua anuli laxma tipa'a lo'u. ⁴ Mipa'a laxma jilpe lo'u, ¿te cofmicoya łopima: “Lapi'ila' lane quipa'e'e'mo' łaquifuc łopa'a lo'u”? ⁵ Ma le'a to'e'eyoxi xonca unc'a. Ate'a' taipa'ała' laxma łopa'a lo'u. Tijouła' ja'ni joupa mipa'apa, ti'i'ma toxim'ma łaquipifuc łopa'a li'u łopima, taipa'e'ena'ma.

⁶ 'Aimolapi'i'mola' lan tsilqui li'huexi ŁanDios. La-june' lilanc'ecompa aperla, ilniya acueca' lipitali, aimolacani'i'mola' lijná. Ilniya ti'huailej'me lam perla, tijouła' tits'aletsuftolhuo' imanc'.

⁷ 'Ti'hua tołsa'huełe, tijouła' tepi'im'molhuo'. Ti'hua tołahuełe, tijouła' tołsim'me. Ti'hua tołumf'asle al puerta, tijouła' texi'em'molhuo'. ⁸ Lan xanuc' noxa'huepá, tepi'im'me. Jouc'a nahuepá, tixim'me. Jouc'a nomf'axpá, texi'em'me.

⁹ 'Imanc' unc'ixanuc', ja'ni tixahue'etsolhuo' łai lołnaxque', ¿te tołapi'i'mola' łapic? ¹⁰ Ja'ni tixahue'etsolhuo' łatu, ¿te tołapi'i'mola' łainofał? Linca ailopa'a no'eya tołta'a. ¹¹ Imanc', tama tipa'a lołjunac', tipa'a lołpicuejma', tonłapi'i'mola' al c'a lołnaxque'. Conł'Ailli' Nopa'a lema'a, xonca acueca' ilque lipicuejma'. Tołta'a tepi'i'molhuo' al c'a ja'ni tołsahue'elē.

¹² 'Ja'ni aimetenłcocolhuo' lo'e'epolhuo' lołf'as xanuc', aimoł'e'me jouc'a imanc' tołiya. Ma tołta'a loya'apa locuxepa ŁanDios, jouc'a lomuc'iyalepa lam profeta.

13 'Tołtsulfolaitsa iŕe al tansca al puerta. Tipa'a ocuena al puerta, jiliya expats'qui, jilpiya copa'a lotsufaicopa lexpats'qui cane. Jiŕe lane lotsepa pe lajac'eyacola'. Iŕe al puerta lexpats'qui axpela' noximpá. 14 Ma le'a oquexi' afantsi noximpá locuenaj al puerta, ihiya atansca, lotsufaicopa al tansca cane. Jiŕe lane lotsepa pe lolijyacu al ts'e liŕpitine aimijouya.

15 'iToł'e'etsoltsi cuenna! Ticuaicu pe lołmana' lam profeta nofelaiquepá. Iŕniya ti'onłcospola' to lam mot'ł. Tocomma ailopa'a co'epa iŕniya. A'ij linca. Ituca' li'ejma'. Iŕniya oyac'la to lan lobo, iŕne linneja notepá lam mot'ł. 16 Iŕne li'ejma' timuc'i'molhuo' te ts'i'ic' liŕpicuejma'. Al 'ec hi'as timuc'i'molhuo' jale c'ec iłta'a. ¿Te litac cantsinni ti'as'ma a'uva? ¿Te litac al xumi ti'as'ma a'higo? A'i, aimi'iya. 17 Jahuay al c'a c'ec mi'atsi, ac'a hi'as. Lixcay c'ec mi'atsi, ixcay hi'as. 18 Al c'a c'ec aimi'iya mi'asya lixcay qui'as. Lixcay c'ec aimi'iya mi'asya cal c'a qui'as. 19 Al 'ec, ja'ni a'ijc'a hi'as, tetequim'me, tixanc'onna lungá, tipi'enna. 20 Iya' camilhuo': Tolahuelojntsola' iŕne lam profeta te ts'i'ic' li'ejma'. Tołta'a tolimetsaicona'mola' in-fel'miyale.

21 'Lan xanuc' tama almiła': "iMaiPoujna, maiPoujna!", a'i jahuay iŕniya mitsuflaiyacu pe locuxeyopa LanDios, iłque Nopa'a lema'a. Pe naihuejcopá lixplic'epa cai'Ailli' Nopa'a lema'a, iŕne linca titsuflaita. Locuenaye aimitsuflaiyacu. 22 Ticuaitsi iŕe al Cuecaj Quitine axpela' almi'ma: "iMałPoujna, małPoujna! Illanc' oxanuc', tołta'a aluya'apá lonespa LanDios,

jouc'a lipa'apola' lontahue, jouc'a ał'epá axpe' acueca'." ²³ Iya' catalai'e'e'mola', camí'mola': "Iya' aicainimetsaicolhuo'. ¡Tonfele! ¡Tonfolijnle! Imanc' aimonł'eyi locuxepa ŁanDios."

²⁴ 'Cal xans łatquimł'epa laitaiqui' jouc'a lihuejma, itque ipicuejma' cal xans. Ca'onłico'ma to cal xans nolanc'epa lejutł. Ipucufpa qui'huajcopa łapic, jıłpiya itsahue'emma lejutł. ²⁵ Lijoupa lilanc'epa lejutł icui'ma juaiconapa. Ixpe'ma laja' cal panay, ipac'o'ma. I'hua'ma łahua'. I'hua'ma ujfxi, unajm'ma lajutł. He lajutł aits'ifentsi, aiquecangenni. Joupa ilajmpa pe litsahueyomma apic. Ailopa'a qui'ipa.

²⁶ 'Cal xans łatquimł'epa laitaiqui', ja'ni aimalihuejma, itque a'i quipicuejma' cal xans. Ca'onłico'ma to cal xans nilanc'epa lejutł litsahueyomma acuixa. ²⁷ Icuí'ma juaiconapa. Ixpe'ma laja' cal panay, ipac'o'ma. I'hua'ma ujfxi łahua', unajm'ma lajutł. Etełquemma. Ecanipa nulemma.

²⁸ Lijou'ne'ma Jesús ihna'a hitaiquí lan xanuc' ticuayi:

—Łınca acueca' ite litaiqui' lałmuc'iponga'.

²⁹ Lomxiye nomuc'iyalepá locuxepa ŁanDios a'i mimuc'iyaleyi to lomuc'iyalepa Jesús. Itque łınca joupa epi'impa limane timuc'iyaletsi, ihniya a'i.

8

¹ Limunanni lijuala Jesús ihuej'me axpela' lan xanuc'. ² Icuaiyunni anuli cal xans iteca cahui. He al cuana cuftine lepra. Exc'onłingai'ma Jesús, timi:

—Maipoujna, ima' nipajnya latufc'entł', caxinxoxi ał'ıntł' limpio. ¿Ja'ni to'e'ma?

³ Jesús i'nij'ma limane, iłaf'ma łafcuana, timi:

—Ca'e'ma. Ti'intso' limpio.

Aiquicoł'ma, iłojn-na'ma lehui. I'ina'ma limpio.

⁴ Jesús timi:

—Aimoya'a'ma iłe lai'e'epo'. ¡To'huanła'! Jiłpe al cuecaj xoute' tomujtoxi ła'ailli'. Totsufcota ma to licuxepa Moisés. Tołta'a ałsim'monga' illanc' lihuej-coyi iłe lataiqui'.

⁵ Jesús itsufai'ma liłya' Capernaum, icuaiyunni anuli nocuxepola' amaxnu lisoldado. Tixa'hue Jesús titoc'ıla'. ⁶ Timi:

—Maipoujna, łaimozo textafque, tunouya laine-jutł'. Joupa uhuaquemma. Tixina acueca' cumla.

⁷ Jesús timi:

—Ai'huapa, caxał'menna.

⁸ Iłque nocuxepola' lisoldado timi:

—Maipoujna, aimo'e'ma tołta'a. Ai caxa'huehuo' mo'huaya motsufaiya lainejutł'. Iya' caxinyoxi juaiconapa na'hua xans. Ma le'a tocuala': “Tixałconala' łomozo”, tijouła' ma tixałcona'ma. Tołta'a aixina'. ⁹ Iya' jouc'a quihuejma łalcuxepa, cacuxela' laisoldado. Cami'ma anuli: “To'huala'”, iłque ti'hua'ma. Łocuena cami'ma: “To'huanni”, iłque ti'huamma. Cami'ma łaimozo: “To'eła'”, iłque ti'e'ma.

¹⁰ Licuejpa Jesús tołta'a linespa łincuxepa, etenłcoco'ma juaiconapa. Timila' iłne ts'iłenc'e:

—Imanc' ixanuc' Israel olimetsaijma ŁanDios. Iłca'a cal xans lixanuc' aimimetsaicoyi ŁanDios. Camilhuo' al linca: Ni anuli imanc' caixina to iłca'a cal xans. Iłca'a linca xonca ti'huaiyinge ŁanDios.

¹¹ Camilhuo': Ticuaita locuenaye lan xanuc', iłniya

nomana' pe liyuf'ma cal 'ora, jouc'a lan xanuc' no-mana' pe lof'acaiyopa cal 'ora. Jouc'a lohtatahueló Abraham, Isaac, y Jacob, ticutsołaita anuli pe locuxeyopa LanDios, ilque cal Cuecaj Rey. ¹² Ituca' lo'iyacola' ihniya nocuapá: “Ma' illanc' inaxque' LanDios cal Rey”. Ihe tihuescufinnola' luna, jilpiya al muf. Małpe tijolijta, ti'ilc'ta lił'ay.

¹³ Timi nocuxepola' lisoldado:

—Ima' al'huaiyijmpa, tonesqui: “Tixałcona'ma łaimozo”. To'huala'. Ma to lonespa, tołta'a ti'ila'.

Małe 'hora ixal'cona'ma łimozo ilque nocuxepola' lisoldado.

¹⁴ Jesús icuaitsi lejut'ł Pedro, jilpe ixim'ma li'maco Pedro tunouya textafque, tepi'i quinu'. ¹⁵ Jesús i'noł'e'e'ma limane. Ihojn-na'ma łipinu'. Ilque łaca'no' itsahuenanni, ites'mi'mola'.

¹⁶ Lummuhuaitsi i'hua'am'mola' pe lopa'a Jesús axpela' lan xanuc' litsufłai'ila' contahue. Jesús ma le'a icuxe'e'mola' lontahue tipalunca, ihniya ipalumma. Jouc'a ixal'mena'mola' jahuay lafcuallay. ¹⁷ Tołta'a enanłcopa linespa cal profeta Isaías luya'apa: “Ma ilque alsal'meponga' lałtafc'eponga', liłonc'e'enałponga' lałcuana”.

¹⁸ Lixim'mola' axpela' lan xanuc' ts'ihenc'e, Jesús timila' ts'ilihuequi:

—Łepá, ałquiepá al cueca' quin'nuhua'.

¹⁹ Ai'a tiye'me icuaitsi anuli łomxi nomuc'iyalepa locuxepa LanDios, timi Jesús:

—Momxi, ni petsi lołtseya, iya' jouc'a qui-huej'mo'.

²⁰ Jesús timi:

—Lan t'łeya tipa'a liłpunts'ejay. Lacał'hui naiyulpá lema'a tipa'a liłpuxil'na. Iya' ilque cal

Xans Liximpa cal profeta pu'hua lema'a, iya' ailopa'a caifxmai'eya.

²¹ Ocuena cal xans mihuequi Jesús timi:

—Momxi, lapi'ila' lane ca'hua'ma. Quimaf'i cai'ailli' capajnta jilpe lainejut'l. Tijoula timanla', caminna, quihuejcona'mo'.

²² Jesús timi:

—Lihuejla' itsiya. Lomapola' ti'i'ma temitsa liff'as lomapola'.

²³ Itsufai'ma al barco. Ts'ilihuequi itsufilai'me jouc'a. ²⁴ Muyalaicoyi ipanni ujfxi lahua'. Łaja titsahuemma, tuyanc'ne al barco. Tixc'uaf'caispa caja'. Jesús tixmay. ²⁵ Ts'ilihuequi Jesús icuaiyunca, ummef'me, timiyi:

—Małpoujna, ¡lunlu'etsonga'! ¡Ałma'monga'!

²⁶ Jesús timila':

—Ah imanc', ¿te coxpailijcopolhuo'? Ma' ahuata al'huaiyinge.

Itsahuenni, itale'mola' lahua', łaja. Jahuay i-ch'ixco'mola'. ²⁷ Ts'ilihuequi ixim'me acueca' ilē li'epa Jesús. Timiyoltsi:

—¿Naitsi ilca'a cal xans? Ticuxe'ela' lahua', łaja, tihuejcoyi.

²⁸ Icuaitsa locuena quiju' al cueca' quin'nuhua'. Jilpiya ilemats' ilne lan xanuc' gadareno. Oquexi' ipalunca pe lamu'empola' lomapola', icuai'me pe lopa'a Jesús. Lontahue joupa itsufłaipá ilne loquexi'. I'ipola oyac'la. Lan xanuc' aimi'iya muyalaicoyacu jile lane. ²⁹ Iniya loquexi' tija'ayi, timiyi Jesús:

—Ima' i'Hua ŁanDios, ¿te cocuaiyoco'ma fa'a lałmana'? ¿Te ts'opic'a? Itsiya aimalitel'miyaconga'

ŁanDios. Aiquicuaiya litine, tehue'e. ¿Te itsiya ima' alteł'mi'monga'?

³⁰ A'ij culi' jilpiya timana' axpela' lijná titeji quitpitamqui. ³¹ Lontahue ixa'hue'me Jesús, timiyi:

—Ja'ni lipa'a'monga' ihniya lan xanuc', lapi'itsonga' lane altsuflaita ihne lijná.

³² Jesús timila':

—Ne', tonłete.

Lontahue ipalunca lan xanuc', itsuflai'me lijná. Jahuay ihniya lijná inul'me liculhuo, i'nijmołaitsa laja', unxałac'mola'.

³³ Nohuic'ipola' lijná inul'me. Iyena'me, icuaitsa liłya', uya'atsa jahuay li'ipa, ihne li'ipola' loquexi' lan xanuc' litsuflai'ila' containue. ³⁴ Licuej'me jiliya, ipalunca jahuay lan xanuc' nomana' liłya', italefcuıtsa Jesús. Lixim'me, ixa'hue'me ti'huanłta', tipananni hilemats'.

9

¹ Jesús if'aj'ma al barco, uyaiconama al cueca' quin'nuhua'. Icuaitsi lipiłya'. ² Jilpiya icuai'entsa anuli cal xans textafque, uhuaquemma licuerpo. Tunafya cal huijm-ma'. Jesús ixim'mola' ihne lan xanuc' ti'huaiyijnyi, timi łuhuaqueya:

—Mai'hua, aimoxhuełmot'łe'ma. Joupa iłojn-napa lojunac'.

³ Licuej'me tołta'a lonespa Jesús oquexi' afantsi lomxiye nomuc'iyalepá locuxepa ŁanDios timiyoltsi: “İłque cal xans Jesús ti'e'eyoxi to ŁanDios”.

⁴ Jesús ixina' locuapa jilpe liłpicuejma' ihne lan xanuc', timila':

—Imanc', ¿te colcuacopa quixcay jilpe lołpicuejma'? ⁵ ¿Ja'ni tołsinyi ipime ihya laimipa cal xans: “Lojunac' joupa ifojn-napa”? Ja'ni camila': “Totsahuenni, to'huała”, ¿te tołsim'me a'i quipime ihe lataiqui'? ⁶ Itsiya camuc'i'molhuo' icueya laimane. Iya' iłque cal Xans Liximpa cal profeta pu'hua lema'a. Ma capa'a fa'a li'a lamats' nipajnya quılonc'e'e'mola' lan xanuc' liłjunac'.

Timi luhuaqueya:

—Totsahuenni, tonif'la' lohuijm-ma'. To'huanła' lomejut'ł.

⁷ Cal xans itsahuenni. I'hua'ma lejut'ł.

⁸ Lan xanuc' ixim'me acueca' ihe li'epa Jesús. Tix'najtsi'iyi LanDios, ticuayi:

—Linca, LanDios epi'ipa tołta'a limane iłque cal xans.

⁹ Jesús tuyaipa jilpiya. Mi'hua lane ixim'ma anuli cal xans lipuftine Mateo. Ticutsu pe lo'najtsi'iyaleyompa. Jesús timi:

—¡Lihuejla'!

Mateo itsahuenni, ihuej'ma Jesús.

¹⁰ Jesús jouc'a ts'ilihuequi icuai'me lejut'ł Mateo. Jilpiya titetsoyi anuli axpela' lan xanuc', ihniya in'najtsi'iyale jouc'a ocuenaye xanuc' pe aimihuejcoyi locuxepa LanDios. ¹¹ Lan xanuc' fariseo ixim'me Jesús ticutsu jilpe. Icuıs'e'me, timinnila' ts'ilihuequi Jesús:

—Imanc' lołpomxi, ¿te cotetsocopa anuli ihniya lan xanuc'? İhe in'najtsi'iyale jouc'a ocuenaye xanuc' pe aimihuejcoyi locuxepa LanDios.

¹² Jesús icuej'mola' ihe laicuitsufpa, timila':

—Lan xanuc' pe ailopa'a quılcuana aimicuicomma no'eyacola' cafxi. Laxtafpola' linca

ticuicomma no'eyacola' cafxi. ¹³ Imanc' tonlente, tolihuic'itsa lohuałquemma iŕe lataiqui' linihiya loya'apa lonespa LanDios, ticua:

Imanc' ti'hua altsufma lołpinneja lołma'apola'.

Iya' xonca latentłcoco'ma tołtsintsola' cuanuc'la iŕne lołf'as xanuc'.

Iya' aicuaicoco'ma fa'a li'a łamats' cajoc'itsola' pe ts'itaić' quiłjunac', tixhuej'menanca. Aicajoc'ila' pe ailopa'a quiłjunac'.

¹⁴ Ts'ilihuequi Juan Bautista icuaitsa pe lopa'a Jesús, timiyi:

—Illanc' alsnat'łyi, aimatsetsoyi. Ma' anuli lił'ejma' lan xanuc' fariseo. Ihiya lihuejhuo', ¿te cotetsocopa, aimixnet'łyi?

¹⁵ Jesús italai'e'e'mola', timila':

—Mipa'a łamijcano lijuic lipemaná, ihiya lijoc'impola', ¿te tihuotso'me? Ticuaitsi litine texic'e'entsola' łamijcano namaneya, iŕe litine łınca tihuotso'me, aimitetsoyacu, tixnet'ł'ime.

¹⁶ 'Ja'ni tanajmot'łiła' anuli lafane quijahua', aimi'iya moxhuicoya al ts'e quijahua'. Lafane quijahua' aimi'ommaiya. Tits'alquemma xonca.

¹⁷ Al ts'ej vino aimoc'ej'miya lafane pontalay quixmi. Ja'ni tołta'a loł'epa tits'al'mola' lam pontalay quixmi, tic'ejaiquehuo al vino, timinsco'mola' łixmi. Al ts'ej vino toc'ej'mi'ma al ts'e punta quixmi. Tołta'a aimecaniyacola' al vino ni al punta quixmi.

¹⁸ Jesús mipalay tołta'a icuaitsi anuli cal xans, iłque nocuxepa lajut'ł pe lafołyomma lan xanuc'. Exc'onłingai'ma pe lopa'a Jesús, timi:

—Łai'hua caca'no' ji'hua imanapa. Łepá. Toxpayaf'ta lomane, timaf'inna.

19 Jesús itsahuenni, iyejmale'me cal xans jouc'a ts'ilihuequi. 20 Miyeyi lane icuaiyunni anuli łaca'no' textafque. I'ipa imbama' coque' camats' ti'hua cajuats' licu'u. Hoc'huai'ma lixpula' Jesús. Hafc'e'e'ma laquiju' lipijahua'. 21 Ticua: “Ja'ni całafc'e'eła' Jesús, ma le'a laquiju' lipijahua', ałsałcona'ma”.

22 Jesús ipai'e'moxi, ehuelojm'ma łaca'no', timi:
—Mai'hua, aimoxhuełmot'łe'ma. Ał'huaiyinge, tołta'a ixałconapo'.

Małe 'hora łaca'no' ixałconapa.

23 Jesús icuaitsi lejut'ł lincuxepa. Ixim'mola' lo'epa lan xanuc' nomana' jilpiya lajut'ł. Tunayi, ti-jolijyi, tixingufcoyi al cueca' quixhuejma', tija'ayi.

24 Timila':

—Tolipalunca imanc', łahuats' aiquimac'. Ma le'a tixmay.

Lan xanuc' ixoco'me. 25 Jesús ipa'a'mola' lan xanuc'. Itsufai'ma pe lopa'a łahuats'. I'noł'e'e'ma limane. Łahuats' itsahuenanni, imaf'ina'ma. 26 Ni petsi jilpe łamats' lan xanuc' icuej'me li'epa Jesús.

27 Jesús jilpiya ipayomma, ti'hua lane. Ihuej'me oquexi' lan fohue. Tija'ayi, timiyi:

—Ima', łacui'impo' i'Hua David, ałsintsonga' ninc'icuanuc'la.

28 Jesús itsufai'ma lajut'ł. Lan fohue ihuej'me, itsuflai'me jouc'a. Jesús icuis'e'mola', timila':

—¿Te imanc' ał'huaiyinge? ¿Ja'ni tołcuayi: “Łinca Jesús ałtoc'i'monga', ałsał'me'monga' lał'u”?

Iłniya italai'e'e'me, timiyi:

—Małpoujna, ał'huaiijnhuo'. Ti'i'ma to'e'ma.

29 Jesús iłafc'e'e'mola' lił'u', timila':

—Imanc' ał'huaiyinge. Ma to lołcuapa tołta'a ti'itsolhuo'.

³⁰ Ixał'me'mola' lił'u'. Jesús ixc'ai'i'mola' juaiconapa, timila':

—Aimoluyout'le'me iłe lai'e'epolhuo'. Aimicuej'me lan xanuc'.

³¹ Iłniya ipalunca, ni petsi jilpe łamats' tuya'ayi li'e'epola' Jesús.

³² Mipalumma iłniya, icuai'entsa pe lopa'a Jesús anuli cal xans hitsufaipa anuli liponta'a Satanás. Iłque cal xans aimi'i mipalay. ³³ Lijoupa lipa'apa Jesús liponta'a Satanás cal xans tipalay. Lan xanuc' etenłcoco'mola', ticuayi:

—¡Xinła! Acueca' lo'epa Jesús. Fa'a łalamats' illanc' ixanuc' Israel, a'i calsina' tołta'a, ni an-ulemma.

³⁴ Lan xanuc' fariseo a'i metenłcocola' lo'epa Jesús, timiyotłsi:

—Iłque Jesús tipa'ala' lontahue. Ma łincuxepa contahue lepi'ipa limane ti'eła' tołta'a.

³⁵ Jesús ti'huaf'cay jahuay łilelołya' al distrito Galilea, lan tsila' quilelołya' jouc'a lan tsocay quilelołya'. Timuc'iyale jilpe łajut'li pe lafołyomma lan xanuc'. Tuya'e' lixpicepa ŁanDios. Iłe łataiqui' loya'apa al c'a, tuya'e' te ts'i'ic' micuxe ŁanDios cal Rey. Ixał'me'mola' lan xanuc', jahuay liłcuana, jahuay liłpumla.

³⁶ Ixim'mola' juaiconapa axpela' lan xanuc' ihuej'me. Tixinnila' acuanuc'la. Ixim'mola' tihuotsoyi, titafquemmola'. Ti'onłcospola' to lam mot'ł, iłne lam mot'ł lahue'epola' quilpoujna, ailopa'a. Ailopa'a no'eyacola' cuenna. ³⁷ Timila' ts'iliłhuequi:

—Linca acueca' hafolya. Tehue'ela' nafot'leyacu.
 38 Camilhuo': To'lsa'huele hiPoujna caifa. To'mite:
 “Ima' tommetsola' no'eyacu canic' jilpe lomemats”.

10

1 Jesús ijoc'i'mola' limbamaj coquexi'
 ts'ilihuequi ticuaiyunca pe lopa'a. Epi'i'mola'
 li'lane tipa'antsola' lontahue, jouc'a tixa'mentsola'
 lafcuallay, jahuary li'cuana, jahuary li'pumla. 2 I'niya
 limbamaj coquexi' lecui'impola' lan Apóstole.
 Jifa'a iniliya li'puftine:

Cal te'a Simón, i'que lecui'impa Pedro, jouc'a Andrés
 i'que ipima Simón.

Jacobo i'hua Zebedeo, jouc'a Juan, i'que ipima Ja-
 cobo.

3 Felipe, jouc'a Bartolomé,
 Tomás, jouc'a Mateo i'que in'najtsi'iyalepa.
 Jacobo i'hua Alfeo, jouc'a Tadeo.

4 Locuena Simón, ai'a tihuej'ma Jesús i'que anuli
 li'picuejma' lan xanuc' nocuapá: “Lunhu'e'me
 lalamats”,

jouc'a Judas Iscariote, i'que nocuya Jesús.

5 Jesús umme'mola' i'niya limbama' coquexi'.
 U'i'mola' lo'eyacu. Timila':

—Aimonle'me petsi aimimetsaicoyi LanDios.
 Aimoltsuflai'me hi'pilelolya' lun Samaria. 6 Tonlele
 pe lomana' lixanuc' Israel, i'niya la'pimaye
 ti'on'cospola' to lam mot'l lejac'pola'. 7 Tulu'itola':
 “LanDios cal Cuecaj Rey Nopa'a lema'a itsiya
 ti'hua tijoc'ila' lixanuc'. Tolapenufle.” 8 Imanc'
 to'lsa'metola' lafcuallay, to'lsa'i'itola' limanapola'.
 To'lsa'metola' litejpola' cahui lepra, timanenca
 limpio. Tolipa'atola' lontahue i'ne litsuflaipá

lan xanuc'. Iya' nepi'ipolhuo' lołmane. A'i cai'najtsi'ilhuo'. Imanc' jouc'a aimoł'najtsi'i'mola' lan xanuc', ma le'a tołsał'metola'.

⁹ 'Jilpe lołfi'ejma' lołxinidoł, aimołtai'me tomí, ni axpe', ni huata. ¹⁰ Aimołtai'me ponta lane. Aimołtai'me oque' lołtsamalo. Aimołtai'me cołc'ejí'. Aimołtai'me colummejcofcoyacu. Ticuanni: "No'epa canic' tepi'im'me łoteja". Jouc'a imanc' aimehue'eyacolhuo'.

¹¹ 'Ni petsi quilya' lołtsuflaiyacu, ja'ni al cueca' quilya' o ja'ni a'hua quilya', tołahueta lejut'ł anuli cal c'a xans. Mołmana' jilpe liłya' ma le'a jilpe lajut'ł tołmajnta. ¹² Mołtsuflai'me lajut'ł tołnontsola' lan xanuc' nomana' jilpiya. Tołmitsola': "ŁanDios tipaxnetsolhuo". ¹³ Ja'ni jilpe timana' lan c'a xanuc' ŁanDios tipaxne'mola'. Ja'ni a'i, ŁanDios tipaxne'molhuo' ma le'a imanc'. ¹⁴ Ni petsi liłya' o ni petsi lajut'ł ja'ni aimepenufinnilhuo', aimiquimf'ennilhuo', tołipalunca jilpiya. Tolunafle loł'mitsi', aimitajim'molhuo' loł'mitsi' ni tołta'a łepi camats'. ¹⁵ Iya' camilhuo' al linca: Ticuaihuo al Cuecaj Quitine titeł'mim'mola' lan xanuc' nima-jmpá Sodoma y Gomorra, iłniya lixcay quilełya'. Iłe Litine xonca titeł'mim'mola' lan xanuc' nomana' liłelołya' petsi aimepenufinnilhuo' imanc'.

¹⁶ 'Imanc' laixanuc' ti'onłcospolhuo' to lam mot'ł, iłne aimi'iyá mipa'neyacołtsi. Iya' cummelhuo' tonłe'me pe lomana' lan xanuc' lo'onłcospola' to lan lobo, iłne oyac'la quinnejá. Tołta'a ticuicomma ti'ila' acueca' lołpicuejma' to łainofał. Linca aimi'onłcotolhuo' loł'ejma' to łainofat'ł lił'ejma'. Imanc' xonca ti'onłcotsolhuo' to lam paloma, iłniya aimi'eyi quixcay.

17 'Tont'e'etsotsti cuenna. Aimol'huaiyijm'mola' lof'as xanuc'. Ihe ticu'molhuo' ticuaita quitmane lan xanuc' noxpijpá lataiqui'. Tileco'molhuo' lajut'hi petsi lafoiyomma. Jilpe titef'mitolhuo', titajncotolhuo' ixmi. 18 Imanc' ts'alihuequi, tileconnolhuo', ticuai'ennolhuo' pe lomana' nocuxepá, jouc'a pe lomana' lan tsila' quincuxepá. Imanc' tolu'itola' naitsi iya'. Tofta'a tolu'itola' locuenaye xanuc' pe aimimetsaicoyi LanDios. 19 Ja'ni ticutsolhuo' aimo'suef'mot'le'me, aimo'cua'me: “¿Te calmiyacola' ihniya? ¿Te caltalai'ecoyacu?” Ticuaitsi al 'hora lo'palaiyacu, ma'pe 'hora, tolapenuf'me coltaiqui'. 20 Ihe lataiqui' lo'palaiyacu a'i coltaiqui' imanc', to'palai'me lataiqui' lomiyacolhuo' hi'Espíritu Santo col'Ailli'.

21 'Lapima ticu'ma hipima tima'anle. Cal xans ticu'ma hi'hua. Lanaxque' titsolicu ti'e'me laic' quit'ailli' quit'máma', ticu'me, lan xanuc' tima'antsola'. 22 Ni petsi lo'manc'eyacu ti'e'molhuo' laic', imanc' ts'alihuequi. To'ommo'aitsa lo'iyacolhuo', ti'hua to'ommo'aitsa, tijoula' tolunul'me. 23 Ja'ni jilpe anuli li'ya' tihuetsoquinnilhuo', ti'ennilhuo' lixcay, aimico'f'molhuo' tunlete locuena quitya'. Iya' ilque cal Xans Liximpa cal profeta pu'hua lema'a. Camilhuo' al linca: Aimol'ommaiyacu mo'cuaiyacu jahuay hipilelo'ya' lamats' Israel, ma mehue'e cacuaiconanni.

24 'Cal xans mihuequi hipomxi, ja'ni ilque lomxi tite'cola', cal xans jouc'a tite'co'ma. Jouc'a lapoujna y limozo ma' anuli tuyalaico'me. 25 Ja'ni tuyaico'la' ma to muyaicojma hipomxi, tixoj'ma queta ilque

cal xans. Jouc'a cal mozo, tixoj'ma queta ja'ni tuyaicola' ma to muyaicojma lipoujna. Ja'ni timinle lapoujna cajut'i: "Ima' monta'a Beelzebú", linca xonca lixcay tinesc'e'em'mola' lixanuc'.

²⁶ 'Aimołsuełmot'le'me. Aimołcua'me: "Lan xanuc', ¿te ca'eyacongá?" Ticuaita litine texiquim'me letamuyiya, tixim'me jahuay lemiya. ²⁷ Ite laifmipolhuo' lipuqui' imanc' toluya'ale litine. Ite lołquim'epa mixolai'innilhuo', imanc' toluya'ale ujfxi al toncay łajut'li.

²⁸ Aimołsuełmot'le'me. Aimołcua'me: "¿Te ca'eyacongá lan xanuc', ilne noma'ahualepá?" Ilniya ma le'a tima'ayi al cuerpo. Łol'alma aimi'iya mima'ayacu. Tołspaic'ete ilque łacani'eyacola' lan xanuc' jipu'hua łunga. Jilpe timajnta, liłcuerpo jouc'a lił'alma.

²⁹ 'Oquexi' lan gorrión ticuquinnila' ma le'a to oquej centavo. Tama ahuata liłpitali ilne lacał'hui coł'Ailli' aimetets'ila'. Ja'ni anuli tecangemma łamats' coł'Ailli' ixina' ilte li'ipa. ³⁰ Xonca ti'nujuaitsilhuo' imanc'. Joupa ixhuej'meya tojua mipa'a łajuac quitefque lołjuac, ixina' ja'ni tecangemma anuli. ³¹ Aimołsuełmot'le'me, aimixpailij'molhuo' lo'iyacolhuo'. LanDios tixinnilhuo' acueca' lołpitali. Tama axpela' lacał'hui aimi'iya mulijyacolhuo'.

³² 'Ja'ni anuli cal xans timitsola' lif'as xanuc': "Iya' nimetsaijma Jesús", iya' ninJesús jouc'a quimetsaico'ma ilque cal xans. Camita cai'Ailli', ilque Nopa'a lema'a: "Iłque lihuequi iya". ³³ Ja'ni anuli cal xans timitsola' lif'as xanuc': "Iya' aicainimetsaijma Jesús", iya' jouc'a

aiquimetsaicoya itque cal xans. Camita cai'Ailli', itque Nopa'a lema'a: “Itque aicalihuequi iya”.

³⁴ 'Aimołcua'me: “Itque Jesús icuaicoco'ma fa'a li'a lamats' ti'e'e'mola' anuli lan xanuc’”. Ai. Aicuaicoco'ma tifuli'i'mołtsi. ³⁵ Aicuaicoco'ma tenajtołtsi. Cal xans tixtuc'o'ma qui'ailli'. Lahuats' tixtuc'o'ma qui'máma'. Lahuahua tixtuc'o'ma lihuahua. ³⁶ Cal xans, ma lipimaye tixtuc'o'me, ti'e'me laic'.

³⁷ 'Cal xans xonca no'epola' capic'a qui'ailli', qui'máma', itque aimi'iya malihuejya. Jouc'a ja'ni xonca no'epola' capic'a li'hua camijcano o li'hua cahuats' aimi'iya malihuejya. ³⁸ Iya' linca catełco'ma. Cal xans noxplic'epa aimitelco'ma, itque nocuapa: “Aicapenufya lainencruz”, itque aimi'iya malihuejya. ³⁹ Cal xans ts'ipic'a tixinła' al c'a capajnya itque tejac'ma lipitine. Cal xans łalihuequi tama tima'anłe, itque tulij'ma lipitine.

⁴⁰ 'Cal xans łapenufpolhuo' lapenufinga' iya'. Itque łalapenufpa lapenufinga' itque Łalummepa. ⁴¹ Lapi'inyacu anuli cal profeta, ma' anuli tepi'im'me cal xans łepenufpa cal profeta, ticua: “Itque tuya'e' lonespa ŁanDios”. Lapi'inyacu cal xans naihuejpa lataiqui' locuxepa ŁanDios ma' anuli tepi'im'me itque łepenufpa. ⁴² Cal xans nopalaicopola' itna'a lan tsocay, nocuapa: “Itna'a ilihuequi Jesús”, tijouła' tuhui'i al c'a caja' tixnała' anuli itniya, itque nocupa caja' linca ti'najtsem'me. Al linca ita'a laifmipolhuo'.

11

¹ Jesús ixc'ai'i'mola' limbamaj coquexi' ts'ilihuequi ipanni jilpiya. Ti'huaf'caita locuenaye

quítelolŷa' Galilea. Timuc'itola' lan xanuc', tuya'ata te ts'i'ic' lixpíc'epa ËanDios, ìte lataiqui' ac'a loya'apa.

² Ìhe litiné Juan Bautista itats'iya. Icuej'ma lo'epa cal Cristo. Umme'mola' oquexi' ts'ilihuequi, timila':

—Tonlele. ³ Tolicuis'etsa Jesús, tołmitsa: “Itsiya al'huaicoyi łocuaiya anuli Łommeya ËanDios. ¿Te ma' ima'? o ¿te ti'hua al'huaico'me łocuaiya?”

⁴ Tołta'a icuis'e'me Jesús. Ìque italai'e'e'mola', timila':

—Ne'. Tonlele, tołcuaitsa pe lopa'a Juan tolu'itsa lołcuejpa, lołsimpa. Tołmitsa:

⁵ Tehuetsaleyi lan fohue, tiyenayi lan coxo, tixałconnala' ts'ilehui lepra, ti'inala' limpio, ticuejnayi lan tałpe, timaf'inayi limanapola', lan xanuc' pe aiquil'hueca tu'innila' Lataiqui', ìte loya'apa al c'a lixpíc'epa ËanDios.

⁶ Jouc'a tołmitsa Juan: “Cal xans natentłocopa lai'ejma', ìque ìnca ac'a loyaicoya”.

⁷ Iyena'me loquexi' ts'ilihuequi Juan. Jesús ipango'ma ipalaico'ma ìłquiya. Timila':

—¿Te colłsecohuo'me jipu'hua pe ailopa'a quítŷa'? ¿Te colłsinhuo'me jilpiya? ¿Te olłnespá olłsinhuo'me anuli al jaxa tife'ne łahua'? ⁸ Ja'ni a'i, ¿te colłsecohuo'me? ¿Naitsi colłsinhuo'me jilpiya? ¿Te olłsinhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá ìlipijahua' acueca' al c'a timajnyi ìlejut'łi lan rey.

⁹ ¿Te colłsecohuo'me? ¿Naitsi colłsinhuo'me? ¿Te olłsinhuo'me anuli cal profeta? A'ìnca olłsinhuo'me anuli cal profeta, ìque Juan. Ìque tuliquila' lam

profeta, xonca acuecaj xans. ¹⁰ Al Paxi Linilingiya joupá ipalaicopa Juan ticuaihuo. Ticua:

¡Atquimf'eta! Cumme'ma lainepaluc.

Itque ti'huj'me'mo', tuya'a'ma ima' tocuaihuo.

Tilanc'e'e'mo' lopene, pe lofmuyaicoya.

¹¹ Camilhuo' al linca: Itque Juan acueca' xans. Ailopa'a caca'no' quipo'nopa li'hua to itquiya. Tama aimi'ya mi'onlyacola' to Juan, ja'ni joupá itsufaipa petsi locuxeyopa LanDios Nopa'a lema'a, tama xonca aca'hua xans, itque cal xans joupá ulijnapa Juan.

¹² 'Lan xanuc' niquimf'epá loya'apa Juan Bautista ehue'me te co'ya mepenufyacola' LanDios cal Rey Nopa'a lema'a. Itsiya ma' anuli tehueyi, itpic'a tepenuftsola'. ¹³ Li'huamma Juan enantcopa lataiqui' loya'apa lo'ya, ite linijmpa Moisés jouc'a linijmpa lam profeta. ¹⁴ Inijmpá: "Ticuaicohuo cal profeta Elías". Joupá enantpa ite lataiqui'. Juan Bautista ma' itque Elías. Ja'ni tolapenuf'me laifmipolhuo' tolsim'me tofta'a. ¹⁵ Naitsi nocuejpa atquimf'eta' iya' laitaiqui'.

¹⁶ '¿Te caif'onlicoyacolhuo' imanc' molmana' itsiya? ¿Te ts'i'ic' lo'ejma'? Ca'onlico'molhuo' to jipu'hua laica'uhuy nocutshuolanna pe locucaleyompa. Tijoc'iyi, timinnila' lilt'as ca'uhuy: ¹⁷ "Illanc' alfus'mipá latjaja, alpic'a tolsoule. Aicołsahua'. Lunac'lipá ihuotsoqueya, aicołjoliqi'."

¹⁸ 'Ma tofta'a imanc' lo'ejma'. Ailopa'a catentcocoayacolhuo'. Juan Bautista aimitesma to moltetsoyi, aimixnay vino. Tołcuayi: "Itque itsufaipa liponta'a Satanás". ¹⁹ Iya' itque cal

Xans Ìiximpa cal profeta pu'hua lema'a. Iya' aicuai'ma fa'a li'a lamats' catesma to moltetsoyi imanc', caxnay al vino. Imanc' ahnesc'e'e, tolcuayi: “¡Tohsinte! Itca'a cal xans intetsopa, in-xnatsaipa. Lilejmale in'najtsi'iyale jouc'a locuenaye lan xanuc' pe aimihuejcoyi locuxepa ÌanDios.”

'Ìinca ÌanDios acueca' ac'a lipicuejma', tohta'a timujiyi itne pe naihuejcopá, jouc'a acueca' ac'a lipicuejma'.

²⁰ Jesús ipango'ma inesco'mola' itne iteloloya' petsi li'ehuo'ma axpe' acueca'. Ipalaico'mola' itne lan xanuc' pe aiqulsuej'meya. Ines'ma te ts'i'ic' loyalaicoyacu. Ticua:

²¹ —Ima' mitya' Corazín, jacueca' lofteicoya! Jouc'a ima' mitya' Betsaida, jacueca lofteicoya! Jilpiya lołxanuc' ixim'me al cueca' lo'epa ÌanDios, aiqulsuej'meya. Luyaipa quitine lan xanuc' nomana' iteloloya' Tiro y Sidón ja'ni coła' ixim'me tohta'a itniya coła' tixhuej'menacu, tipo'no'me lipijahua' ayolca, timet'it'me capi' lit'a, timujco'moltsi ixhuej'menamma litjunac'. ²² Al Cuecaj Quitine Locuaicoya ÌanDios titeł'mi'mola' itne iteloloya' Tiro y Sidón jouc'a litxanuc', xonca titeł'mi'molhuo' imanc' miteloloya' Corazín y Betsaida.

²³ 'Ima' mitya' Capernaum, ¿te to'nof'e'moxi xonca al toncay? ¿Te ti'onlcoto' to ÌanDios? A'i. Ti'oc'em'mo'. Toxinnoxo jilpe al muf. Jilpe litya' lołxanuc' ixim'me al cueca' lo'epa ÌanDios, aiqulsuej'meya. Luyaipa quitine lan xanuc' nimajm'me litya' Sodoma, ja'ni coła' ixim'me tohta'a itniya tixhuej'menacu, coła' a'i mecaniya lipitya'. ²⁴ Iya' camilhuo': Al Cuecaj Quitine

Locuaicoya, LanDios titeł'mi'mola' liłya' Sodomajouca' lixanuc', jouca' titeł'mi'molhuo' ima' miłya' Capernaum jouca' loxanuc', xonca titeł'mi'molhuo'.

²⁵ Iłniya litiné Jesús ipalaic'opa qui'Ailli', timi:

—Mai'Ailli', ima' iłPoujna lema'a y li'a łamats'. Cax'najtsi'ihuo' lof'epa. Tomuc'ila' laixanuc', iłne lo'onłcospola' to la'uhuay. Mepi'ipola' liłpicuejma', ticuec'ełe laitaiqui'. Lan xanuc' ts'ılsina', xonca nixhuepá, aicomepi'ila' tołta'a liłpicuejma'. Iłniya iximpá ipime laitaiqui', to emiya. Aimi'i muhualcufyi. ²⁶ Ałınca mai'Ailli', tołta'a loxpicepa, tołiya latenłcoco'.

²⁷ 'Cai'Ailli' jahuay lapi'ipa cacuxe'etsola'. Iya' i'Hua LanDios lan xanuc' aimi'iya małsingufya iya' laipicuejma'. Ma le'a cai'Ailli' ałsingufi. Lan xanuc' jouca' aimi'iya mixingufyacu cai'Ailli' te ts'i'ic' lipicuejma'. Ma le'a iya' li'Hua aixingufi. Iya' caxpic'e naiłne laıfmuc'iyacola', iłne camuc'ila' te ts'i'ic' lipicuejma' cai'Ailli'. Iłne łınca timetsaicoyi cai'Ailli'.

²⁸ 'Imanc', ja'ni joupa ixojtolhuo', ja'ni tołsinyi ipime lapajnya, tonłouyunca, capenuf'molhuo'. Iya' cunxac'i'molhuo'. Tuyai'ma łłpixoqui. Cunxoc'i'molhuo' cunlata. ²⁹ Lihuejcoła', iya' camuc'i'molhuo'. Iya' a'i noyac'. Iya' nin manxu. Catinu'ena'molhuo' łolunxajma'. Aimołsinconayacu ipime ni acumta lapajnya. ³⁰ He laitaiqui' laıfcuxe'eyacolhuo' a'ij cumta, jouca' laıfmuc'iyacolhuo' a'i quipime lananłcoya.

12

¹ Iłniya litiné, anuli litine conxajya, Jesús jouca' ts'ilihuequi tuyalaicoyi jıłpe lifaiya cal trigo.

Ts'ilihuequi tunle'eyi. Ipango'me ipa'a'me lixpaj trigo, titeji. ² Lan xanuc' fariseo ixim'me, timiyi Jesús:

—¡Toxinla' lo'epa ts'ihuejhua'! ¿Nai lepi'ipola' lane ti'e'me tohta'a? Itsiya litine conxajya.

³ Jesús timila':

—Imanc', ¿te a'i cohsuec' li'epa cal rey David, munle'eyi juaiconapa iñque jouc'a liyejmalepá? ⁴ David itsufai'ma lejut'ł ŁanDios, itepa lam paxi ca'í łopa'a jilpe, epi'i'mola' ła'i liłejmale, itepá jouc'a. Iñque ła'i ma' i'huexi ŁanDios. Aimi'iya mitejnyacu. Ma le'a la'aillí notepá.

⁵ Al Paxi Łinilingiya tuya'e' lo'eyacu la'aillí litine conxajya. Imanc', ¿te aicohsuec' iñe lataiqui'? Itine conxajya iñniya ti'eyi canic'. Tama itine conxajya ailopa'a quiljunac', małpe al cuecaj xoute' ti'eyi canic'. ⁶ Iya' camilhuo': Fa'a tipa'a anuli xonca acueca'. Iñque tuliqui al cuecaj xoute'.

⁷ Imanc' aicołcueca litaiqui' ŁanDios lonespa: Imanc' tama tołma'ala' linneja, ałsufco'ma, aimalatentłcocojma iñe lonł'epa.

Xonca aipic'a tołsintsola' cuanuc'la loł'as xanuc'. Coła' ołcuj'me jiliya lataiqui' aimołcufyacola' lali-huequi, iñniya ailopa'a tohta'a quiljunac'. ⁸ Iya' iñque cal Xans Łiximpa cal profeta pu'hua lema'a. Ma iya' cacuxe litine conxajya. Ti'hua laimane cu'itsola' laixanuc' lo'eyacu iñe litine.

⁹ Jesús uyaico'ma jilpiya. Icuaitsi lajut'ł pe lafołyomma lan xanuc', itsufai'ma. ¹⁰ Jilpe tipa'a anuli cal xans ijułpa limane. Jouc'a timana' lan xanuc' tehueyi te co'iya micufyacu Jesús. Iñe icuis'e'me, timiyi:

—Litine conxajya, ¿te ËanDios ticu lane tixał'mentsola' lan xanuc'?

¹¹ Jesús timila':

—Anuli imanc', ja'ni ñimoł timefmaitsi al pu'hua litine conxajya, ¿te a'i mipa'aya? Ëinca tipa'a'ma. Tama itine conxajya ailopa'a nonesya, aimiminyacu: “Aimi'iya”. ¹² Cal xans aimi'onłspa to cal moł, xonca ipitali iłque. Litine conxajya ñinca tipa'a lane al'ełe al c'a.

¹³ Lijoupa linespa tołta'a, timi cal xans:

—To'nijla' lomane.

Cal xans i'nij'ma limane. Ixałcona'ma. Ilajn-na'ma limane, ma to locuena limane.

¹⁴ Lan xanuc' fariseo ipalunca jilpe lajutł. Efoł'e'mołtsi, tixpic'eyi lo'eyacu tima'ante Jesús.

¹⁵ Jesús ixina' lonespa ilne lam fariseo, i'huaana'ma. Axpela' lan xanuc' ihuej'me. Ixał'mena'mola' jahuaay lafcualłay. ¹⁶ Ixc'ai'i'mola', timila':

—Aimoluyout'le'me lai'e'epolhuo'.

¹⁷ He li'ejma' Jesús tenanki lataiqui' loya'apa cal profeta Isaías, ilne lataiqui' tuya'e' lonespa ËanDios, ticua: ¹⁸ Jifa'a łai'huijł'epa, ilca'a lo'epa laipenic'.

Ma ilca'a ca'ay capic'a, latencocojma lipicuejma'.

Capi'i'ma łai'Espíritu Santo.

Tuya'a'ma pe lomana' locuenaye lan xanuc', ilne aicalimetsajma,

tu'i'mola' pe lopa'a al lija cane. ¹⁹ Aimifulecoya cataiqui' ni aimipalaiya ujfxi.

Aimicaxhuaiya lane mija'aya ujfxi. ²⁰ Iłque juaiconapa amanxu, aimunłajyacola' nulemma ilniya lo'onłcospola' to lix'meya jaxa.

Jouc'a aimipic'eyacola' liḥpepalc'o' tama timufqui.
Ma muliquila' no'epá laic', timuj'ma nulemma te
ts'i'ic' al c'a cane.

21 Itsiya timana' lan xanuc' a'i calimetsaijma,
iḥniya ti'huaiyijm'me iḥca'a lai'huij'epa,
tines'me: “Iḥca'a linca lunḥu'e'monga”.

Toḥta'a luya'apa cal profeta Isaías.

22 Ilec'mentsa Jesús anuli cal xans liḥsufaipa an-
uli liḥponta'a Satanás. Lonta'a i'e'epa cal xans afo',
jouc'a aimipalay. Jesús ixaḥ'mena'ma cal xans.
Ipalaina'ma, ehuetsalena'ma. 23 Lan xanuc' ixo-
conni quileta. Ticuayi:

—¡Xinḥa'! Iḥque Jesús ti'ay al cueca'. ¿Te aga iḥque
ḥacui'impá li'Hua David?

24 Lan fariseo icuej'me iḥe lonespa lan xanuc',
ticuayi:

—Iḥque cal xans, epi'ipa limane nocuxepola' lon-
tahue cuftine Beelzebú, toḥta'a tipa'ala' lontahue.

25 Jesús ixina' locuapa liḥpicuejma', timila':

—Anuli al cuecaj nación, ja'ni tenajtsoḥtsi lix-
anuc', iḥiya al nación tejac'ma. Jouc'a anuli liḥya',
o anuli lajut'ḥ, ja'ni tenajtsoḥtsi liḥsanuc', iḥiya liḥya' o
jiḥniya lan xanuc' aimipajnya quiḥpufxi, tijou'mola'.

26 'Ma' anuli Satanás ja'ni iḥque tipa'ala' liḥpon-
tahue joupa enajpoḥtsi iḥniya. Coḥta' aimipajnya
quipufxi. Ja'ni toḥta'a li'ipa, ¿tej co'huacopa li-
mane itsiya?

27 'Iya' ja'ni iḥque Beelzebú nalapi'ipa laimane,
ja'ni toḥta'a quipa'ala' lontahue, ¿naitsi nepi'ipola'
liḥmane iḥne loḥxanuc' naipa'apá lontahue? Ma
iḥniya loḥxanuc' timuc'i'molhuo' imanc' imenajpol-
huo'. 28 O ¿te ja'ni LanDios nalapi'ipa li'Espíritu
quipa'atsola' lontahue? Ja'ni toḥta'a laimane, ti'ila'

colŝina' jifa'a tipa'a LanDios cal Cuecaj Rey. Itque ticuxe.

²⁹ 'Nij naitsi mi'iya mitsufaiya lejut'l cal xans ts'ipujfxi, miŝonc'e'eya li'hueca. Ate'a tifi'e'mola' limane', li'mitsi' itque cal xans ts'ipujfxi. Ti-joula', linca nipajnya titsufai'ma lejut'l, tiŝonc'e'e'ma li'hueca.

³⁰ 'Naitsi aicalihuequi, itque a'ay laic'. Naitsi aimefot'lela' lan xanuc' to laif'epa, itque tica'nennala'.

³¹ 'Iya' camilhuo': Jahuay lixcay li'epa, jahuay linesc'epoŝtsi lan xanuc', ti'i'ma timenc'e'ecom'mola'. Le'a nonesc'epá cataiqui' cal Espíritu Santo aimi'iya mimenc'e'econyacola'.

³² Cal xans naŝnesc'e'epa cataiqui', ti'i'ma timenc'e'ecom'me. Cal xans nonesc'epa cataiqui' cal Espíritu Santo, itque aimimenc'e'econyacu. Mipa'a fa'a li'a ŝamats' o jipu'hua locuenaj quitine, itquiya titai'ma lijunac'.

³³ 'Ja'ni tolimetsaicoyi ac'a li'as, jouc'a tolimetsaicole ac'a al 'ec. O ja'ni tolimetsaicoyi a'ijc'a li'as, jouc'a tolimetsaicole a'ijc'a al 'ec. Al 'ec li'as timuj'ma te ts'i'ic' ile al 'ec, ja'ni ac'a c'ec o a'ijc'a. ³⁴ Imanc' loŝpicuejma' ti'onŝcospa to lipicuejma' ŝacaŝpo'. Imanc' unc'ixcay xanuc'. ¿Te co'iya moŝpalaiyacu al c'a cataiqui'? Ma to lipicuejma' cal xans, ja'ni al c'a o ixcay, ma toŝta'a lopalaicoya.

³⁵ Cal c'a xans tipalaijma al c'a litaiqui', ma to mipa'a lipicuejma'. Cal xans ts'ixcay quipicuejma' tipalaijma ixcay litaiqui' ma to mipa'a lipicuejma'.

³⁶ 'Iya' camilhuo': ¡Toŝpo'noŝe cuenna te ts'i'ic' loŝnesyacu! Ticuaitsi al Cuecaj Quitine LanDios cal Juez ticuis'etolhuo' anuli anuli, timitolhuo': “¿Te

comescopa tołta'a?" ³⁷ Ja'ni ołnes'me al c'a, ŁanDios tepenuftolhuo', tixinnolhuo' unc'ic'a xanuc'. Ja'ni ołnes'me lixcay, ŁanDios aimepenufyacolhuo', tixinnolhuo' a'ijc'a.

³⁸ Oquexi' afantsi lan xanuc' fariseo, oquexi' afantsi lomxiye nomuc'iyalepá locuxepa ŁanDios, italai'e'e'me Jesús, timiyi:

—Momxi, ałpic'a ałsinte ja'ni ałınca lepi'ipo' lo-mane ŁanDios. Ałmihuo': To'ełta' al cueca'.

³⁹ Jesús italai'e'e'mola', timila':

—Lixcay xanuc' pe necanujpá ŁanDios, pe aimihuejyi, ma le'a iłpic'a ałsinta' ca'ełta' al cueca'. Ma tołta'a imanc' loł'ejma'. Ailopa'a caifmuc'iyacolhuo'. To li'ipa cal profeta Jonás luyaipa quitine, ma tołta'a ał'i'ma iya'. Ie łınca tołsim'me. ⁴⁰ Jonás icol'ma afane quitine afane quipuqui' jilpe licu'u cal cueca' catu łinuc'ma. Iya' iłque cal Xans Łiximpa cal profeta pu'hua lema'a. Ałcołta afane quitine afane quipuqui' licu'u łamats'.

⁴¹ 'Ticuaitsi al Cuecaj Quitine imanc' tołacaxin-golaita ŁanDios cal Cuecaj Juez. Jouc'a tecaxin-golaita lan xanuc' nimajmpá liłya' Níneve, jilpiya Jonás luya'ahuo'ma litaiqui' ŁanDios. Iłniya lun Níneve ticuftolhuo'. Iłne iquimf'e'me lu'i'mola' Jonás, ixhuej'menanca. Itsiya imanc' tołquimf'eyi anuli xonca cal cueca', aimołsuej'memma.

⁴² 'Jilpe al Cuecaj Quitine lan xanuc' tecaxin-golaita ŁanDios cal Cuecaj Juez. Imanc' tołacaxin-golaita. Jouc'a tecaxhuaita łaca'no' nicuxepa anuli łamats' juaiconapa aculi' al 'ocay. Iłque łaca'no' ticuftolhuo'. Xonca al c'a li'ejma' iłque. I'hua'ma juaiconapa itoqui lane. Icuaitsi icuej'ma locuapa cal rey Salomón. Iłque acueca' lipicuejma'. Itsiya,

imanc' tama tołquimf'eyi anuli cal cueca' xonca, tolatets'iyi.

⁴³ 'Anuli hıxcay conta'a, lipanni licuerpo cal xans, ti'hualeco'ma pe ailopa'a caja'. Tehue petsi conxac'eya, aimixina. ⁴⁴ Ticua: "Aipainamma. Ai'huanapa lainejut'ł pe lainipayomma." Licuaitsi jıłpiya tixim'ma ixcuajma', itaf'uyiya, i'huáqui al c'a. ⁴⁵ Tixinłta' tołta'a ti'hua'ma, tilecotola' ocuenaye acaitsi lontahue xonca ix cay. Titsuflai'me jıłpiya licuerpo cal xans, timajm'me. Tołta'a xonca acueca' loyaicoya iłque cal xans. Al te'a le'a anuli łonta'a i'hueca, tijoułta' ti'i'mola' apaico lontahue. Tołta'a loluyalaicoyacu imanc' mołmana' itsiya. A'ij hıjca lołpicuejma'.

⁴⁶ Jesús mipalaic'ola' lan xanuc', icuaiyunca qui'máma' jouc'a lipimaye. Ecaxoł'me łuna. Iłpic'a tipalaic'ote.

⁴⁷ U'im'me Jesús, imim'me:

—Icuai'me co'máma' jouc'a lopimaye. Tecaxołanna łuna. Iłpic'a tipalaic'otso'.

⁴⁸ Jesús italai'e'e'ma, timi:

—Fa'a, ¿ja'ni ailopa'a cai'máma', ailomana' laipimaye?

⁴⁹ Tenats'ıla' ts'ilihuequi, ticua:

—Jifa'a comana' cai'máma' jouc'a laipimaye.

⁵⁰ Iłque naihuejcopa Cai'Ailli' Nopa'a lema'a, ma jıłque aipima o ai'máma'.

13

¹ Małpiya litine Jesús ipanni jıłpe lajut'ł, icutshuai'ma łema al cueca' quin'nuhua'. ² Axpela' lan xanuc' icuaitsa pe lopa'a Jesús. Iłque if'aj'ma anuli al barco, icutsmi'ma jıłpiya. He al barco tecaxc'o

jilpe laja', jahuay lan xanuc' tecaxolanna lema al cueca' quin'nuhua'. ³ Jesús axpe' i'onhico'ma lo'epa LanDios fa'a li'a lamats'. Timila':

—Cal xans ipanni ica'nehuo'ma lam fanuj trigo.

⁴ Mica'ne lam fanu' hualca ecangołaitsa lane. Lacal'hui naiyulpá lema'a icuaitsa, itejn-na'me.

⁵ 'Hualca lam fanu' i'nif'colaitsa jilpiya lixmi capic, tejuaf'ya huata lacamats'. Ma axolof lacamats' aiqicoł'ma, lam fanu' ila'ma. ⁶ Lif'aj'ma cal 'ora, epatsi linu', lam fanu' lilapa ipi'e'mola'. Huata ilanc'epoxi laiquime, ijułna'ma.

⁷ 'Hualca lam fanu' itsuc'huaita pe lopa'a litac'. Itque litac' itoj'ma, ejec'ona'ma lilapa cal trigo.

⁸ 'Hualca lam fanu' etojmołaitsa cal c'a camats'. Ine linca ila'ma, itoj'mola', ipanni lixa. Anuli ipammaitsi amaxnu, ocuena ipammaitsi afanej nuxans, locuena ipammaitsi anuxans quimbama'.

⁹ 'Naitsi nocuejpa, alquimf'ela' iya' laitaiqui'.

¹⁰ Ts'ilihuequi Jesús iloc'olai'me. Icuis'e'me, timiyi:

—Ima', ¿te cofmuc'icopola' tołiya? Aimo'ila' acuajmaica cataiqui'.

¹¹ Jesús italai'e'e'mola', timila':

—Imanc' LanDios epalc'o'ipolhuo' lołpicuejma'. Olcueca lipime cataiqui'. Olcueca lo'iya jilpiya petsi lan xanuc' tihuejcoyi LanDios, itque cal Cuecaj Rey Nopa'a lema'a. Locuenaye lan xanuc' aiqilcueca. ¹² Cal xans ja'ni ticueca, xonca ticuej'ma, tuyaf'ma lipicuejma'. Cal xans ja'ni aiqicueca, tejac'e'ma ile lixina'. ¹³ Ine: “Tama tehuelojnyi, aimixinyi; tama tiquimf'eyi, aimicuejyi.” Tołiya laifpalaic'opola' ilniya a'ij cuajmaica

cataiqui'. ¹⁴ Jiñe lo'ipola' enant'copa luya'apa cal profeta Isaías, ticua:

Tołquimf'e'me, ti'hua tołquimf'eyi, aimołcuc'eyacu.
Tolahuelojm'me, ti'hua tolahuelojnyi,
aimołsinyacu.

¹⁵ Al finca liłpicuejma' iñe lan xanuc' i'ipa ta.

Tama tipa'a liłs'mats'i', afule micuec'eyi.

Ixpoł'mipá lił'u'.

Ja'ni coła' aimi'e'me tołta'a tixingo'me lił'u',
tiquimf'eco'me liłs'mats'i',

lataiqui' titsuflai'ma liłpicuejma', ałcuc'e'ma,

tipailinacu, titsuflaina'me al c'a cane,

tołta'a caxał'mena'mola', quitoñc'e'ena'mola' liłjunac'.

¹⁶ 'Imanc' finca tuluyalaicoyi al c'a. Tołsinyi,
tołquimf'eyi. ¹⁷ Iya' camilhuo' al finca: Luyaipa

quitine axpela' lan xanuc' tijanajyi coła' tixinle
iñe lołsimpa itsiya imanc'. Iñiya lam profeta

jouc'a locuenaye lan xanuc' naihuejpa locuxepa
ŁanDios, aikuixim'me. Tijanajyi coła' tiquimf'ele

iñe lołquimf'epa itsiya imanc'. Aicu'innila' iñiya
lataiqui'.

¹⁸ 'Ałquimf'ela'. Cuhuałc'e'e'molhuo' lataiqui'
loya'apa te ts'i'ic' li'ipa jiłpiya leca'nimpa cal trigo.

¹⁹ Itsiya ŁanDios cal Rey Nopa'a lema'a tijoc'ila'
lan xanuc' tihuejcołe. Cal xans noquimf'epa iñe

lataiqui' ja'ni aimicueca ti'i'ma to li'ipa jiłpiya
łecangemma lane lam fanu'. Ticuaihuo łonta'a,

tipa'ena'ma lataiqui', iñiya lifapa lipicuejma' cal
xans.

²⁰ 'Iñe huata łacamats' lifaf'impa jiłpe liłxi capic
ti'onłcospa to cal xans micuej'ma lataiqui' loya'apa

iñe al c'a liłpic'epa ŁanDios, tepenuf'ma, tixojco'ma
queta. ²¹ Iñque tihuequi le'a oque' fane' quitine,

lataiqui' aimif'acay hime jilpe lipicuejma'. Ticuaitsi lixhuejma', o lan xanuc' tixtuc'oyi mihuequi ihe lataiqui', iŕque aimihuejcoya, tenaj'moxi.

²² 'Ľamats' lifampa jilpiya litojpa hitac' ti'onŕcospa to locuena cal xans. Iŕque tiquimf'e lataiqui' loya'apa al c'a lixplic'epa ĽanDios. Tijouŕa' tixhueŕma juaiconapa, ticua: “¿Te caifnuyaicoya laipitine?” O tifel'mi'moxi quituca', tijanaca tulijla' axpe' qui'huexi. Ihe lataiqui' lopa'a lipicuejma' ejec'opa, aikuipammaic'.

²³ 'Cal c'a camats' lifampa ti'onŕcospa to locuena cal xans, iŕque tiquimf'e lataiqui' loya'apa ihe al c'a lixplic'epa ĽanDios, ticueca. Ihe lataiqui' ipammaita. Iŕque cal xans lo'iya ti'onŕcospa to li'ipa cal fanuj trigo lipammaita amaxnu, o hipammaita afanej nuxans, o hipammaita anuxans quimbama'.

²⁴ Jesús i'onŕiconapa lo'epa ĽanDios fa'a li'a ŕamats', timila':

—Anuli cal xans eca'ni'ma lan c'a fanuj trigo ŕemats', li'ipa jilpe ti'onŕcospa to lo'iya petsi ĽanDios tijoc'ila' lan xanuc' tihuejcoŕe. Iŕque cal Cuecaj Rey Nopa'a lema'a. ²⁵ Joupa eca'nipa lan c'a fanuj trigo, mixmaiya lan xanuc', icuaitsi no'epa laic' iŕque cal xans, eca'ni'ma ocuenaj fanu'. Iŕque lixcay fanu' eca'ni'ma maŕpe pe leca'nimpa lan c'a fanuj trigo. I'huana'ma.

²⁶ 'Itoj'mola' cal trigo jouc'a lixcay quitamqui. Lipanni lixpa imetsaicom'me uhuantsi lixcay quitamqui. ²⁷ Icuaitsa limozó lipoujna camats'. Icuis'e'me hiŕpoujna, timiyi: “Maŕpoujna, ¿te aicomeca'ni cal c'a fanuj trigo lomemats'? ¿Pe qui'huayomma iŕquiya lixcay quitamqui?”

²⁸ Ľapoujna italai'enni, timila': “Toŕta'a li'epa

nal'epa laic". Limozó icuis'e'me, timiyi: “¿Te cal'eyacu? ¿Te alyaxta ilque hixcay quitamqui?”
²⁹ Lilpoujna timila': “A'i, aimi'iya. Ja'ni tolyaxtsa, jouc'a tiyaxc'ehuo cal trigo. ³⁰ Ma tole tipanenni. Titojtsola' ma' anuli cal trigo jouc'a hixcay quitamqui. Ticuaitsi litine tefot'lenle, iya' cami'mola' no'eyacu canic': Tonlele, ate'a tolyaxtsa jile hixcay quitamqui, tofi'ot'letsatsa atotsa atotsa tipi'em'me. Tijoula', tolafot'letsatsa cal trigo, to'hua'anca fa'a lainejut'.”

³¹ Jesús ti'hua ti'onkiconghua lo'epa LanDios fa'a li'a lamats'. Timila':

—Anuli cal xans itai'ma anuli lajfanu' juaiconapa aca'hua cuftine sinapi, ifatsi lemats'. Li'i'ma ilque cal fanu' ti'onkicospa to lo'iya petsi LanDios cal Cuecaj Rey tijoc'ila' lan xanuc' tihuejcole. ³² Ilque cal fanu' xonca aca'hua, titoj'ma tulij'ma jahuay lofampa jilpe laqueya. Ilque xonca titoqui. Ti'i'ma to al 'ec. Laca'hui naiyulpá lema'a jilpe al 'ec tilanc'e'me lihpuxi'na, timajm'me.

³³ Jesús ti'hua ti'onkiconghua lo'epa LanDios fa'a li'a lamats'. Timila':

—Anuli laca'no' ilai'i'ma hilevadura axpe' li'harina. Li'i'ma cal harina hila'ipa cal levadura ti'onkicospa to lo'iya petsi LanDios cal Cuecaj Rey Nopa'a lema'a tijoc'ila' lan xanuc' tihuejcole. He cal levadura ti'hua tilai'i cal harina. Lijou'ma umfunni jahuay lax'e.

³⁴ Tohta'a limuc'iyalepa Jesús. Ma le'a i'onkicopa lo'epa LanDios. Aimimuc'ila' acuajmaica cataiqui'.

³⁵ Tohta'a enankicopa linespa cal profeta. Ilque uya'a'ma linespa cal'Ailli', ticua:

Capalaic'o'mola' lan xanuc', ca'onfico'ma lo'epa
 LanDios.

Lilajnyopa li'a lamats', emiya ihiya lataiqui'.

Itsiya cu'i'mola' lan xanuc'.

³⁶ Jesús ipo'no'mola' lan xanuc' nomana' jilpiya.
 Ts'ilihuequi ifoc'olai'me, timiyi:

—Lu'itsonga', luhualc'etsonga' lataiqui', ife
 loya'apa te ts'i'ic' li'ipa jilpe lamats' cal xans pe
 litojyopa lixcay quitamqui.

³⁷ Jesús timila':

—Iya' ifque cal Xans Liximpa cal profeta pu'hua
 lema'a. Iya' af'onfocospa to ifque cal xans neca'nipa
 lan c'a fanu'. ³⁸ To lamats' lifapa cal xans tofe
 ti'onfocospa ifca'a li'a lamats'. Naihuejcopá LanDios,
 ifque cal Cuecaj Rey, ifne ti'onfocospola' to lan c'a
 fanu'. Naihuejcopá lonta'a, ifne ti'onfocospola' to
 lixcay quitamqui, ife litamqui lifapa ifque lin'ehuale
 laic' cal xans. ³⁹ Lonta'a Satanás, ifque lin'ehuale
 laic'. Li'i'ma litine lafot'leya ti'onfocospa to lo'iya Li-
 joujma Quitine. Nefot'lepá trigo, ifne ti'onfocospola'
 to lapaluc' quema'a, malniya tefot'lem'mola' lan
 xanuc'.

⁴⁰ 'Ma to miyaxquim'me lixcay quitamqui,
 tipi'em'me, ma tofta'a lo'iya Lijoujma Quitine.

⁴¹ Iya' ifque cal Xans Liximpa cal profeta pu'hua
 lema'a. Iya' cumme'mola' lainepaluc' quema'a.
 Ma to miyaxquim'me lixcay quitamqui, tofta'a
 tepa'am'mola' lomints'eyalepá lipicuejma' lan
 xanuc'. Jouc'a tipa'am'mola' pe aimihuejcoyi
 locuxepa LanDios. Iniya aimimajnyacu anuli
 naihuejcopá LanDios, ifque cal Cuecaj Rey. ⁴² Ifne
 lixcay xanuc' ti'nij'mim'mola' al cuecaj capa
 lonajpa lunga. Jilpiya lan xanuc' tijolijta, ti'ilc'ta

li'ay, tixinna acuecaj cumla. ⁴³ Lan xanuc' naihuejcopá locuxepa ÆanDios, ma iñiya timanecu pe locuxeyopa ÆanDios iñque quif'Ailli'. Jiñpiya ti'huájtola' to mi'huájta cal 'ora tuyaiña' lummahuay.

'Naitsi nocuejpa, ałquimf'ela' iya' laitaiqui'.

⁴⁴ 'To li'epa anuli cal xans liximpa axpe' al tomí lemuyiya łamats', tołta'a ti'onłcospa to lo'eyacu lan xanuc' noquimf'epá, naihuejcopá ÆanDios lojoc'ipola', iñque cal Cuecaj Rey. Cal xans liximpa iñe al tomí emucona'ma. Tixoqui queta i'hua'ma icujtsi jahuay hi'huexi. Iñe lulij'ma i'naco'ma łamats' jiñpe lamuya al tomí.

⁴⁵ 'To li'epa anuli cal xans lincucale mehuay lam perla, iñiya acueca' liñpitali, tołta'a ti'onłcospa to lo'eyacu lan xanuc' noquimf'epá, naihuejcopá ÆanDios lojoc'ipola', iñque cal Cuecaj Rey. ⁴⁶ Cal xans iximpa anuli cal perla acueca' liñpitali, i'hua'ma icujtsi jahuay hi'huexi. Iñe lulij'ma i'naco'ma iñque cal perla.

⁴⁷ 'To li'ipa petsi lin'nołpá catuye lecajm'mi'me liñxami al cuecaj quin'nuhua', tołta'a ti'onłcospa to lo'iyacola' lan xanuc' noquimf'epá, naihuejcopá ÆanDios lojoc'ipola', iñque cal Cuecaj Rey. Iñque cal xami i'nołpola' jahuay latuye, iñe lotempola' jouc'a pe aimitejn-ñila'. ⁴⁸ Namma i'i'ma cal xami, lin'nołpá catuye ipa'a'me laja'. Icuscołenca, i'huijf'e'me lan c'a catuye, ti'niñ'miyi liñtsiquihuit'ł. Locuenaye latuye, iñe pe aimitejn-ñila', eca'ni'me. ⁴⁹ Tołta'a ti'i'ma Lijoujma Quitine. Ticuaicu lapaluc' quema'a, tenaj'mola' lan xanuc'. Ti'huijf'e'mola' lan xanuc' naihuejcopá locuxepa ÆanDios. Lixcay xanuc' tipa'am'mola'.

⁵⁰ Tecajm-mim'mola' lapa petsi lonajpa lunga. Jilpe lan xanuc' tijolijta, ti'ilc'ta lii'ay.

⁵¹ Jesús icuis'e'mola', timila':

—¿Te oluhuałpá lainu'ipolhuo'?

Ihne italai'e'e'me, timiyi:

—Ma luhuałpá.

⁵² Timila':

—Imanc' unc'omxiye, joupá olihuic'ipá te ts'i'ic' lo'iya petsi ŁanDios timujyoxi, ihque cal Cuecaj Rey Nopa'a lema'a. Tołiya ti'onłcospolhuo' to lapoujnalá cajut'li. Ihque łapoujna cajut'ł tipa'e, timuqui hi'huexi. Tipa'e łafane hi'huexi, jouc'a tipa'e cal ts'e, timuc'ila' lan xanuc'.

⁵³ Lijoupa limuc'iyalepa ihne łataiquí, ipanni jilpiya. ⁵⁴ Icuaitsi lipiłya' pe litojyopa. Ipango'ma imuc'i'mola' lan xanuc' jilpe lajut'ł pe lafołyomma. Ihne lan xanuc' ticuayi:

—¿Xinłta! Acueca' juaiconapa lonespa jouc'a lo'epa. Ihque cal xans, ¿naitsi nimuc'ipa? Juaiconapa ixina'. ¿Naitsi nepi'ipa limane ti'ełta' tołta'a? Ihque ti'ay acueca' to lo'epa ŁanDios. ⁵⁵ Ihque i'hua cal xans łinc'alhuałpa, María i'máma'. Jacobo, José, Simón y Judas ipimaye. ⁵⁶ Lipimaye cacal'no' jouc'a timana' fa'a. ¿Naitsi nimuc'ipa lonespa? ¿Naitsi nepi'ipa limane?

⁵⁷ Ihne ixim'me Jesús to jipu'hua ni naitsi xans. Ixtulencia. Aimicuayi mepenufyacu. Jesús timila':

—Cal profeta mipa'a lipiłya' o lejut'ł, jilpiya aimepenufyacu. Ja'ni ti'hua'ma ocuena quiliłya', jilpe łinca tepenufta.

⁵⁸ Ma' ahuata al cueca' li'e'ma Jesús jilpe lipiłya'. Lan xanuc' aiquil'huaiyinge.

14

¹ Ihniya hitiné Herodes icuejpa lo'epa Jesús. Jilque Herodes ticuxe jilpe lamats' Galilea. ² Timila' lix-anuc':

—Itque aJuan Bautista. Imaf'inapa, ipanamma pe lomana' lamizhua. Tohiya tipa'a limane, ti'ay al cueca'.

³⁻⁴ Tohta'a licuapa Herodes i'nujuaitsi li'e'epa Juan.

Itque Herodes ilecopa hi'maxi cuftine Herodías, excic'e'epa hipima Felipe. Juan Bautista italepa Herodes. Timi: “Ima' o'epa lixcay. Aimolmajncona'me anuli ima' laca'no'.” Herodes aits'etenicoco'ma ihiya lines'ma Juan Bautista. Ixtuc'opa, i'nohta, ifi'ecopa acadena, i'nicopa lacarza. ⁵ Ticua: “Cama'a'ma”. Aiquima'e. Tixpaic'ela' lan xanuc' aga tixtulecu. Jahuay ticuayi: “Juan aprofeta. LanDios ummepa.”

⁶ Ixhuaitsi lamats' Herodes i'e'ma juic. Jilpe efohyomma Herodes lijoc'ipola'. Ixou'ma hi'hua caca'no' Herodías. Juaiconapa icuaitsi quipic'a Herodes. ⁷ Icuaj'mipa LanDios, epi'ipa cataiqui', timi lahuats': “Itsiya, ¿te caifnepi'iyaco'? Ahsahue'ela'.” ⁸ Lahuats' ihuejco'ma qui'máma' lixc'ai'i'ma, timi: “Altai'etsi lijuac Juan Bautista. Tipo'nof'intsa laxpef' pime.”

⁹ Herodes ixhuelconni. ¿Te co'eya? Joupa icuaj'mipa LanDios, icupa cataiqui'. Lijoc'ipola' jouc'a icuejco'me licuaj'mipa. Aimi'iya micuanac'eya lahuats'. Icuxe'ma ti'ente to lixahue'epa lahuats'. ¹⁰ Umme'ma anuli cal soldado pu'hua lacarza tetec'entsa lejoc' Juan. ¹¹ Ipo'nof'intsa lijuac laxpef' pime, i'hua'anni, uhui'itsi lahuats'.

Itque itai'ma, uhui'itsi qui'máma'. ¹² Icuaiyunca ts'ilihuequi Juan. Itaina'me licuerpo emunatsa. Iye'me u'itsa Jesús.

¹³ Jesús, licuej'ma li'ipa Juan, if'aj'ma al barco, i'hua'ma petsi ailopa'a quiŷya' ni cajut'ŷ. Aicu'ila' lan xanuc'.

Li'i'ma quiŷsina' lan xanuc', iŷne ipalunca liŷpitololŷya', iye'me liŷ'mis. Ticuaitsa pe licuaita Jesús. ¹⁴ Jesús iquie'ma al cueca' quin'nuhua', icuaitsi locuena liju'. Lipanni al barco ixim'mola' axpela' lan xanuc' joupa icuaita jilpiya. Ixim'mola' acuanuc'la. Ixaŷ'mena'mola' lilefcualŷay.

¹⁵ Joupa ummuhuita, ts'ilihuequi Jesús iŷoc'olai'me. Timiyi:

—Jifa'a ailopa'a quiŷya', ailopa'a cajut'ŷ. Joupa ummuhuita. Toxc'ai'itsola' lan xanuc'. Tomitsola' tiyene laiquitololŷya', ti'natsa lotejacu.

¹⁶ Jesús timila':

—¿Te coyecoyacu? Imanc' toŷtes'mitsola'.

¹⁷ Iŷniya timiyi:

—Jifa'a tipa'a ma le'a amaque' la'í y oquexi' latuye.

¹⁸ Timila':

—Toŷ'hua'anca fa'a.

I'hua'a'me.

¹⁹ Jesús icuxe'e'mola' lan xanuc' ticuŷolaiŷe laiquitamqui. Epef'mola' lam maque' la'í, loquexi' latuye. Ehuelojm'ma al toncay lema'a, ix'najtsi'i'ma LanDios. Ixquenuf'mola' la'í, epi'i'mola' ts'ilihuequi. Ts'ilihuequi eca'nem'mola' lan xanuc'. ²⁰ Jahuay itetso'me ixhuaitsole. Ts'ilihuequi Jesús efot'le'me laiŷhualcay hiŷpanecomma. Ima'ni'me imbama' coque'

lan tsiquihuit'í. ²¹ Hniya litetso'me tixhuaispola' oquej nuxans quimbama' maxnu lan xanuc'. Jouc'a itetso'me laca!no' jouc'a la'uhuay.

²² Aiquico!ma. Jesús icuxe'e'mola' ts'ilihuequi, timila':

—To!f'ajlite al barco. To!quiete al cuecaj lin'nuhua'.

Hque tipanenni tixc'ai'ila' lan xanuc' tiyente hilejut'hi. ²³ Lijoupa lixc'ai'ipola' lan xanuc' Jesús if'aj'ma quituca' hijualay, tipalaic'otsi LanDios. I'ipa quipuqui', tipa'a quituca' jilpiya. ²⁴ Ts'ilihuequi noyecopá al barco joupa icuaita aculi'. Lamats' canujnca ailopa'a. Afule mi'hua al barco. Lahua' ti'hua titalecufi. Itsahuemma laja', ujfxi tipange al barco.

²⁵ Lihic'ejma icuainatsi jilpiya Jesús, ti'huailsaf'que laja'. ²⁶ Ts'ilihuequi ixim'me mi'huayaf'que laja'. Juaiconapa ixpailij'mola'. Tija'ayi, ticuayi:

—Icuaco'ma cal cueca' quinxpaic'ale.

Tija'ayi caxpaiqui'.

²⁷ Aiquico!ma. Jesús ipalaic'o'mola', timila':

—Aimixpailij'molhuo'. Ma' iya'.

Aimo!sue!mot'le'me. Ailopa'a tintsí.

²⁸ Pedro timi:

—Maipoujna, ja'ni atinca ima', a!mí!a': “To'huanni”. Iya' ca'hua'ma, ca'huailsaf'la' laja', cacuaitsi pe lofpa'a.

²⁹ Jesús timi:

—To'huanni.

Pedro emunni al barco, i'huailsaf'tsi laja' ticuaitsi pe lopa'a Jesús. ³⁰ Lixim'ma lahua'

ti'hua juaiconapa ipujfxi, ixpaiconni. Ipango'ma if'acaina'ma laja'. Ija'a'ma, timi Jesús:

—Maipoujna, ¡lunhu'eta'!

³¹ Aiquicoŀ'ma. Jesús i'nij'ma limane, i'noŀ'ma Pedro, timi:

—Ima' le'a ahuata aŀ'huaiyinge. ¿Te qui'ico'po' a'ij nuli lopicuejma'?

³² Jesús jouc'a Pedro if'ajli'me al barco. Ipanenanni łahua'. ³³ Ihe nomana' al barco exc'onŀingota'ime Jesús, timiyi:

—Ima' ma' i'Hua ŁanDios.

³⁴ Ti'hua tiquieyi al cueca' lin'nuhua'. Icuaitsa łamats' Genesaret. ³⁵ Ihe lun Genesaret imet-saico'me Jesús, ummem'mola' lilepaluc' tiyeŀe ni petsi jilpiya łamats', tuya'atsa joupa icuai'ma Jesús. Licuej'me toŀta'a lan xanuc' icuai'enca jahuay lile-fcuallay. ³⁶ Ixa'hue'me ma le'a tiłafc'ele łema lipi-jahua' lafcuallay. Jahuay niłafc'e'me ixałcona'mola'.

15

¹ Lan xanuc' fariseo jouc'a lomxiye nomuc'iyalepá locuxepa ŁanDios, quiyouyomma Jerusalén, icuaitsa pe lopa'a Jesús. Icuise'e'me, timiyi:

² —Ihniya lałtatahueló tipa'a liŀ'ejma' tulouyi liłmane ai'a titetso'me. Ts'ihuejhuo', ¿te aimulouyi liłmane? ¿Te co'ecopa toŀta'a? ¿Te aimihuejcoyi liŀ'ejma' lałtatahueló?

³ Jesús italai'e'e'mola', timila':

—Imanc' xonca tolihuejyi liŀ'ejma' lołtatahueló, ołpic'a. Toŀta'a tolatets'iyi locuxepa ŁanDios. ¿Te conŀ'ecopa toŀta'a? ⁴ ŁanDios ticuxe, ticua: “Taihue-jco'mola' co'ailli', co'máma'. Totoc'i'mola'.” Jouc'a

ticua: “Cal xans nomipola' cataiqui' qui'ailli' qui'máma' tipa'a lijunac'. Tima'anle.”

5-6 'Ituca' lołcuapa imanc'. Tołcuayi: “Cal xans a'i mitoc'i'mola' qui'ailli' qui'máma'. Ma le'a timitsola': Aimi'iya catoc'iyacolhuo'. Ihe łai'hueca cola' catoc'icotsolhuo' joupa nenajpa, catsufcota ŁanDios.” Linca tolihuejyi lił'ejma' lołtatahueló. Litaiqui' ŁanDios locuxepa aimolanant'iyi. Toł'e'eyi to ni naitsi cataiqui'.

7 'Imanc' aijc'a loł'ejma'. Ma le'a toł'e'eyołtsi, imanc' a'i cunc'ic'a xanuc'. Cal profeta Isaias in-escopolhuo'. Ihe litaiqui' tuya'e' lonespa ŁanDios, ticua:

8 Iłniya lan xanuc' ałmi: “Ima' alanDios, ima' un-Cueca”.

Jiłpe hilunxajma' latets'i, aimalihuequi.

9 Lataiqui' lomuc'iyalepa iłniya, a'i laitaiqui'.

Timuc'iyaleyi iłniya locuxepa lan xanuc'.

Tama alaxc'onłingaił'a, aimalatenłma ihe lił'ejma'.

10 Jesús ijoc'i'mola' lan xanuc' ticuaiyunca, timila':

—¡Ałquimf'ela! ¡Ałcuc'ela' ihe laifmipolhuo'!

11 Cal xans lo'nicoya lico, ihe aimi'iya mixis'meya. Laipayomma lico, ihe litaiqui' locuapa, ja'ni ix cay cataiqui', ihe linca tixis'me'ma cal xans.

12 Ts'ilihuequi icuaiyunca pe lopa'a Jesús, timiyi:

—¿Te conescopa tołta'a? Lan xanuc' fariseo juaiconapa ixtuc'opo'.

13 Jesús italai'e'e'mola', timila':

—Al 'ec pe aikuifac' cai'Ailli', iłque Nopa'a lema'a, ihe al 'ec tiyaxquim'me. 14 Timajnle. Aimolquimf'e'mola'. Ihe afohue, ti'huaj'me'eyi

liŋ'as fohue. Ja'ni cal fo' ti'huaj'me'ela' liŋ'as fo', loquexi' timefmołaita lina.

¹⁵ Pedro timi:

—Luhualc'e'etsonga' iŋe lataiqui'.

¹⁶ Jesús timila':

—Imanc' jouc'a, ¿te ailopa'a colpicuejma'? ¹⁷ Cal xans lo'nicopa lico, iŋe aimitsufaiya lipicuejma', titsufay licu'u, tijouł'a' tipanamma. ¿Te aicołsina' tołta'a? ¹⁸ Laipayomma lico cal xans, iŋe lataiqui' qui'huayomma lipicuejma', iŋe linca tixis'me'ma iłque cal xans.

¹⁹ 'Jahuay lonespa, lo'epa cal xans tipayomma lipicuejma'. Małpiya qui'huayomma jahuay lixcay. Jiłpe liłpicuejma' lan xanuc' tixpic'eyi ti'ełe lixcay. Tixpic'eyi tima'ahuale'me. Tixpic'eyi tiŋ'ıltsaicołe liłpeno liŋ'as xans. Tixpic'eyi tixhuico'mola' locuenaye cacal'no' a'i liłpeno. Tixpic'eyi tinantse'me. Tixpic'eyi tifellaique'me. Tixpic'eyi tixahuale'me.

²⁰ 'Jahuay iłna'a ti'e'e'mola' xujc'a, tołta'a tixis'me'mola'. Cal xans ja'ni aimulouhuo limane to liŋ'ejma' litatahueló, ma le'a titetso'ma, a'i tołta'a mixis'meya.

²¹ Jesús ipanni jiłpiya. I'hua'ma iłemats' iŋe iłelolıya' Tiro y Sidón. ²² Icuaiyunni pe lopa'a Jesús anuli łaca'no' qui'huayomma jiłpe łamats'. Iłque a'ij judía. Litatahueló cuftine lan cananeo. Lan xanuc' judío tetets'innila' iŋe lan cananeo. Ticuayi: “Atsiłqui iłniya”.

Łaca'no' tija'e', timi Jesús:

—Maipoujna, ima' tecui'inghuo' i'Hua David, jałsinł'a' nincuanuc'! Łai'hua cacal'no' titelma juaiconapa. Itsufaipa anuli liłponta'a Satanás.

23 Jesús aiquitalai'e'. Ts'ilihuequi iloc'olai'me, timiyi:

—Itca'a łaca'no' ti'hua tija'e' lihuequinga'. Tocuxe'ela' ti'huanła'.

24 Jesús italai'e'ma, timi łaca'no':

—ŁanDios lummepa catoc'itsola' lixanuc' Israel, ilne lo'onłocspola' to lam mot'i lejac'pola'. Aimi'iya catoc'iyacola' locuenaye lan xanuc'.

25 Łaca'no' iloc'huai'ma exc'onłingai'ma, timi:

—Maipoujna, łaltoc'ila'!

26 Jesús italai'e'e'ma, timi:

—Aimi'iya miłonc'e'enyacola' ille'i la'uhuyay, meca'ni'enyacola' lan tsilqui.

27 Łaca'no' timi:

—Maipoujna, al łınca lotaiqui'. Iya' cacua: İniya lan tsilqui, tama atsilqui, ilne titeji laijhualcay ca'i lacangemma limesa łilpoujna.

28 Licuej'ma jiliya lataiqui' Jesús timi:

—Maca'no', acueca' ał'huaiyijmpa. Ma to lałsahue'epa, tole ti'ila'.

Małe 'hora ixałcona'ma li'hua łaca'no'.

29 Jesús ipanni jilpiya. Ti'hua łema al cuecaj quin'nuhua' Galilea. If'aj'ma łijualay, licuaitsi icutshuai'ma jilpiya. 30 Icuaiyunca axpela' lan xanuc'. Icuai'etsa axpela' lilefcuallay, ilne lan coxo, latumane, lan fohue, jouc'a ocuenaye lan xanuc' ilne aimi'i mipalaiyi, jouc'a ocuenaye lafcuallay. Ipo'nom'mola' huejnca li'mitsi' Jesús. İtque ixał'mena'mola'. 31 Lan xanuc' ixim'me ille li'ipola' lafcuallay. İne pe aimipalaiyi ipalaina'me. İne latumane joupa ixałconapola'. Lan coxo tiyenayi. Lan fohue tixinalenayi. Lixim'me tołta'a lan xanuc' timiyoltsi:

—¡Xinla' ja'a! Iŕque Jesús ti'ay al cueca'.

Ix'najtsi'i'me LanDios, hilenDios ihne lan xanuc' Israel.

³² Jesús ijoc'i'mola' ts'ilihuequi, ticuainanca. Timila':

—Iya' caxinnila' cuanuc'la ihna'a lan xanuc'. Ixhuaita afane' quitine maŕmana' anuli fa'a. Ailopa'a cotejacu. Aimi'iya cummeyacola' toŕta'a. Aimi'iya miyeyacu hŕpileloŕya'. Titafquecola' lane.

³³ Ts'ilihuequi timiyi Jesús:

—Jifa'a ailopa'a quiŕya'. ¿Petsi caŕsi'neyacu ŕa'i łotejacu ihna'a axpela' lan xanuc'?

³⁴ Jesús icuis'e'mola' ts'ilihuequi, timila':

—¿Tojua mipa'a łola'i?

Timiyi:

—Acaitsi la'í, oquexi' afantsi latuye.

³⁵ Jesús timila' lan xanuc':

—Toŕcutsolaŕte łamats'.

³⁶ Epef'mola' lan caitsi la'í jouc'a latuye. Ix'najtsi'i'ma LanDios. Ixquenuf'mola', epi'i'mola' ts'ilihuequi. Ts'ilihuequi eca'neyale'me. ³⁷ Jahuay itetso'me, ixhuaitsola'. Ts'ilihuequi efot'le'me lan hualcay lipanecomma. Imantsi acaitsi cal tuc'pay. ³⁸ Lan xanuc' nitetsopá tixhuaispola' oquej nuxans maxnu. Lacaŕ'no', la'uhuay itetsopá jouc'a, aikuixhuej'mem'mola' ihniya. ³⁹ Jesús ixc'ai'ina'mola' lan xanuc' tiyente hŕpileloŕya'. If'aj'ma al barco, i'hua'ma łamats' pe lopa'a liŕya' cuftine Magdala.

16

¹ Lam fariseo jouc'a lan saduceo icuaitsa pe lopa'a Jesús. Ehuai'me. Timiyi:

—To'etla' al cueca' to lo'eya ŁanDios, itque Nopa'a lema'a. Tołta'a ał'huaiyjm'mo'.

² Jesús italai'e'e'mola', timila':

—Mif'acai'ma cal 'ora, ja'ni tunxałc'o lema'a, tołcuayi: “Mouqui ti'i'ma ac'a quitine”. ³ Mi'i'ma quitine tołcuayi: “Xinla', tunxałc'o lema'a, unxamuhua, ti'hua'ma łahua', ticui'ma”. Imanc' a'i cunc'ic'a xanuc', ma le'a tonł'e'eyołtsi. Tołsuef'yi lema'a, tijoula', aimi'iya cołsina' te ts'i'ic' lomuc'ipolhuo' ŁanDios itsiya litine.

⁴ 'Lan xanuc' nomana' itsiya ux'maspá lipene ŁanDios. Mi'eyi al xujc'a timiyi: “Ałmuc'itsonga' al cueca'”. A'i mimuc'inyacola'. Łınca ti'i'ma to li'ipa cal profeta Jonás mipa'a luyaipa quitine. Ihiya lo'iya tixim'me.

Ipo'no'mola' i'huana'ma.

⁵ Iquiecona'me al cueca' quin'nuhua' Jesús jouc'a ts'ilihuequi. Jiłniya ts'ilihuequi aiquiłtaic' quile'i, imenc'ecopá. ⁶ Jesús timila':

—Tołpo'nołe cuenna. Aimolapenuf'me liłhevadura lam fariseo, ni aimolapenuf'me liłhevadura lan saduceo.

⁷ Iłniya timiyołtsi:

—¿Te calmicoponga' tołta'a? O ¿itque inescopa aicaltaic' cala'i?

⁸ Jesús ixina' locuapa iłniya, timila':

—¿Te cołmicopołtsi: “İllanc' aicaltaic' cala'i. ¿Te cal'eyacu?”? Imanc' huata ał'huaiyinge. ⁹ ¿Te olimenc'ecopá lam maque' la'í litempa loquej nuxans quimbama' maxnu lan xanuc'? ¿Te olimenc'ecopá tojua lan tsiquihuit'ł lołma'ne'mola' cal hualcay ca'i lipanecomma? ¹⁰ ¿Te jouc'a olimenc'ecopá lacałtsi la'í litempa lam malpuj

mil lan xanuc'? ¿Te olimenc'ecopá tojua lan
 tuc'paylołma'ne'mola' cal hualcay ca'i hipanecomma?
 11 ¿Te aimolcuejcoyi laitaiqui' laimipolhuo'? He
 laitaiqui' laimipolhuo': "Tołpo'nołe cuenna.
 Aimolapenuf'me lihevadura lam fariseo. Ni
 aimolapenuf'me lihevadura lan saduceo", iya'
 aicapalajma ła'i.

12 Itsiya ts'ilihuequi Jesús itcueca itque limipola'.
 Jesús tipalaicola' lam fariseo jouc'a lan saduceo
 lomuc'iyalepa. Aimipalajma cal levadura ite
 łolai'impa cal harina milanc'em'me ła'i.

13 Jesús jouc'a ts'ilihuequi icuaitsa łemats'
 ite liłya' cuftine Cesarea de Filipo. Jiłpe Jesús
 icuis'e'mola' ts'ilihuequi, timila':

—Iya' itque cal Xans Łiximpa cal profeta pu'hua
 lema'a, ¿te limetsaijma lan xanuc'? ¿Te cocuapa
 itniya? ¿Naitsi iya'?

14 Itniya timiyi:

—Timana' itne nocuapá ima' unJuan Bautista.
 Ocuenaye ticuayi ima' umprofeta Elías. Locue-
 naye ticuayi ima' umprofeta Jeremías o mocuenaj
 profeta.

15 Jesús timila':

—Imanc', ¿te colcuapa? ¿Naitsi iya'?

16 Pedro italai'e'e'ma, timi:

—Ima' unCristo, łummepo' ŁanDios. Ima' i'Hua
 ŁanDios Łimaf'i'.

17 Jesús timi:

—CunSimón, i'hua Jonás, ima' ipaxnepo'
 ŁanDios. A'ij xans łimuc'ipo' tołta'a. Ma le'a
 cai'Ailli' Nopa'a lema'a, itque łınca imuc'ipo'.

18 Iya' camihuo': Ima' umPedro. He lopuftine
 ja'ni tuhualcufinłe, tecui'im'me Apic. Itsiya

omujpoxi to łapic petsi laifpo'nof'iya lainejut'ł, iłe lolanc'ecoya axanuc' pe laifnefot'leyacola'. İhniya ni lamaya aimuliyacola' nulemma. ¹⁹ Capi'i'mo' lomane tomuc'itsola' lan xanuc' ti'ıla' quilsina' pe lołtsuflaiyacu, tiyente lipene ŁanDios, ticuaitsa pe locuxeyopa ŁanDios, itque Nopa'a lema'a. Pu'hua lema'a ja'ni ticuanni: “Ailopa'a lane, aimi'e'me”, tołta'a ima' jouc'a tomi'mola' lof'as xanuc': “Aimo'e'ma. Ailopa'a lane. Aimi'ya mo'eya tołta'a.” Pu'hua lema'a ja'ni ticuanni: “Ne', ti'i'ma ti'e'me”, ima' jouc'a tomi'mola' lof'as xanuc': “Ti'i'ma to'e'ma, tipa'a lane. Ne', to'eła'.”

²⁰ İxc'ai'i'mola' ts'ilihuequi, timila':

—Aimonluya'a'me naitsi iya', iya' ninCristo.

²¹ İpangocopa iłe litine Jesús tu'ıla' ts'ilihuequi te ts'i'ic' lo'iya. Tu'ıla' ticuicomma titełco'ma, ti'hua'na'ma Jerusalén. Jılıpiya ihniya lan xanuc' noxpijpá lataiqui', lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios, titeł'mita juaiconapa. Tima'ata. Afane' quitine timaf'ina'ma.

²² Pedro aiquetenłcoco'ma iłe lines'ma Jesús. İleco'ma lijuqueya, itale'ma, timi:

—Maipoujna, aimocua'ma tołta'a. Aimi'ya mi'iyaco' tołiya.

²³ Jesús ipai'e'moxi, timi Pedro:

—¡To'huanła'! ¡Tanajxoxi fa'a! İma' monta'a. İma' opic'a ałsnic'e'eta laipene. İma' toxpıc'e to mix-pic'eyi lan xanuc'. İtuca' tixpic'e ŁanDios.

²⁴ Jesús tipalaic'ola' ts'ilihuequi, timila':

—Cal xans, ja'ni lihuejla', aimicuxeyacoxi quituca'. İya' lapakts'inginna lancruz. Naitsi nalihuejya titaila' lencruz jouc'a. Tixpic'eła'

tixnet'Ha' latełcoya. Tołta'a lihuejla'. ²⁵ Naitsi no'epoxi cuenna juaiconapa, ja'ni aimicua mitełcoya, itque cal xans tecani'e'moxi. Naitsi nocuyacoxi latełcoya, nalihuejya, tama tima'anle, itque tulij'ma lipitine, ite al ts'e lipitine aimijouya. ²⁶ Cal xans nulijpa jahuary lopa'a fa'a li'a łamats', ja'ni tecani'exoxi ¿te tixhuico'ma ite lulijpa? A'i, aimi'iya. ¿Te ti'i'ma ti'najtse'ma, ti'e'econa'moxi ac'a lipicuejma? A'i. Aimi'iya.

²⁷ 'Iya' itque cal Xans Liximpa cal profeta pu'hua lema'a. Caculaiconanni jifa'a li'a łamats', alejmalecu lainepaluc' quema'a. Tołta'a ałsim'ma iya' nin-cueca', al'onłcota to ŁanDios cai'Ailli'. Ite litine iya' ca'najtse'mola' lan xanuc'. Anuli anuli tepenuf'me lolijpa, ja'ni al c'a o lixcay. To li'epa jifa'a li'a łamats' ma tołta'a ca'najtse'mola'. ²⁸ Iya' camilhuo' al linca: Iya' itque cal Xans Liximpa cal profeta pu'hua lema'a, cacuxe'mola' lan xanuc'. Hualca imanc' nolacaxhuołanna fa'a itsiya, ai'a timana'molhuo' tołsim'me tołta'a laif'epa.

17

¹ Uyai'ma acamts'us quitine Jesús ileco'mola' Pedro jouc'a loquexi' capimaye Jacobo jouc'a Juan. If'ajli'me quiltuca' ti'nof'quiya łijuala. ² Licuaitsa jilpe ipaico'ma lixans Jesús. Itne ts'ilihuequi ixim'me li'a tunts'ifi to cal 'ora. Lipijahua' i'i'ma afujca, ti'onłcospa to lipepalc'o' litine. ³ Ixim'me imax-caitsola' Moisés y Elías. Ts'ilihuequi ixim'me mipalaic'oyi Jesús. ⁴ Pedro timi Jesús:

—Maipoujna, ma jifa'a ałmanecu. Tołta'a luyalaico'me al c'a. Ja'ni opic'a calanc'e'ma afane' lihuoxqui, anuli ima', anuli Moisés, anuli Elías.

5 Mipalay Pedro, imunni lumahuay, ummaf'cai'mola'. Lumahuay tunts'ifi. Ts'ilihuequi Jesús icuej'me tipalay nolojmay cummahuay, timila':

—Itca'a ai'Hua, ca'ay capic'a juaiconapa, latenma lipicuejma'. ¡Tołquimf'ete!

6 Licuej'me ihiya lataiqui', ts'ilihuequi Jesús ix-pailij'mola' juaiconapa. Ixpatshuolai'me lamats'.
7 Jesús icuaitsi pe loxpatshuolanna, itaf'mola', timila':

—Tołtsolinanca. Aimixpailij'molhuo'.

8 Ihiya ehuelojm'me. Ixim'me ma le'a quituca' Jesús. Moisés y Elías ailomana'.

9 Mimulnamma hjuala, Jesús ixc'ai'i'mola', timila':

—Itsiya aimoluyout'le'me lołsimpa. Nij naitsi nocuejya. Iya' itque cal Xans Liximpa cal profeta pu'hua lema'a. Ticuaitsi litine camaf'inla', quipayonahuo pe lomana' lamizhua, ite litine tolu'i'mola' lan xanuc' lołsimpa.

10 Ts'ilihuequi icuis'e'me, timiyi:

—Lomxiye nomuc'iyalepá locuxepa LanDios tinesyi: “Elías ticuaiconahuo ate'a, tijoula' ticuaihuo cal Cristo”. ¿Te conescopa tołta'a?

11 Jesús italai'e'e'mola', timila':

—Al linca lonespa ihiya: “Elías ticuaiconahuo ate'a”. Itque tixanu'ma jahuay. 12 Iya' camilhuo': Elías joupa icuai'ma. Ihiya aiqulimetsajma. Itel'mipá, i'e'epá ma to ts'itpic'a. Ma tołta'a to ts'itpic'a, ałtel'mi'ma iya' jouc'a. Iya itque cal Xans Liximpa cal profeta pu'hua lema'a.

13 Ts'ilihuequi Jesús icuec'e'me tipalaijma Juan Bautista, itque ti'onłcospa to Elías.

14 Icuainatsa pe lomana' axpela' lan xanuc' lafoiyomma. Anuli cal xans icuaitsi pe lopa'a Jesús, exc'onlingai'ma, timi:

15 —Maipoujna, toxinla' cuanuc' lai'hua. I'huajcopa mac'ojay. Titełma juaiconapa. Camna tecajm-maispa łunga, o camna tecajm-maispa laja'. 16 Aicuai'e'ma pe lomana' ts'ihuejhuo'. İne aimi'i mixał'meyi.

17 Jesús italai'e'ma, ticua:

—ıAh imanc'! Aimoł'huaiyinyi ŁanDios, a'ij łijca lołpicuejma'. ıCoła' aicapajncona'ma pe lołmana'! ıTe iya' ti'hua caxnet'l'ma xonca?

Timi cal xans:

—Aıhec'metsi lo'hua.

18 Jesús itale'ma łiponta'a Satanás, ilque łitsufaipa łamijcano. İpanni. Aiquicoł'ma, ixalcona'ma h'hua cal xans.

19 Ts'ilihuequi icuaitsa quıltuca' pe lopa'a Jesús, timiyi:

—İllanc', ıte aiqui'ic' calipa'e łonta'a?

20 Jesús timila':

—İmanc' aicoł'huaiyinge ŁanDios. Tołta'a aiqui'ic' colipa'e łonta'a. Iya' camilhuo' al łınca: Tama ajhu-ata ilte loł'huaiyincopa ŁanDios, tama ti'onłcospa to anuli cal fanu' xonca aca'hua, ja'ni toł'huaiyinyi ti'i'ma toł'e'me al cueca'. Tołcuxe'e'me ilque łijuala, tołmi'me: “Aimopajm'ma xonca fa'a. To'huanta' pu'huanni.” Ma tołta'a ti'i'ma. 21 Jouc'a camilhuo': Lontahue to ilcu'hua afule mipalumma. Ticuicomma tołsnet'ııe, tołsa'huełe ŁanDios, tołta'a tołipa'e'mola'.

22 Miyelocoyi al distrito Galilea, Jesús jouc'a ts'ilihuequi, ilque timila':

—Iya' ilque cal Xans Liximpa cal profeta pu'hua lema'a, alcunna. Lan xanuc' al'e'eta to mixpic'eyi lihpicuejma'. ²³ Alma'ata. Afane' quitine camaf'ina'ma, quipayohuo pe lomana' lamizhua.

Licuej'me jiliya lataiqui' ts'ilihuequi Jesús ixhuelconca juaiconapa.

²⁴ Icuaitsa liya' Capernaum. Jilpe iyouyunca lin'najtsi'iyalepá al cuecaj xoute'. Icuis'e'me Pedro, timiyi:

—Łopomxi, ¿te ti'najtse'e loxa'huempa al cuecaj xoute' o a'i?

²⁵ Pedro italai'e'e'mola', timila':

—Ti'najtse'e.

Icuaitsi lajut'l. Jesús ixina' licuis'epa ilne lin'najtsi'iyale. Ipalaic'o'ma Pedro, timi:

—Simón, ¿naitsi ilne no'najtsepá impuesto? Ille al tomí lapenufyacu lincuxepá nomana' fa'a li'a łamats', ¿te liłnaxque' lincuxepá ti'najtseyi? o ¿locuenaye lan xanuc'?

²⁶ Pedro timi:

—Locuenaye lan xanuc' no'najtsepá, liłnaxque' a'i.

Jesús timi:

—Al linca lofcuapa. Liłnaxque' aimi'najtseyi. ²⁷ Iya' i'Hua ŁanDios, ilne aimi'iya małmiya: “To'najtseła' lejut'l ŁanDios”, ille ejut'l cai'Ailli'. Tama al linca ille laifcuapa, itsiya camihuo': Al'najtse'me. Ja'ni a'i ticua'me latets'ila'. To'huala' al cuecaj quin'nuhua', tacajm'mitsi łomecuxa. Cal te'a catú tinuc'la' łacuxa, to'nołla'. Tacuaf'etsi lico, taipa'atsi al tomí lopa'a jilpe lico łatu. Totaitsi, to'najtse'etsola' ille lałsahue'emponga'.

18

¹ Iñe litiné ts'ilihuequi Jesús icuaitsa, icuis'e'me Jesús, timiyi:

—Jilpiya pe lomana' iñiya naihuejcopá cal Rey Nopa'a lema'a, ¿naitsi xonca cal cueca'?

² Jesús ijoc'i'ma anuli ľahuac'hua. Ecaxu'e'mola' ts'ilihuequi, ³ timila':

—Iya' camilhuo' al ľınca: Ticuicomma toľsuej'menca, toľ'etsoltsi to jilca'a ľacahuac'hua. Ja'ni a'i, aimoľsufłaiyacu pe lomana' naihuejcopá ŁanDios, cal Rey Nopa'a lema'a. ⁴ Ja'ni cal xans ti'oc'exoxi, ti'onľicoxoxi to ilca'a ľacahuac'hua, ilque cal xans ti'i'ma xonca cal cueca' pe lomana' naihuejcopá cal Rey Nopa'a lema'a. ⁵ Cal xans nocuapa: “Jesús ti'ela' capic'a la'uhuay”, tijouľa' tepenufi anuli iľna'a, ilque cal xans lapenufinga' iya'.

⁶ Cal xans naimenac'iya anuli iľna'a laica'uhuay naľ'huaiyijmpa, acueca' titeľ'mim'me. Ilque coľa' ifi'em'me ľejoc', coľa' ifinc'im'me cal cuecaj capic, ecajm'mıntsa lin'nuhua' coľa' unxalac'ma, ima'ma. Toľta'a ticuicomma lo'iya ilque cal xans.

⁷ Micolı li'a ľamats' ti'hua timajm'me lan xanuc' naimenac'iyacu liľ'as xanuc', toľta'a aimunľuya li'a ľamats', titeľ'mim'me. Ma' anuli cal xans naimenac'iya liľ'as xans a'ijc'a loyaicoya, jouc'a aimunľuya.

⁸ Ja'ni lomane o lo'mis timenac'ihuo' najmay tatejla', taca'nıľa'. Ja'ni tecajm'minno' petsi aimipica ľunga, ¿te cof'ecoyacola' oque' lomane, oque' lo'mitsi'? Najmay totsufaitsi jilpiya pe lotsufłaiyacu iñe nepenufpá al ts'e liľpitine aimijouya, tama le'a anuli lomane o anuli lo'mis.

⁹ Ja'ni anuli lo'u timenac'ihuo', taipa'ala', taca'nita' aculi'. Ja'ni tecajm'minno' al muf pe lonajpa lunga, ¿te cof'ecoyacola' oque' lo'u'? Najmay totsufaitsi jilpiya pe lotsuflaiyacu ihe nepenufpá al ts'e lipitine aimijouya, tama le'a anuli lo'u.

¹⁰ Imanc' tołpo'nołe cuenna. Aimonlatets'i'mola' iħna'a laica'uhuy. Iya' camilhuo', jilpe lema'a timana' lilepaluc' iħna'a laica'uhuy. Ihe lapaluc' quema'a itine itine timana' anujnca cai'Ailli', iħque Nopa'a lema'a. ¹¹ Iya' iħque cal Xans Liximpa cal profeta pu'hua lema'a. Aicuaicoco'ma fa'a li'a lamats' cunħu'e'mola' lan xanuc' lejac'pola'. Ihe ma' aipenic'.

¹² ¿Te colcuapa? Anuli cal xans timana' amaxnu limotł, ja'ni anuli tejac'la', ¿te co'eya? Iħque tipo'no'mola' lam malpuj nuxans quimbamaj pella jilpiya ħimuc'o, ti'hua'ma tehueta lejac'pa. ¹³ Linca lam malpuj nuxans quimbamaj pella limotł, ihe pe aiquejac'ila', iħniya tixoc'iyi queta cal xans. Tixinnatsi ħimot lejac'pa, xonca tixoc'i'ma queta. ¹⁴ Tołta'a lipicuejma' col'Ailli', iħque Nopa'a lema'a. Iħque ticua: Aimejac'mola' laitsocay ca'uhuy, ni anuli.

¹⁵ Ja'ni a'ijc'a li'epo' łopima, to'huala' ima' cotuca' pe lopa'a iħque. Tomitsi: “¿Te cal'ecopa tołta'a?” Ja'ni ticueca joupa oxanu'epa. Tołpalaic'ona'mołtsi, ailopa'a tintsi. ¹⁶ Ja'ni aimicueca, topo'noła', to'huala', tahuetsola' anuli o oquexi' lapimaye. Tolecotsola' pe lopa'a łopima. Tołta'a to'e'ma ma to loya'apa al Paxi Linilingiya, ticua: “Ticuicomma oquexi' afantsi lan xanuc' ticuejcota lotalai'ecoya anuli cal xans”. ¹⁷ Ja'ni iħque łopima aimicueca, ja'ni

aimiquimf'ela' ihniya, to'hua'ma, to'itola' lapimaye jilpiya pe lafot'leyopotsi. Ja'ni ti'hua aimicueca, aimiquimf'ela', ima' aimaimetsaico'ma xonca, jilque cal xans a'i copima. Ima' aimonlejmaleyacu lan xanuc' pe aimimetsaicoyi LanDios, jouc'a pe aimihuejcoyi locuxepa LanDios aimonlejmaleyacu. Ma tohta'a aimonlejmalecona'me ilque cal xans.

18 'Iya' camilhuo' al linca: Pu'hua lema'a ja'ni ticuanni: "Ailopa'a lane, aimi'e'me", tohta'a imanc' jouc'a tołmi'mola' loł'as xanuc': "Aimo'e'ma. Ailopa'a lane. Aimi'iya mo'eya tohta'a." Pu'hua lema'a ja'ni ticuanni: "Ne', ti'i'ma ti'e'me", imanc' jouc'a tołmi'mola' loł'as xanuc': "Ti'i'ma to'e'ma, tipa'a lane. Ne', to'eła'."

19 'Jouc'a camilhuo': Mołmana' fa'a li'a lamats', ja'ni oquexi' imanc' ti'ila' anuli lołpicuejma', ja'ni tołsahue'ete cai'Ailli' Nopa'a lema'a tepi'itsolhuo', ilque tepi'i'molhuo' ile lołsahue'epa.

20 Petsi lafołyomma oquexi' afantsi lan xanuc' nał'huaiyijmpa, iya' jouc'a capa'a.

21 Pedro i'hua'ma pe lopa'a Jesús, icuis'e'ma, timi:

—Maipoujna, ¿tojua quimenc'e'eco'ma lijunac' laipima, ilque a'ijca' lał'e'epa? Iya' cacua tixhuaitsi acaitsi.

22 Jesús timi Pedro:

—Iya' camihuo': A'i nica acaitsi taimenc'e'eco'ma li'e'epo' lixcay łopima. Cojouya lan caitsi ti'hua taimenc'e'eco'ma afanej nuxans quimbama', tijouła' ti'hua taimenc'e'eco'ma, aimi'iya moxhuj'meya.

23 'Micuxe LanDios cal Cuecaj Rey Nopa'a lema'a, ilque li'ejma' ti'onłcospa to li'ejma'

anuli cal cuecaj quincuxepa. Itque ixpic'epa ti'najtsi'itsola' limozó. ²⁴ Lipangopa li'najtsi'ipola' limozó, ate'a icuai'entsa anuli cal mozo xonca itaiyinge acueca'. ²⁵ Itque cal mozo aimi'iya mi'najtseya. Lipoujna, itque cal cuecaj quincuxepa, icuxe'ma ticuquintsa limozo. Jouc'a ticuquintsola' lipeno, linaxque', jahuay li'huexi. Toŀta'a ti'najtseco'ma litaiyinc'e. ²⁶ Cal mozo exc'onŀngai'ma, ixa'hue'ma lipoujna, timi: “Ti'ila' c'a lomunxajma'. Aŀ'huaicoŀa'. Ca'najtse'ena'mo' jahuay litaiyinc'ehuo'.” ²⁷ Łapoujna ixim'ma acuanuc' limozo. Imenc'e'ecopa litaiyinc'enni. Ux'mas'ma.

²⁸ 'Ipanni cal mozo limenc'e'ecompa litaiyinge. Italecuf'ma anuli li'as mozo. Itque itaiyinc'e huata. Cal mozo limenc'e'ecompa litaiyinge i'noŀ'ma li'as mozo. Ipango'ma ummit'te'e'ma łejoc', tija'e', timi: “¡Aŀ'najts'e'eŀa' laŀtaiyinc'e!” ²⁹ Li'as mozo exc'onŀngai'ma, tixahue'e, timi: “Ti'ila' c'a lomunxajma'. Aŀ'huaicoŀa'. Ca'najtse'ena'mo' jahuay litaiyinc'ehuo'.” ³⁰ Itque cal mozo aikuicuac'. I'hua'ma icuxe'ma titats'entsa, tipajntsi lacarza. Ticua: “Ma caŀtaiyinc'e tipajnla' jilpiya”.

³¹ 'Locuenaye lam mozó ixim'me li'i'ma. Ix-hueŀco'me. Iye'me u'itsa li'poujna jahuay li'i'ma. ³² Łapoujna, itque cal cuecaj quincuxepa, ijoc'i'ma cal mozo, itque limenc'e'ecompa litaiyinge, itale'ma, timi: “Ima' mixcay mozo. Ima' aŀsa'huepa, iya' nimenc'e'ecopo' lotaiyinge jahuay. ³³ Iya' aix-imp'o' uncuanuc'. Ima', ¿te aicoxina' cuanuc' łof'as mozo?” ³⁴ Łapoujna ixtuc'o'ma juaiconapa itque limozo. Icuxe'mola' ti'hua'anŀte pe lomana' lin'noŀale ti'noŀta, titeŀ'minna. Ma mi'hua mi-

taiyinge, ti'hua titeł'minna. ıTi'najtse'ela' jahuary litaiyinc'e!

³⁵ 'Imanc' jouc'a ja'ni aimolimenc'e'ecoyacola' nulemma lołpimaye li'e'epolhuo', toliya titeł'mi'molhuo' cai'Ailli' Nopa'a lema'a.

19

¹ Lijoupa lu'ipola' iłiya lataiqui', Jesús ipanni jilpe al distrito Galilea, i'hua'ma łamats' lopa'a locuenaj liju' al pana' Jordán. ² Axpela' lan xanuc' tihuejyi, jilpe ixal'me'mola'.

³ İcuaitsa lan xanuc' fariseo tehuaile. İcuis'e'me, timiyi:

—Cal xans, ja'ni lipeno tipa'a li'epa, ¿te tipa'a lane tecanai'ma ilque łaca'no'? O ¿aimi'ıya?

⁴ Jesús italai'e'e'mola', timila':

—¿Te aicołsuec' ile li'epa ŁanDios lilanc'epa li'a łamats'? İlanc'epola' oquexi', anuli cal xans anuli łaca'no'. ⁵ Lijoupa lilanc'epola' ilne loquexi', ŁanDios uya'a'ma: “Cal xans tipo'no'mola' quıttuca' qui'ailli' qui'máma', tileco'ma lipeno. Ti'e'e'mołtsi anuli.” ⁶ Ai'a tileco'mołtsi timana' oquexi'. Lijou'ma i'i'mola' anuli. ŁanDios tołta'a ejonłipola'. İmanc' unc'ixanuc', aimonlanaj'mola'.

⁷ Lan xanuc' fariseo icuis'e'me, timiyi:

—Moisés inesco'ma: “Cal xans tinił'ma al je'e lacanaicoya lipeno, tijoułta' ti'i'ma tecanai'ma”. Ja'ni cal xans aimi'ıya mecanaiya lipeno, ¿te quinescopa tołta'a Moisés?

⁸ Jesús italai'e'e'mola', timila':

—Moisés iximpolhuo' imanc' lołpicuejma'. İmanc' unc'incuejlocale. Tołta'a epi'ıpa lane cal

xans tecanaiła' lipeno. Al te'a a'i tołta'a licuxepola' ŁanDios.

⁹ 'Iya' camilhuo', cal xans aimi'iya mecanaiya lipeno. Tipa'a lane tecanaiła' ma le'a ja'ni łaca'no' ihuejpa ocuena' cal xans. Ja'ni a'i, aimi'iya mecanaiya. Cal xans necanaipa lipeno, ja'ni ile-copa ocuenaj caca'no', itque cal xans i'epa lixcay, titai'ma lijunac'.

¹⁰ Ts'ilihuequi Jesús timiyi:

—Ja'ni tołta'a cal xans aimi'iya mecanaiya lipeno, xonca ac'a loyaicoya cal xans ja'ni aimilecoya caca'no'.

¹¹ Jesús timila':

—A'i jahuay lan xanuc' mi'iya mepenufyacu ile lataiqui' lołnescopa. Tepenuf'me ilne lan xanuc' joupa lepi'ipola' tołta'a liłpicuejma' ŁanDios.

¹² 'Timana' ilne aimilecoyi caca'no', tołta'a liłsans. Ocuenaye, lił'as xanuc' i'e'empola', tołta'a aimi'iya milecoyacu caca'no'. Jouc'a timana' ilniya quilituca' ixpic'epá aimileco'me caca'no', inespá: “Capajm'ma caituca'. Tołta'a xonca ca'e'ma lipenic' ŁanDios cal Cuecaj Rey Nopa'a lema'a.”

'Naitsi ti'i'ma tepenuf'ma ilta'a lataiqui', ne', tepenufla'.

¹³ Icuai'entsola' la'uhuay pe lopa'a Jesús. Ticuayi tixpayaf'tsola' Jesús limane liłjuac la'uhuay, tixa'huela' ŁanDios titoc'itsola'. Ts'ilihuequi ixtulencia, italem'mola' ilniya nocuai'espá liłnaxque'.

¹⁴ Jesús timila':

—Tolapi'itsola' lane tiyouyunca la'uhuay pe laifpa'a. Aimolcuanac'e'mola'. Pe lo'onłcospola' to

ihna'a la'uhuay, ihne linca titsuflai'me pe locuxeyopa cal Cuecaj Rey Nopa'a lema'a.

¹⁵ Ixpayaf'mola' limane. Lijou'ma ti'hua tuyaipa.

¹⁶ Anuli cal xans icuaitsi pe lopa'a Jesús, icuis'e'ma, timi:

—Momxi, aipic'a culijla' al ts'e laipitine pe aimijouya. ¿Tej c'a caif'eya?

¹⁷ Jesús italai'e'e'ma, timi:

—Ima', ¿te calicuis'ecopa te ts'i'ic' al c'a? Anuli ma le'a cal C'a, itque ËanDios. Ja'ni totsufai'ma pe lofmepenufya al ts'e lopitine aimijouya, taihuejcola' locuxepa ËanDios.

¹⁸ Cal xans icuis'e'ma, timi:

—Ihne ðataiquí loya'apa locuxepa ËanDios, ¿jale ihc caifnihuejcoya?

Jesús timi:

—“Aimoma'ahuale'ma. Aimoxhuico'ma lipeno lof'as xans, ma le'a quituca' loopeno toxhuico'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma.
¹⁹ Taihuejco'mola' co'ailli', co'máma', totoc'i'mola'. Ima' to'eyoxi capic'a, ma tohta'a to'ela' capic'a lof'as xans, naitsi loftalecufya.”

²⁰ Ëamijcano timi:

—Lahtojyomma ihc ðataiqui' canant'hi, ti'hua canant'hi. ¿Te calahue'epa?

²¹ Jesús timi:

—Ja'ni ma tanant'hi'ma locuxepa ËanDios, to'huanla', tocujsi lo'huexi, iliya al tomí lofmulijya tapi'itsola' lan xanuc' pe ailopa'a quil'hueca. Tohta'a ti'i'ma acueca' lo'huexi jipu'hua lema'a. To'ela' ma to laifmipo', tijoula' topaiconanni, lihuejla'.

22 Licuej'ma jiliya lataiqui', lamijcano ihuotsonni, i'hueca juaiconapa li'huexi. I'huana'ma.

23 Jesús timila' ts'ilihuequi:

—Iya' camilhuo' al linca: Cal xans ts'i'hueca acueca' tixim'ma ipime mitsufaiya pe locuxeyopa ÆanDios cal Cuecaj Rey Nopa'a lema'a.

24 'Ticuanni: “Cal camello, ilque inneja juaiconapa acueca', jilquiya aimi'ya muyaicoya laquipihuo lacuxa”. Iya' camilhuo' ocuenaj cataiqui': Xonca ipime cal xans ts'i'hueca acueca' mitsufaiya pe locuxeyopa ÆanDios.

25 Licuej'me iliya lataiqui' ts'ilihuequi Jesús juaiconapa ixpailij'mola'. Timiyoltsi, icuis'e'moltsi:

—¿Te calmicoponga' tohta'a? Aicalcueca. ¿Te ailopa'a conhuaya?

26 Jesús ehuelojm'mola', timila':

—Lan xanuc' quiltuca' aimi'ya munhu'eyacoltsi. ÆanDios linca nipajnya tunhu'e'mola'. Nipajnya ti'e'ma jahuay.

27 Pedro italai'e'e'ma, timi Jesús:

—¡Toxinla'! Illanc' alpo'nopá jahuay la'huexi, li-huejnahuo'. ¿Te calapi'inyaconga'?

28 Jesús timila':

—Iya' camilhuo' al linca. Ticuaihuo litine jahuay tipaico'ma, ti'i'ma al ts'e. Iya' ilque cal Xans Æiximpa cal profeta pu'hua lema'a. Cacutsai'ma laicuecaj asiento, cacuxena'ma to ÆanDios. Jilpe ti'i'mola' locuenaye limbamaj coque' lan cuecaj asiento. Jilpe tolcutsolaita imanc' ts'alihuequi. Tołspijta cataiqui', tolcuxe'mola' lołpimaye ilne jouc'a liłxanuc' limbamaj coquexi' linaxque' Israel.

29 'Cal xans ninespa: "Iya' quihuej'ma Jesús", ja'ni ux'maspola' lejut'ŧ o lipimaye, o qui'ailli' o qui'máma', o linaxque' o ľemats', iŧque cal xans tulij'ma xonca axpela' iŧna'a, jouc'a tulij'ma al ts'e lipitine aimijouya.

30 'Itsiya timana' lan xanuc' tocommma xonca lan tet'ľa. Locuaicoya quitine axpela' iŧniya ti'i'mola' lijoucola'. Jouc'a itsiya timana' iŧne tocommma lijoucola'. Locuaicoya quitine axpela' iŧniya ti'i'mola' lan tet'ľa.

20

1 'Toŧta'a micuxe ŁanDios, iŧque cal Cuecaj Rey Nopa'a lema'a. Iŧque li'ejma' ti'onŧcospa to li'ejma' anuli cal xans ehue'mola' no'eyacu canic'. Iŧque cal xans apoujna, tipa'a ľemats', ifapa cal 'uva. Li'i'ma quitine ipanni, ixim'mola' lan xanuc' tehueyi quitpenic'. 2 Imi'mola': "Ca'najtse'molhuo' to muliqui anuli litine cal xans no'epa canic". Umme'mola' ti'etsa canic' jilpiya pe lifayiya li'uva.

3 'Joupa uyaipa ma to afanej 'hora ipaiconanni. Ixim'mola' ocuenaye tecaxoľanna locucaleyompa. Tecaxoľanna le'a, ailopa'a quitpenic'.

4 Timila': "Imanc' jouc'a tonŧe, tonŧ'etsa canic' jilpiya pe ľaifapa ľai'uva. Iya' ca'najtse'molhuo' to mi'najtsenni." Iye'me.

5 'Al menac'o ipaiconanni ľapoujna, jouc'a ipaiconanni mexailma cal 'ora. Ixim'mola' no'eyacu canic', imipola' jouc'a: "Ca'najtse'molhuo' to mi'najtsenni".

6 'Tehue'e anulij hora tif'acai'ma cal 'ora. Ipaiconanni. Ixim'mola' ocuenaye tecaxoľanna. Icuise'mola', timila': "Imanc' tunlacaxoľanna fa'a

jahuay litine. ¿Ailopa'a colpenic'?" ⁷ Italai'e'e'me, timiyi: "Nij naitsi nalmpionga': To'eta canic'." Lapoujna timila': "Jouc'a imanc' tonlete, ton'etsa canic' jilpiya lifafiya lai'uva. Ca'najtse'molhuo' to mi'najtsenni."

⁸ Joupa if'acolaipa. Lapoujna camats' petsi lifafiya li'uva, ijoc'i'ma nocuxepola' lam mozó, timi: "To-joc'itsola' no'epá canic'. Al'najtse'mola', lapi'i'mola' quitomí. Lijoucola' al'najtse'mola' ate'a, lan tet'la al'najtse'mola' tijouco'ma."

⁹ Icuaiyunca iñe nitsuflaipá lanic' ma mehue'e anulij hora tif'acai'ma cal 'ora, i'epá canic' le'a anulij hora. I'najtse'mola', epi'i'mola' to lo'najtsempa no'epá canic' anuli litine.

¹⁰ 'Lijou'ma icuaiyunca lan tet'la. Iñiya ticuayi: "Xonca al'najtse'monga". I'najtse'mola' to lepi'ipola' lijoucola'. ¹¹ Lepenuf'me liñtomí ai-quetenlcoco'mola'. Timiyi lapoujna: ¹² "Illanc' xonca lulijle. Al'epá canic' jahuay litine. Al'snet'lpá linu'. Iñiya lijoucola' i'epá canic' ma le'a anulij hora, o'najtsepola' ma to lalulijpa illanc'." ¹³ Lapoujna italai'e'e'ma anuli jilme lan tet'la, timi: "Maipima, aicafel'mihuo'. Aimipo': To'huala', to'etsi canic'. Ca'najtse'mo' to muliqui anuli litine cal xans no'epa canic'. Ima' almpipa: Ne', ai'huapa. Ca'eta canic'. ¹⁴ Tapenufla' lotomí, to'huanla' lomejut'. Joupa ai'epa iñe laixpic'epa. Ai'najtsepa hijoujma ma to lai'najtsepo' ima'. ¹⁵ ¿Te iya' aimi'ya caxpic'eya te ts'i'ic' caxhuicoya laitomí? O, iñe laif'epa al c'a, ¿te ima' al'e'e laic'?"

¹⁶ To'ta'a lo'iya. Lijoucola' ti'i'mola' lan tet'la, lan tet'la ti'i'mola' lijoucola'.

17 Jesús tiyeyi lane jouc'a ts'ilihuequi, ticuaita al cuecaj quiŷya' Jerusalén. Miyeyi lane Jesús ileco'mola' limbamaj coquexi' ts'ilihuequi, ipalaic'o'mola' quiltuca', timila':

18 —Itsiya al'ajlijyi liŷya' Jerusalén. Iya' itque cal Xans Liximpa cal profeta pu'hua lema'a. Jiŷpiya liŷya' Jerusalén alcunna. Ine lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, al'eta to mixpic'e liŷpicuejma', alcuxecota al'ma'anla'. 19 Alcunna, altaluntseta, luntafquinna quixmi laixpula' inel lan xanuc' pe aimimetsaicoyi LanDios. Tijoula' lapalts'ijnta lancruz, al'ma'ata. Afane' quitine camaf'ina'ma, quipayonahuo pe lomana' lamizhua.

20 Icuaitsi quiŷ'máma' Jacobo y Juan, inel inaxque' Zebedeo. Quiŷ'máma' ilecola' loquexi', exc'onlingai'ma Jesús, tixa'hue'ma. 21 Jesús timi laca'no':

—¿Te ts'opic'a?

Laca'no' timi:

—Aipic'a tapi'itsola' lainaxque' quiŷpenic'. Ima' tocuxe'ma to cal Cuecaj Rey. Ticuxete jouc'a inel na'a. Anuli ticutsai'ma al c'a camane, locuena ticutsai'ma loxa camane.

22 Jesús ipalaic'o'mola' loquexi' lapimaye, timila':

—Imanc' aimolcuejyi te ts'i'ic' ile lalsahue'epa. ¿Te nipajnya toŷteŷco'me ma to iya' cateŷco'ma? ¿Te nipajnya toŷsnet'l'me lateŷcoya?

Timiyi:

—Nipajnya.

23 Jesús timila':

—Ma to iya' laiftełcoya, ma tołta'a imanc' tołtełco'me. Iya' aimi'iya camiyacolhuo': "Ałcutsingaił'a, ima' al c'a camane, łopima loxa camane". Aimi'iya caxpic'eya tołta'a. Cai'Ailli' joupa ixpic'epa naitsi iłne nocutsołaiyacu jilpe. Tołta'a tepi'i'mola' iłniya.

²⁴ Locuenaye limbamaj ts'ilihuequi Jesús iłsina' iłe loxahue'epa Jacobo y Juan. Ixtuc'om'mola' iłne loquexi' lapimaye. ²⁵ Jesús ijoc'i'mola' jahuary iłniya ts'ilihuequi, timila':

—Imanc' ołsina' lo'ipa jilpiya petsi lan xanuc' aimimetsaicoyi ŁanDios. Lilpincuxepá ti'e'eyołtsi to jipu'hua quilpoujnalá, lan tsila' quilpenic' ticux-enai'ennila' juaiconapa. ²⁶ Imanc', aimonł'e'me tołta'a. Ja'ni anuli imanc' tixpic'e ti'e'exoxi cal cueca', iłque titoc'itsola' lipimaye. ²⁷ Ja'ni anuli imanc' tixpic'e ti'e'exoxi cal te'a, iłque ti'e'exoxi to cal mozo. ²⁸ Iya' iłque cal Xans Łiximpa cal profeta pu'hua lema'a. Imanc' tonł'ełe to laif'epa. Iya' aicuaicoco'ma jifa'a li'a łamats' catoc'itsola' lan xanuc'. Aicainesqui: Ałtoc'ila' iya'. Aicuaicoco'ma cacuła' laipitine, ca'najtseł'a liłjunac' axpela' lan xanuc', cunłu'etsola'.

²⁹ Jesús jouc'a ts'ilihuequi ipalunca jilpe liłya' Jericó. Ihuej'me axpela' lan xanuc'. ³⁰ Jilpe liju' cane ticutsołanna oquexi' lam fohue. Icuej'me tuyaipa Jesús. Ija'a'me, timiyi:

—¡Mał'ailli', ima' łacui'impo' i'Hua cal rey David, ałsintsonga' ninc'icuanuc'la!

³¹ Lan xanuc' ixtulencia. Timinnila' lam fohue:

—¡Ti-ch'ixcotsolhuo'!

Iłniya ti'hua tija'ayi, timiyi:

—¡Ma! ailli', ima' łacui'impo' i'Hua cal rey David, altsintsonga' ninc'icuanuc'la!

³² Jesús ecaxhuenni, ijoc'i'mola' lam fohue, timila':

—¿Te ts'olpic'a? ¿Te caif'e'eyacolhuo'?

³³ Timiyi:

—Ma! ailli', jalaxi'enatsonga' la!u'! ¡Alahuetsalele!

³⁴ Jesús ixim'mola' acuanuc'la juaiconapa. Hafc'e'mola' li'u'. Aiquico!ma, ehuetzalena'me. Ihuej'me Jesús.

21

¹ Icuaitsa li!ya' Betfage jilpiya lijuala cuftine Lijuala Olivo. Jerusalén ahuejnca. Jesús umme'mola' oquexi' ts'ilihuequi. ² Timila':

—Ton!ete li!ya' lehuoc'ocojma. To!tsuflaitsa, to!sinna tifijnya anuli łacaca'no' burro, jouc'a hi'hua tecaxijnya liju'. Toluhua!ta łaca'no' burro, a!hec'me'etsi jouc'a hi'hua. ³ Ja'ni tinanc'ontsolhuo', to!talai'eta, to!mita: “Łilpoujna ipicuicoya. Tijou!a' tixhuicotsi ticuai'enacola', aimico!ya.”

⁴ Ti'ila' to!ta'a tenan!ma locuapa cal profeta, i!que luya'apa linespa ŁanDios, ticua:

⁵ Tomitsola' lan xanuc' nomana' li!ya' Sión:

“¡To!sin!e! Icuai'ma fa'a łolRey. I!que amaxu, enaf'caic' cal burro, i'hua linneja lintai!pa caitay.”

⁶ Iye'me ts'ilihuequi. I'e'me to lixc'ai'i'mola' Jesús. ⁷ Ilecotsa łaca'no' burro jouc'a hi'hua. Ixpef'i'me li!puquiya łaca'hua burro. Jesús enaf'cai'ma. ⁸ Axpela' lan xanuc' ixpou'me lane li!puquiya. Ocuenaye etej'me limane' cal 'ec' ixpou'me lane jilpe pe loyaicoya Jesús. ⁹ Lanxpela'

ts'ihøjme, jouc'a lanxpela' ts'ihenc'e tija'ayi ma' anuli timiyi:

—¡Hosana! ¡ŁanDios tunŁu'ematso'! Ima' łacui'imp'o' i'Hua cal rey David. Joupa lu'iponga' tocuaihuo ima', alminga' ma ŁanDios łalPoujna tummeto'. Itsiya ocuai'ma. ¡Ats'najtsi'ihuo' juaiconapa! Ihe nomana' lema'a xonca al toncay tinesle: ¡Hosana! ¡ŁanDios tunŁu'ematso'!

¹⁰ Jesús itsufai'ma Jerusalén. Jilpiya jahuay lan xanuc' tipailoyi, ticuitsufyi:

—¿Naitsi ilca'a?

¹¹ Lihøjmale Jesús italai'enca, timinnila':

—Ilca'a cal profeta Jesús, qui'huayomma liŁya' Nazaret, jilpe al distrito Galilea.

¹² Jesús itsufai'ma pe lopa'a al cuecaj xoute'. Ihuescuf'mola' jahuay ihniya no'najualepá jouc'a nocualepá nomana' jilpe. Ejualaif'e'e'mola' liłmesa pe nopai'ipaj tomí, jouc'a liłbanco nocujpá paloma. ¹³ Timila':

—Al Paxi Liniligiya tuya'e': “Lainejut'ł tecui'im'me: Lajut'ł petsi lan xanuc' tipalaic'oyo'me ŁanDios”, itsiya imanc' toł'onlicoyi ilta'a lajut'ł to jipu'hua lafoŁyomma lan namats'.

¹⁴ Mipa'a Jesús jilpe pe lopa'a al cuecaj xoute' icuaitsa lam fohue, jouc'a lan coxo, ixał'mena'mola'. ¹⁵ Jilpe timana' la'uhuy tija'ayi, timiyi Jesús: “¡Hosana! ¡ŁanDios tunŁu'ematso'! Ima' łacui'imp'o' i'Hua cal rey David.”

Lixanuc' cal cuecaj ca'ailli' jouc'a lomxiye no-muc'iyalepá locuxepa ŁanDios ixim'me acueca' lo'epa Jesús, iquimf'e'me la'uhuy noja'apá, ixtulenca. ¹⁶ Itale'me Jesús, timiyi:

—¿Te ima' aimocueca locuapa jilnu'hua la'uhuay?

Jesús italai'e'e'mola', timila':

—Cacueca. Imanc', ¿te aicoɬsuec' al Paxi Linilingiya loya'apa? Ticua:

Ihniya la'uhuay jouc'a lan tsoçay notupá, ima' ManDios ocuxe'epola' tunac'cotso'.

¹⁷ Jesús ipo'no'mola' quiltuca'. Ipanni jilpe liɬya'. I'hua'ma liɬya' Betania. Jilpe ipanenni lipuqui'.

¹⁸ Liɬic'ejma ipaiconanni, i'huacona'ma Jerusalén. Mi'hua lane tunle'e. ¹⁹ Ixim'ma anuli al 'ec icux jilpe liju' cane. Hoc'huai'ma. Ixim'ma alilopa'a qui'as, pangay quipela. Timi al 'ec icux:

—Aimi'ascona'mo'.

Aiquicoɬ'ma, al 'ec icux ijuɬna'ma. ²⁰ Ts'ilihuequi Jesús lixim'me jilte al 'ec icux, timiyi:

—¡Xinɬa'! Jilɬiya al 'ec icux aiquicoli, joupa ijuɬnapa. ¿Te qui'ipa?

²¹ Jesús timila':

—Iya' camilhuo' al linca: Imanc' ja'ni aimoɬnesyi: “¿Te ti'i'ma o aimi'iya?”, ja'ni toɬ'huaiyijnle LanDios, jouc'a nipajnya tonɬ'e'me to lai'e'epa al 'ec icux. Xonca al cueca' tonɬ'e'me. Ja'ni toɬmi'me iɬca'a lijuala: “To'huanɬa', to'nij'mixoxi ɬaja”, ma toɬta'a ti'i'ma. ²² Moɬjoc'iyi LanDios ja'ni toɬ'huaiyijnle, jahuay loɬxahue'epa tepi'im'molhuo'.

²³ Jesús itsufaicona'ma pe lopa'a al cuecaj xoute'. Mimuc'ila' lan xanuc' icuaitsa lixanuc' cal cuecaj ca'ailli' jouc'a lan tsilaj xanuc' noxpipjá lataiqui'. Icuis'e'me, timiyi:

—¿Naitsi nepi'ipo' lomane toɬta'a to'e'ma? ¿Naitsi nummepo'?

²⁴ Jesús italai'e'e'mola', timila':

—Iya' jouc'a tipa'a laifnicuis'e'eyacolhuo'. Ahtalai'e'la', tijoula' cu'i'molhuo' naitsi nalapi'ipa laimane ca'e'la' to'la'a laif'epa. ²⁵ ¿Naitsi nummepa Juan tepo'itsola' lan xanuc'? ¿Te LanDios o cal xans nummepa?

Ihne ipalaic'o'mo'ltsi quilituca', timiyoltsi:

—¿Te calmiyacu? Ja'ni a'hmite: “LanDios ummepa”, ihque alicuis'e'monga', a'hmimonga': “Imanc' ¿te aicolapenufi?” ²⁶ Ja'ni a'hmite: “Cal xans nummepa”, tixtulecu lan xanuc'. Jahuay ticuayi Juan aprofeta, LanDios ummepa.

²⁷ Timiyi Jesús:

—Illanc' aica'sina'.

Jesús timila':

—Iya' jouc'a aicu'iyacolhuo' naitsi nalapi'ipa laimane ca'e'la' to'la'a.

²⁸ 'Imanc' alquimf'e'la' laifnu'iyacolhuo'. Tijoula' alu'ila' te colcuayacu.

'Anuli cal xans timana' oquexi' linaxque'. I'hua'ma pe lopa'a cal te'a qui'hua, timi: “Mai'hua, itsiya to'huala' to'etsi canic' jilpe lainemats' pe laifapa lai'uva”. ²⁹ “A'i, aica'huaya”, timi. Lijou'ma lixhuej'menni, i'hua'ma i'etsi canic'.

³⁰ 'Qui'ailli' i'hua'ma pe lopa'a locuena qui'hua, ma' anuli lataiqui' imitsi. Ihque italai'e'ma: “Ne', mai'ailli', ai'huapa”. Aiqui'huac'.

³¹ 'Itsiya lu'ila', ihne loquexi' linaxque' cal xans, ¿naitsi ni'e'ma licuxe'epola' qui'ailli'?

Italai'e'e'me, timiyi:

—Cal te'a.

Jesús timila':

—Iya' camilhuo' al linca. Itsiya timana' lan xanuc' jouc'a laca'no' tuliquilhuo' imanc'. Ihniya

lan xanuc' lin'najtsi'iyale jouc'a lacał'no' notepá liłcuerpo, małniya tihuejconayi ŁanDios, titsuflaiyi petsi locuxeyopa cal Cuecaj Rey Nopa'a lema'a.

³² 'Icuai'ma Juan Bautista imuci'i'molhuo' al c'a lane, aicolapenufi imanc'. Lin'najtsi'iyale jouc'a lacał'no' notepá liłcuerpo, iłniya linca epen-ufpá. Imanc' ołsimpola' iłnu'hua iłsuej'menammas, aimołsuej'memmas, aicolapenufi Juan.

³³ 'Ałquimf'eta'. Ca'onlıcoconama lo'epa ŁanDios fa'a li'a lamats'.

'Anuli cal xans lipoujna camats', ifapa cal 'uva. Eti'icopa apic. Ipupa pe lotsuj'miyacu, loxoc'eyonyacu lan 'uva, tipa'a'me laquija'. Lijou'ma ilanc'e'ma anuli litoqui cajut'ł, jilpe tipajm'ma no'epa cuenna łamats'. Lijou'ma icu'ma łemats', epi'i'mola' lan xanuc' ti'ełe canic'. Łaipammaiya tepi'im'me onłca. Lijou'ma i'hua'ma aculi' camats'.

³⁴ Joupa tixpinaf'quiya litine timaj'ma lan 'uva. Łapoujna umme'mola' limozó pe lomana' no'epá canic', titaita ło'iya onłca. ³⁵ Iłniya no'epá canic' i'noł'e'e'me lummepola'. Untaf'me anuli, ocuena ima'a'me, łocuena ipa'me capic, ima'a'me.

³⁶ 'Lijou'ma łapoujna ummeconama' ocuena' xonca axpela'. Iye'me pe lomana' no'epá canic', i'econame ma' anuli.

³⁷ 'Lijouco'ma umme'ma li'hua. Ticua: "Iłca'a ai'hua. Linca tixpaic'eta."

³⁸ 'No'epá canic' lixim'me icuaico'ma li'hua łapoujna camats' timiyoltsi: "Iłca'a tulij'ma jahuy łemats' qui'ailli', iłque łapoujna camats'. jŁepá! jAłma'ata! Iłque łamats' tipanenno, alulijna'me

illanc'." 39 I'noł'me, eca'ni'me lixpula' leti'icoya łamats' pe lifaiyiya 'uva, ima'a'me.

40 'Ticuaiyunni lipoujna camats' petsi lifaiyiya 'uva, ¿te co'e'eyacola' iłne no'epá canic'?

41 Timiyi:

—Tima'atola', tijou'netola' nulemma iłniya lixcay xanuc'. Lemats' joupa ifaiyiya cal 'uva, tepi'i'mola' ocuenaye xanuc', tixhuico'me łamats', tepi'i'me ło'iyá onłca łaipammaiya.

42 Jesús timila':

—Imanc', ¿te aicołsuec' te loya'apa al Paxi Linilingiya? Iłe tuya'e':

Łapic łetets'ipa nolanc'epá lajut'ł joupa i'ipa xonca łaicuicoya.

Iłque łapic xonca tilanc'e łaitał, aimecangeya lajut'ł.

ŁanDios łatPoujna iłta'a łecuej'micopa.

Illanc' ałsinyi acueca' iłe li'ipa.

43 Camilhuo': Linca ŁanDios joupa epi'ipolhuo' lołpenic', icuxe'epolhuo' toluya'ałe: "Małque ŁanDios cal Cuecaj Rey ticuxela' lan xanuc'". Itsiya texic'e'molhuo' iłe lołpenic'. Aimołtsuflaiyacu pe locuxeyopa ŁanDios, iłque Nopa'a lema'a. Iłe lołpenic' tepi'i'mola' locuenaye. Iłniya linca tenant'hi'me iłe łataiqui' locuxe'eyacola'.

44'Cal xans ja'ni tixc'uałaf'caitsi, tecanaf'caitsi cal Cuecaj Capic, iłque cal xans tixquelequehuo. Ja'ni Łapic tecangenni tetof'caitsi cal xans, iłque cal xans tuxpats'i'ma nulemma.

45 Tołta'a i'onłico'ma Jesús lo'epa ŁanDios. Licuej'me iłiya łitaiqui' lixanuc' cal cuecaj ca'ailli' jouc'a lan xanuc' fariseo i'i'ma quilsina' Jesús ma tinescola'. 46 Ehuepá te co'iyá mi'nołyacu.

Aiquil'nohi. Tixpaic'ennila' lan xanuc', iñe ticuayi:
 “Jesús aprofeta. LanDios ummepa”.

22

¹ Jesús ti'hua ti'onlijma. Timila':

²—LanDios cal Cuecaj Rey Nopa'a lema'a, licuxe-
 jma ti'onlɔcospa to li'ejma' anuli cal cuecaj quincux-
 epa nopa'a fa'a li'a lamats'.

'Litine lemane'ma hi'hua, hincuxepa icuxe'ma
 imac'ot'lem'me lotejacu al juic. ³ Umme'mola'
 limozó iye'me tilecontsola' lijoc'ipola'. Iñiya
 lijoc'ipola' aiquilɔcuac', aiquicuaiyunca al juic.

⁴ 'Ummecona'mola' locuenaye limozó. Tim-
 ila': “Tonlele, toñecotsola' laijoc'ipola'. Tolu'itsola':
 Joupa ima'ampola' laihuacax jouc'a locuenaye lin-
 neja lifujmpola'. Aimac'epa laitejacu. Ailopa'a
 cahue'epa. Tonlouyunca al juic temane'ma lai'hua.”

⁵ Iñiya lijoc'ipola' aiquilɔcuca. Iyena'me ocuena
 cane. Anuli i'hua'ma ixintsi lemats'. Locuena
 i'hua'ma petsi locucaleyopa. ⁶ Locuenaye
 i'noñ'e'e'me limozó hincuxepa, ixcai'em'mola',
 ima'am'mola'.

⁷ 'Lincuxepa ixtuc'o'mola'. Umme'mola' lisoldado
 tima'antsola' iñe linma'ahuale, tipi'entsa liñcuecaj
 quilya'. ⁸ Timila' limozó: “Joupa imacolpa laitejacu
 lijuic lamaneya lai'hua. Laijoc'ipola' joupa imu-
 jpołtsi a'ijc'a xanuc'. Etets'ipá laitejua'. Aiquilɔcuaiya.
⁹ Itsiya tonlele lotalejmaleyopa laneya. Jahuay lan
 xanuc' lošinyacola' tołjoc'itsola', tołmitsola': Lepá
 lejut'ñ hincuxepa, ti'i juic, temane'ma hi'hua.”

¹⁰ 'Lam mozó ipalunca ipa'netsa laneya.
 Efot'lem'mola' iñe lixinim'mola', ja'ni lan c'a

xanuc', ja'ni lixcay xanuc', ma' anuli efot'lem'mola'. Lajut'limantsi xanuc'.

¹¹ 'Itsufai'ma lincuxepa tixinguftsola' ilne notet-sopá jilpiya. Ixim'ma anuli cal xans a'i quetejy-oxi, aiquipo'nohuo al ts'e lipijahua' to liipo'nohuo ilne nomana' jilpe al juic łamanepa. ¹² Icuis'e'ma, timi: "Maipima, aicopo'nohuo al ts'e lopijahua' to liipo'nohuo ilne nomana' fa'a al juic. ¿Te qui'ipa lotsufaiyumma fa'a?" Cal xans aiquitalai'e. Ailopa'a quitaiqui'. ¹³ Lincuxepa ijoc'i'mola' limozó no'huapá pime małpe al juic. Timila': "Ilque cal xans tołfi'ełe limane li'mitsi'. Tolaca'nitsa jipu'hua al muf. Jilpe lan xanuc' tijolijta, ti'ilc'ta li'ay."

¹⁴ 'Linca, axpela' lijoc'impola', ahuata li'huijf'empola'.

¹⁵ Iye'me lam fariseo. Ixplic'e'me te co'iya mi'nołyacu Jesús. Timiyoltsi:

—Licuis'e'me, ałtalai'e'monga', tołta'a ałcufta.

¹⁶ Ummem'mola' liyejmalepá. Jouc'a iye'me lix-anuc' cal rey Herodes. Icuaitsa pe lopa'a Jesús, timiyi:

—Momxi, ałsina' ima' tocua al linca, a'i ma le'a metenłcoyacola' lan xanuc'. Tomuc'iyale lipene ŁanDios. Ma' anuli topalaic'ola' jahuay. Aimahuelongila' ja'ni ts'il'hueca o aiquil'hueca. ¹⁷ Itsiya lu'itsonga'. ¿Te cofcuapa? ¿Te ał'najtse'me cal cuecaj quincuxepa César? ¿Ałcu'me al tomí lałsahue'eponga'? o ¿aimałcuyacu? ¿Nipajnya o aimi'iya?

¹⁸ Jesús imetsaico'mola' ixcay liłpicuejma', timila':

—¡Imanc' cunc'infel'miyale! ¿Te calmicuapa tołta'a? Aixina' le'a lahuaijma. ¹⁹ Almuc'ita' anuli al tomí lołcuyacu.

Imuc'i'me al tomí. ²⁰ Icuís'e'mola', timila':

—¿Naitsi itca'a ts'i'a? ¿Naitsi itta'a ts'ipuftine?

²¹ Ihniya italai'e'e'me, timiyi:

—Li'a César, lipuftine César.

Timila':

—Ja'ni i'huexi César, tonlapi'ile César; ja'ni i'huexi LanDios, tonlapi'ile LanDios.

²² Licuej'me tołta'a ihniya icuapá:

—¡Xinła'! Itque Jesús acueca' lipicuejma'.

Ipo'no'me quituca', iyena'me.

²³ Małe litine lan xanuc' saduceo icuaitsa pe lopa'a Jesús. Ihniya lan xanuc' saduceo ticuayi: “Lan xanuc' timala' anulemma, aimimaf'iconayacu”. Ihniya tehuaiyi Jesús, ticuís'eyi, ²⁴ timiyi:

—Momxi, Moisés uya'apa: “Timala' cal xans ja'ni ailopa'a qui'hua, himanapa lipima tileco'ma hi'maxi. Tipajntsi cal te'a quił'hua, itque tecui'i'me to lipuftyne himapa. Ti'i'ma ma to qui'hua himapa, hi'huexi himapa tulij'ma.”

²⁵ 'Illanc' alimetsaicola' acaitsi lapimaye. Cal te'a emanepa, imapa, aikuixina' qui'hua. Himapa lipima ileco'ma hi'maxi. ²⁶ Ma to li'ipa cal te'a, ma tołta'a li'ipa lipima, jouc'a tołta'a li'ipa łocuena. Ma' anuli li'i'mola' lan caitsi. ²⁷ Lijou'ma imana'ma łaca'no'.

²⁸ Lan caitsi capimaye ilecopá anuli łaca'no'. Ticuaitsi litine timaf'iconłe limanapola', ¿naitsi co'iya lipe'ailli' łaca'no'?

²⁹ Jesús italai'e'e'mola', timila':

—Imanc' timenaquilhuc'. Aicołsina' loya'apa al Paxi Linilingiya, aicolimetsaijma al cueca' lo'epa ŁanDios.

³⁰ 'Jilpe litine timaf'inle limanapola', aimemalliyacu, ni lan xanuc' ni lacał'no'. Ti'onłcotola' to lapaluc' quema'a. ³¹ Imanc' tołcuayi aimimaf'iyacu limanapola'. ¿Te aicołsuec' lomipolhuo' ŁanDios jilpe Lipaxi Linilingiya? Jilpe tuya'e': ³² “Iya' NanDios, ilenDios Abraham, Isaac, Jacob”. Ja'ni anulemma imanapola' Abraham, Isaac, Jacob, ŁanDios aiminesya: “Iya' ilenDios iłniya”. ŁanDios ilenDios ts'ılmafi', a'i limanapola' nulemma.

³³ Licuej'me jiliya licua'ma Jesús, lan xanuc' ticuayi:

—ıXinła'! Acueca' litaiqui' lomuc'iyalepa itque Jesús.

³⁴ Lan xanuc' fariseo icuej'me Jesús i-ch'ixc'epola' lan xanuc' saduceo. Lijou'ma, lam fariseo efot'le'mołtsi, iye'me pe lopa'a Jesús. ³⁵ Anuli iłniya, itque łomxi nomuc'iyalepa locuxepa ŁanDios, ehuał'ma Jesús, icuis'e'ma, timi:

³⁶ —Momxi, jilpe litaiqui' locuxepa ŁanDios, ¿te t'le cataiqui' xonca al cueca'?

³⁷ Jesús italai'e'e'ma, timi:

—“To'nujuaisla' ŁanDios łoPoujna, itque omenDios. Taihuejla' jahuay łomunxajma', jahuay ło'alma, jahuay łopicuejma'.” ³⁸ Tołta'a loya'apa al te'a litaiqui', iłiya xonca al cueca' cataiqui' locuxepa ŁanDios. ³⁹ Locuena lataiqui' lihuequi ma' anuli ti'onłspa, ticua: “Ima' to'eyoxi capic'a. Ma tołta'a to'ela' capic'a łof'as xans, naitsi łoftalecufya.” ⁴⁰ Ja'ni tolihuejcoyi jilta'a loque'

lataiquí, linca tolanant'iyi jahuay locuxepa ÆanDios, jahuay linespa lam profeta.

⁴¹ Mefot'leyoŋtsi jilpe lan xanuc' fariseo, ⁴² Jesús icuis'e'mola', timila':

—Imanc', ¿te coŋcuapa? Cal Cristo, ¿naitsi litatahuelo?

Ihniya italai'e'e'me, timiyi:

—David itatahuelo cal Cristo.

⁴³ Jesús timila':

—Maŋque David inescopa cal Cristo, ticua "... ÆaiPoujna". Ja'ni David itatahuelo cal Cristo, ¿te quinescopa toŋta'a? Cal Espíritu Santo icuxe'epa toŋta'a licuapa, luya'apa, ticua:

⁴⁴ ÆanDios tipalaic'o ÆaiPoujna, timi:

"Tocutsaila' jifa'a al c'a camane.

Topanehuo jifa'a, iya' mi'hua culiquila' lo'epo' laic'.

Tijouŋa', ima' tocuxena'mola'."

⁴⁵ Ja'ni David itatahuelo cal Cristo, ¿te quinescopa, ticua "... ÆaiPoujna"?

⁴⁶ Ailopa'a cotalai'ecoyacu, ni anuli lataiqui'. Lipangopa jile litine aimicuis'mot'leconayacu. Ihsina' tulijna'mola' Jesús.

23

¹ Jesús ipalaic'o'mola' lan xanuc' jouc'a ts'ilihuequi. ² Timila':

—Lomxiye nomuc'iyalepá locuxepa ÆanDios, jouc'a lan xanuc' fariseo, tipa'a liŋmane timuc'iyale'me licuxepa Moisés. ³ Imanc' tolihuejcoŋe jahuay locuxe'epolhuo'. Liŋ'ejma' ihniya aimolihuej'me. Ihniya ma le'a tinesyi, aimi'eyi.

4 'Tetonc'iyi lataiqui' locuxepa LanDios. Ticuxen-
nila' lan xanuc' tenant'hile jahuay ita'a litaiqui'.
Lan xanuc' tixinyi ipime jitiya litaiqui'. Ti'onlcospa
to cal cumta caitay lipo'no'impola' litspula'. Afule
mixnet'yi. Mañiya lomxiye jouc'a lan xanuc'
fariseo aimentant'hiyi lataiqui' locuxepa tenant'hile
litf'as xanuc'. Tixinyoñtsi to ailopa'a nocuxeyacola'.
Ticuxeyoñtsi quiltuca'.

5 'Jahuay lo'epa iñiya ti'eyi ma le'a tehuelojnle
lan xanuc', tixinintsola' lan c'a xanuc'. Iñpic'a
tixinintsola' menant'hiyi locuxepa LanDios. Iñiya
lomxiye jouc'a lam fariseo tilanc'eyi xonca
lexpats'qui ile laca'hua caxax lofi'ecopa litmane
o hilepali. Jiñpe lacaxax ti'nico hualca al Paxi
Linikingiya. Ti'e'eyi itoqui locuits' lema litpijahuá'.
Ticuayi litpicuejma': "Lan xanuc' ałsintsonga'
ninc'itsila' comxiye".

6 'Mixmucota ticutsołaita jiñpe petsi
locutsołaiyacu lan tsilaj xanuc'. Tołta'a iñpic'a.
Łajut'li pe lafołyomma lan xanuc', iñe ticutsołaita
lan tet'ła asiento. 7 Miyelocoyi locucaleyompa
iñpic'a lan xanuc' tinonintsola', timintsola':
"¡Rabí, Rabí!" (Ile lataiqui' lohualcuf'ipa ticua:
Nomuc'iyalepa.)

8 'Imanc' aimecui'im'molhuo' "Rabí."
Tipa'a ma le'a anuli Nomuc'ipolhuo', imanc'
unc'apimaye. 9 Fa'a li'a łamats', ja'ni anuli cal
xans a'i col'ailli', aimołmi'me "Ma'aili'". Tipa'a
ma le'a anuli col'Ailli', itque Nopa'a lema'a.
10 Aimecui'im'molhuo' imanc' "Momxi". Imanc' a'i
cunc'omxiye. Ma le'a iya' łołpomxi, iya' ninCristo.
11 Imanc', naitsi xonca cal cueca' ti'ila' to cal
mozo, titoc'itsola' lipimaye. 12 Cal xans no'e'epoxi

acueca', itquiya ti'oc'em'me. Naitsi no'e'epoxi aca'hua, ti'e'em'me xonca acueca'.

13 'A'ijc'a lo'iyacolhuo' cunc'omxiye, imanc' nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Miquimf'ennilhuo' lołmuc'iyalepa, lan xanuc' tixinyi to joupá eti'iya al puerta. Tixinyi aimi'iya mitsuflaiyacu jilpe pe locuxeyopa ŁanDios cal Cuecaj Rey Nopa'a lema'a. Łınca imanc' aimołtsuflaiyi, jouc'a aimolapi'ila' lane lan xanuc'. Itne ts'itpic'a titsuflaiite, imanc' tołpa'nela'.

14 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' unc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Imanc' tolaxic'ela' hi'huexi lam potsateya cacal'no'. Moł'eyi tołta'a ticolilhuo' mołpalaic'oyi ŁanDios. Tołcuayi: "Ałsinintsonga' illanc' lihuejcoyi ŁanDios". Imanc' xonca acueca' lotełminyacolhuo'.

15 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Imanc' tołahuela' lan xanuc' tihuequintsolhuo'. Tonłeyi ni petsi li'a łamats', tołqueyi łaja. Tołsintsa ma le'a anuli cal xans naihuejyacolhuo' tołixoc'i'mołtsi conlata. Tijoułta' itque tulij'molhuo'. Imanc' lołpicuicoya tonłe'me pu'hua al cuecaj capa. Itque xonca lipicuicoya ti'huałta' pu'hua.

16 'A'ijc'a lo'iyacolhuo' imanc' unc'ifohue. Imanc' aimi'iya mołmuc'iyacola' lan xanuc' al c'a cane. Imanc' tołcuayi: "Cal xans nocuaj'mipa al

cuecaj xoute' ja'ni aimentant'hi litaiqui' ailopa'a tintsi. Locuenaj cal xans nocuaj'mipa al oro lopa'a jilpe al cuecaj xoute', linca tenant'hila' litaiqui', ja'ni a'i titai'ma lijunac'."

¹⁷ ¡Imanc' unc'ifohue! Tocomma ailopa'a colpicuejma'. ¿Te jale xonca al cueca', ja'ni al oro o al cuecaj xoute'? A linca xonca acueca' al xoute'. Ite al oro ja'ni ailopa'a jilpe al cuecaj xoute' aimi'iya qui'huexi ÑanDios. ¹⁸ Jouc'a tolcuayi: "Cal xans nocuaj'mipa cal altar, ja'ni aimentant'hi litaiqui' ailopa'a tintsi. Locuena cal xans nocuaj'mipa lotsufcompa jilpe cal altar, linca tenant'hila' litaiqui', ja'ni a'i titai'ma lijunac'." ¹⁹ ¡Imanc' unc'ifohue! ¿Te jale xonca al cueca', lotsufcompa o cal altar? Linca xonca acueca' cal altar. Ja'ni lotsufcompa ailopa'a jilpe cal altar aimi'iya qui'huexi ÑanDios. ²⁰ Cal xans nocuaj'mipa cal altar jouc'a tipalaijma jahuay lopa'a jilpiya cal altar. ²¹ Ja'ni icuaj'mipa al cuecaj xoute', jouc'a tipalaijma ÑanDios ilque Nopa'a jilpiya. ²² Ja'ni nocuaj'mipa lema'a tipalaijma lema'a pe locutsaf'ya ÑanDios jouc'a tipalaijma ÑanDios ilque Nocutsaf'ya jilpiya.

²³ 'Aijc'a lo'iyacolhuo' imanc' cunc'omxiye nolmuc'iyalepá locuxepa ÑanDios jouc'a imanc' cunc'ixanuc' fariseo. Ma le'a tonl'e'eyoltsi, imanc' a'i cunc'ic'a xanuc'. Imanc' jahuay ts'ol'hueca tipa'a lołtsufcoyacu ÑanDios. Ja'ni ti'ila' amaxnu, tołtsufcoyi imbama', ja'ni ti'ila' imbama' tołtsufcoyi anuli. Tołta'a monl'eyi, tama laiquitamqui xonca atsocay, ja'ni al xaimu, ja'ni al anís, ja'ni al comino, tołtsufcoyi anuli ÑanDios. Lataiqui' locuxepa

ŁanDios ticuxe'elhuo' tonł'ete al c'a xonca al cueca'. Ticuxe'elhuo' tonł'ete al łijca, tołsintsola' cuanuc'la lołpimaye, tonlanant'lıle lołnesyacu. İle lataiqui' aimonlıhuejyi. İınca ac'a lonł'epa mołtsufcoyi łaiquitamqui. Ticuicomma tolanant'lıle jahuay locuxe'epolhuo' ŁanDios, tonł'ete al c'a xonca. ²⁴ İmanc' aimi'ıya mołmuc'ıyacola' lan xanuc' al c'a cane. ¡Unc'ıfohue! Tıpa'a lataiqui' loya'apa: “Tołtsaic'oyi al vino aimołnuc'me calxc'huit. Tijouł'a aimołsinyi cal cuecaj quinneja, ıłque cal camello, tołnuc'yi.” Tołta'a ma ti'onłcospolhuo' to loł'ejma' imanc'.

²⁵ 'Aıjc'a lo'ıyacolhuo' imanc' cunc'omxiye nołmuc'ıyalepá locuxepa ŁanDios, jouc'a imanc' cunc'ıxanuc' fariseo. Ma le'a toł'e'eyołtsi, imanc' a'ı cunc'ic'a xanuc'. Aıjc'a lołpicuejma'. Ti'hua tołjanajyi tepi'intsolhuo' xonca. Tonlaxic'ela' lıłtomı loł'as xanuc', tołta'a tołma'neyi lołtaza, lołpime. Tijouł'a, ma to moł'eyi, tolapajyi lıłspula' lołtaza, lołpime. ²⁶ İma' umfo' fariseo, ate'a taıpa'ał'a al xujc'a lopa'a jıłpe licu'u lotaza, lopime. Tijouł'a lıłspula' ti'ıma limpio jouc'a.

²⁷ 'Aıjc'a lo'ıyacolhuo' imanc' cunc'omxiye nołmuc'ıyalepá locuxepa ŁanDios, jouc'a imanc' cunc'ıxanuc' fariseo. Le'a toł'e'eyołtsi, imanc' a'ı cunc'ic'a xanuc'. Ti'onłcospolhuo' to cal puł'hua li'e'empa afujca juaiconapa. Licu'u al puł'hua imanna quecala camızhua, imanna axisca. ²⁸ Ma' anuli imanc'. Tocomma to tolıhuejcoyi locuxepa ŁanDios. Aıj İınca. Ma le'a ıxcay lołpicuejma'. Jıłpe tołspic'eyi toł'e'eyołtsi, imanc' a'ı cunc'ic'a xanuc', aimolıhuejcoyi locuxepa ŁanDios.

²⁹ 'Aıjc'a lo'ıyacolhuo' imanc' cunc'omxiye

nołmuc'iyalepá locuxepa ŁanDios jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Imanc' tołłanc'e'ela' liłpu'hua limanapola' iłne lam profeta jouc'a lan xanuc' naihuejcopá locuxepa ŁanDios. ³⁰ Imanc' tołcuayi: “Łałtatahueló ima'a'me lam profeta. Ja'ni coła' illanc' ałmana' jilpe litine, aimal'eyacu tołta'a.” ³¹ Mołnesyi “Łałtatahueló...”, le'a tołcufyołtsi, tonlimetsaicoyołtsi imanc' iłnaxque' iłniya nima'a'me iłne lam profeta. ³² Ne'. ¡Ti'hua monł'eyi jiliya lixcay to li'epá lołtatahueló! ¡Tołjou'nełe nulemma!

³³ 'Imanc' ti'onłcospolhuo' to lacałpo'. Imanc' lołpicuejma' ti'onłcospa to lipicuejma' łainofał. Łınca tejac'ennolhuo', tecajm'minnolhuo' łunga łopa'a al muf. O ¿te ti'i'ma tołunłulta? A'i. Aimi'iyia. ³⁴ Cumme'elhuo' lam profeta, iłne noya'apá lołpic'epa ŁanDios. Cumme'elhuo' lan xanuc' acueca' liłpicuejma'. Cumme'elhuo' lomxiye. Imanc' tołma'a'mola' hualca iłniya lan xanuc', tołapałts'ijm'mola' lancruz. Locuenaye tołłeco'mola' łajut'li pe lafołyomma lan xanuc', jilpe tołuntaf'e'e'mola'. Tołihuejtso'mola' iłya' iłya'. ³⁵ Tołta'a imanc' tołtai'me liłjunac' iłne lołxanuc' nima'a'me naihuejcopá locuxepa ŁanDios. Cal te'a ĩima'ampa iłque cal c'a xans Abel, ĩijoujma Zacarías ĩi'hua Berequías, ĩima'ayompa jilpe al cuecaj xoute' lixpula' cal altar, jilpe lotsuflaiyacu al Paxi Lugar. ³⁶ Iya' camilhuo' al ĩınca: Jahuay iłe lajunac' tołtai'me imanc' nołmana' fa'a ĩisiya litine.

³⁷ ¡Miłya' Jerusalén! ¡Miłya' Jerusalén! Loxanuc' inma'ahuale, ima'a'me lam profeta, tipannila' capic', tima'ayi lixanuc' ŁanDios, iłniya lummebola'

jilpiya. Iya' axpe' canesqui: Cafot'le'mola' jahuary loxanuc' ma to mi'ay cal tsana mefot'le'mola' laiquipuyu, mipuxc'i'mola' lixał. Ima' aicocuac'.
³⁸ Miłya', itahuelojnla' locuecaj xoute'! ŁanDios ipo'nopa quituca'. Tocomma joupa etelquemma.
³⁹ Iya' camilhuo' lo'iya. Ticuaitsi litine ałmıla': "İma' unC'a. ŁanDios łatPoujna linca ummepo'", iłe litine ałsingona'ma. Ai'a ticuaita iłe litine aimalsingonaya.

24

¹ Jesús ipayonni jilpe al cuecaj xoute', icuaitsa ts'ilihuequi. İhniya ts'ilihuequi ipalaico'me łajut'li al cuecaj xoute'. Timiyi:

—Toxintsola' ilangila' juaiconapa iłna'a łajut'li.

² Jesús italai'e'mola', timila':

—İtsiya tolahulojnyi łajut'li iłniya ilangila'. Iya' camilhuo' al linca: Ticuaihuo litine jahuary tetelquehuo. Ni anuli łapic mi'nif'queya lipima capic.

³ Micutsuya Jesús łijuala Olivo, icuaitsa quiltuca' ts'ilihuequi, icuis'e'me, timiyi:

—Lu'itsonga', ¿tej hora mi'iya tołta'a? ¿Te co'iya małsinyacu ja'ni ima' tocuaiconahuo? ¿Te co'iya małsinyacu ja'ni tijou'ma li'a łamats'?

⁴ Jesús italai'e'mola', timila':

—Tołpo'note cuenna. Ja'ni aimołpo'noyi cuenna tifel'mim'molhuo'.
⁵ Ticuaicu axpela' linfel'miyale. Anuli anuli tines'ma: "İya' linca cunlu'e'molhuo'. İya' ninCristo. ŁanDios alummepa." İhniya tifel'miyale'me axpela'.
⁶ Litine tołcuejle: "Pu'hua tifulenni", o "Łu'hua tifulem'me", aimixpailij'molhuo'. Tołta'a lo'iya. Ticołma

locuaicoya Lijoujma Quitine. ⁷ Lan xanuc' anulij nación tixtuc'om'moltsi locuenaj nación, tifule'me. Lan tsilaj quincuxepá tixtuc'om'moltsi, tifule'me. Ni petsi tixim'me cumemma, tinu'ma lunanto. ⁸ He latełcoya ti'onłcota to łaca'no' linnay lipumla. Tumlej'ma ate'a, tijouła' tipajnta cal ts'e qui'hua. Fa'a li'a łamats' ate'a tipango'ma latełcoya, tijouła' ti'i'ma al ts'e lema'a, ti'i'ma al ts'e li'a łamats'.

⁹ 'Imanc', ticum'molhuo', ticuaita quiłmane lan xanuc', iłne titełmi'molhuo', tima'a'molhuo'. Imanc' ts'alihuequi, tołiya ni petsi lołmanc'eyacu fa'a li'a łamats' lan xanuc' tixtuc'o'molhuo'.

¹⁰ Axpela' ts'alihuequi tipai'i'me liłpicuejma', ti'e'moltsi laic' liłpimaye ts'alihuequi. Ticuf'me.

¹¹ Ticuaicu axpela' lam profeta nofelłaiqueyacu, tifel'miyale'me axpela' lan xanuc'. ¹² Lan xanuc' xonca tenaj'moltsi, aimihuej'me lataiqui' locuxepa LanDios. Ti'e'me ma le'a lixcay.

Aimipalaic'oyacołtsi to li'ipa, aimi'eyołtsi capic'a.

¹³ Cal xans ja'ni tixnet'łła' latełcoya, ja'ni ti'hua tihuejla', iłque linca tunłu'ma. ¹⁴ Jahuay li'a łamats' tuya'ata lataiqui' loya'apa iłe al c'a lixpicepa LanDios. Ni petsi lomana' lan xanuc' tuya'ata te co'iya mitsuflaiyacu pe lopa'a LanDios, iłque cal Cuecaj Rey Nopa'a lema'a. Tijouła' ticuaihuo Lijoujma Quitine.

¹⁵ Ma to luya'apa cal profeta Daniel luyaipa quitine tołta'a tołsim'me lo'iya. He pe LanDios tilaiqui topo'nom'me al cuecaj xoute'. Tijouła' LanDios tipo'no'ma quituca' iłe al cuecaj xoute'. Naitsi noxhuf'iyacola' lipimaye jıłta'a lataiqui' ticuec'eła'.

¹⁶ 'Iłniya liłiné ja'ni tołmana' al distrito Judea tolinul—le, toł'ajlıte liłjualay. ¹⁷ Ja'ni cof'nif'ya al

toncay lomejut'ł, aimicoł'mo'. Aimaipa'a'ma ile lopa'a lomejut'ł, le'a taimunni, tainuła'. ¹⁸ Ja'ni to'ay canic' jilpe limuc'o', aimopaiconahuo mom-maiya lopuquiya, ma tainuła'.

¹⁹ 'Ihniya litiné juaiconapa titełco'me linnaila cacal'no', jouc'a lacał'no' notu'ipá liłmaxque'. Ihniya afule minulyacu. ²⁰ Tołsahue'ele ŁanDios ticuaiti latełcoya aimi'i'ma litiné caxita, ni litine conxajya. Jilpiya aimi'iya molinulyacu. ²¹ Lan xanuc' nomana' fa'a li'a łamats' aiqiułsingufma latełcoya to loxinyacu jilpiya litine. Tijouła' jilta'a latełcoya aimixinconayacu latełcoya to jilta'a. ²² ŁanDios tixinnila' cuanuc'la lixanuc', jilne li'huij'epola', tohiya ixpic'epa aimicołya jile latełcoya, tetec'oyehuo. Ja'ni coła' ticoł'ma ile latełcoya, ailopa'a conłuya, coła' jahuay tima'mola'. Aimicołya latełcoya.

²³ 'Ihniya litiné ja'ni timintsolhuo': “jTołsinłe! Jifa'a icuai'ma cal Cristo”, o “Jilpe icuaita”, aimolapenuf'me ihniya lataiqui'. ²⁴ Ticuaicu linfel'miyale. Tecui'i'mołsi: “Iya' ninCristo”, o “Iya' ninprofeta, cuya'e' lixic'epa ŁanDios”. Ihniya ti'e'me al cueca', axpe' timuj'me. Tines'me: “Łan xanuc' limetsaicotsonga' ŁanDios lummeponga”. Ma le'a tifel'miyaleyi. Coła' tifel'mintsola' jouc'a li'huij'epola' ŁanDios. Aimi'iya mifel'minyacola'.

²⁵ 'Joupa aimipolhuo' ile lo'iya. Aimolimenc'eco'me ile laimipolhuo'. Ma to lo'iya, tołta'a nu'ipolhuo'. ²⁶ Ja'ni timintsolhuo': “Icuaita cal Cristo pu'hua. Tipa'a petsi ailopa'a quilya”, aimonle'me pu'hua. O ja'ni ticuanni: “Icuai'ma fa'a, itsufaipa lajut'ł”, imanc' aimolihuejco'mola'.

²⁷ 'Iya' ilque cal Xans Łiximpa cal profeta pu'hua

lema'a. Cacuaiyoconanni jahuay ałsim'ma ma to mołsinyi lixcuaflay mixcuaf'ma jilpiya liyuf'maj 'ora. Lixcuaflay tepalc'o'i a'i ma le'a jilpe liyuf'maj 'ora. Lepalc'o' ticuaita pe lof'acaiyopa cal 'ora.

²⁸ Pe lopa'a limac' jilpiya tefot'le'mołtsi lapote.

²⁹ 'Tuyaila' ihniya litiné latełcoya:

Timufco'ma cal 'ora, cal mut'ła aimepalc'o'iya, lan xamna nomana' lema'a tecangolecu łamats', jahuay lopa'a jilpe lema'a tife'nem'mola'.

³⁰ Iya' ilque Cal Xans Liximpa cal profeta pu'hua lema'a. Ihe litine jipu'hua lema'a lan xanuc' tixim'me ihe lomuc'iyacola' joupa aicuaicocona'ma. Ni petsi li'a łamats' lan xanuc' tijolij'me, ałsim'ma cacuaiconno cacutsafya łummahuay quimumma. Ałsim'ma iya' ninCuecaj Rey, al'onłcospa to LanDios. Iya' ilque cal Xans Liximpa cal profeta pu'hua lema'a. ³¹ Ihe

litine tifus'mi'me al cuecaj trompeta, iya' cumme'mola' lainepaluc' tiyete tefot'lentsola' laixanuc' lai'huijf'epola'. Ni petsi lomana' tileconnola': Ihniya nomana' layuf'maj 'ora, ihniya nomana' lof'acaiyopa cal 'ora, ihniya nomana' pe lo'huayomma łahua', ihniya nomana' pe lotsepa łahua', ni petsi canumicay li'a łamats' tileconnola' laixanuc'.

³²⁻³³ 'Ja'ni tołpo'note cuenna ihe lo'ipa al 'icux ti'i'ma cołsina' icuaico'ma linu'. Tołta'a timuc'i'molhuo' al 'icux tuxcuaf'ela' limane', tilala' laxhuaica lipela. Ma' anuli ja'ni tołpo'note cuenna ihe lo'iya fa'a li'a łamats' ti'i'ma cołsina' joupa cacuaiconno. Ti'ila' ma to laimipolhuo', joupa aicuai'ma al puerta. ³⁴ Iya' camilhuo' al linca: Litine ti'ila' to laimipolhuo', lan xanuc'

nomajnyacu fa'a li'a lamats' ti'i'ma li'ejma' to li'ejma' lan xanuc' nomana' fa'a itsiya litine. ³⁵ Lema'a y li'a lamats' tipaico'mola'. Laitaiqui' aimipaiya, tipanehuo.

³⁶ 'Nij naitsi ts'ixina' litine ni al 'hora cacuaic-oconanni li'a lamats'. Jouc'a lapaluc' quema'a aiquisina'. Jouc'a iya' i'Hua LanDios, aicaixina'. Ma le'a cai'Ailli', itque linca ixina'.

³⁷ 'Ma to li'ipa luyaipa quitine mipa'a Noé fa'a li'a lamats', to'ta'a lo'iya litine cacuaicohuananni li'a lamats'. ³⁸ Milanc'e Noé al arca, lan xanuc' tuyalaicoyi li'pepajnya ma to mi'eyi. Titetsoyi, tixnayi, temalliyyi, ticuyi linaxque' temallite. Litine Noé litsufai'ma al barco to'ta'a ti'eyi. ³⁹ Ihe aiquisina' lo'iyacola', ticui'ma. Ma' icui'ma laxpaiqui' cacui. Lacui ileco'mola', ima'a'mola'.

'Ite li'ipa ti'onlcospa to lo'iya cacuaiconanni iya'. Lan xanuc' aimi'iya quisina' lo'iyacola'. ⁴⁰ Oquexi' lan xanuc' timajm'me limuc'o'. Anuli tilecom'me, locuena tipanehuo. ⁴¹ Oquexi' laca'no' tutsi'me anuli. Anuli tilecom'me, locuena tipanehuo.

⁴² 'Imanc' to'huaicole, to'po'no'e cuenna. Aico'sina' te quitine ticuaihuo to'Poujna. ⁴³ Lipoujna cajut'l ja'ni ixina' tej hora ticuaihuo cal namas, itque lapoujna aimixmaiya, tipo'no'ma cuenna, ticuanajco'ma lejut'l, cal namas aimi'iya mitsufaiya. ⁴⁴ Imanc' to'po'no'e cuenna. Ticuaitsi al 'hora aimo'huaicoyi, to'nesyi: "Aimicuaiya", ma'pe al 'hora cacuaihuo. Iya' itque cal Xans Liximpa cal profeta pu'hua lema'a.

⁴⁵ 'Lapoujna ti'huala' aculi', tepi'i'ma quipenic' limozo. ¿Te co'eya itque cal mozo? Ja'ni cal c'a

mozo, ja'ni tipa'a lipicuejma', tenant'h'i'ma lipenic', iŕe lipo'no'ipa lipoujna. Ti'e'mola' cuenna locuenaye lam mozó nomana' jilpe lajut'ŕ. Ti'huajcola' al 'hora, tites'mi'mola'. ⁴⁶ Ticuainatsi lipoujna, tixim'ma limozo ti'ay to licuxe'epa. Itque cal mozo loyaicoya al c'a. ⁴⁷ Camilhuo' al tinca: Lipoujna tepi'i'ma xonca al cueca' lanic'. Tepi'i'ma quimane ticuxela' jahuay h'huexi. ⁴⁸ Ja'ni ixcay xans, cal mozo timi'moxi: “Łaipoujna ticoŕi, aimicuaiya”. ⁴⁹ Tipango'ma tifule'ma, tuntaf'mola' lif'as mozó. Titetsoyi, tixnayi anuli lif'as quisnaye. ¿Te co'iyá itque cal mozo? ⁵⁰ Anuli litine, jilpe litine aimi'huaijma lipoujna, jile al 'hora aimixhueŕma, ticuainahuo lipoujna. ⁵¹ Tetetsuf'ma, tecajm'mita pe lomana' linfel'miyale, jilpe tijolijta, ti'ic'ta liŕ'ay.

25

¹ 'Licuaitsi litine ticuaihuo cal Cuecaj Rey Nopa'a lema'a, tepenuftsola' lixanuc', iŕne naihuejcopá, ti'i'ma to li'ipa litine lipalunca imbama' lahuats'la. Iŕe litine titalecufta, tecanna łamaneya, ticuai'ecu jilpiya lo'iyoya lijuic łamaneyoya. Anuli anuli itaic' liŕpepalc'o'. ² Amajxi lahuats'la ts'itpicuejma', locuenaye amajxi lahuats'la ailopa'a quipicuejma'. ³ Lamac'ta lahuats'la, litai'me liŕpepalc'o' aiquiltaic' quileceite timanumf'eta liŕpepalc'o'. ⁴ Lahuats'la ts'itpicuejma' itai'me liŕpepalc'o' jouc'a itaic' lileceite. ⁵ Ticoŕi łamaneya, aiquicuaiyunni. Jahuay lahuats'la icuinni quilehui, ixmai'me.

⁶ 'Nolojmay quipuqui' icuej'me tija'anni, ticuayi: “Icuai'co'ma fa'a łamaneya. Tuntouyunca, altalecufta.” ⁷ Jahuay lahuats'la imaf'i'me. Etuf'me

liḥpepalc'o', inai'i'me. ⁸ Lamac'ta lahuats'la ipalaic'om'mola' ts'ihpicuejma', timinnila': "¡Tolsinte! Ina'a laḥpepalc'o' joupa tipica. Aḥc'i'itsonga' tutani calaceite." ⁹ Lahuats'la ts'ihpicuejma' italai'e'me, timinnila': "A'i. Aimi'iya. Ja'ni aḥc'i'itsolhuo' illanc' lahue'e'monga'. Tontele petsi locuquimpá, to'natsa colaceite." ¹⁰ Miyeyi ti'nata quileceite, icuaiyunni ḥamaneya. Lahuats'la ts'ihpicuejma' iyejmale'me ḥamaneya. Itsuflai'me jouc'a ḥamaneyoya. Ix'nifcom'me al puerta. ¹¹ Icuaitsa locuenaye lahuats'la. Ija'a'me, timiyi: "Maḥpoujna, maḥpoujna, laxi'e'etsonga' lopera". ¹² Ḥamaneya timila': "Iya' camilhuo' al linca: Aicainimetsaicolhuo'."

¹³ Jesús timila' ts'ilihuequi:

—Imanc' ti'hua toḥpo'noḥe cuenna. Aicoḥsina' ni litine ni al 'hora cacuaiconanni.

¹⁴ 'Lo'ya ti'onḥcospa to li'ipa ti'hualecotsi aculi' anuli cal xans. Ai'a ti'hua'ma ijoc'i'mola' limozó ticuaiyunca. Epi'i'mola' quiḥ'huexi, iḥne tixinḥe lo'e'eyacu. ¹⁵ Anuli epi'i'ma amaquej tomí, ḥocuena epi'i'ma oquej tomí, ḥocuena epi'i'ma ma le'a anuli, ma to mipa'a liḥpicuejma'. Lijou'ma ipanni, i'hua'ma aculi'.

¹⁶ 'Cal mozo ḥepenufpa amaquej tomí ixhuico'ma al tomí, ulij'ma i'nif'caitsi amaquej tomí. ¹⁷ Cal mozo ḥepenufpa oquej tomí jouc'a i'nif'caitsi oquej tomí. ¹⁸ Cal mozo ḥepenufpa anuli al tomí itai'ma, i'hua'ma, ipu'ma ḥamats', emu'ma iḥe al tomí lepi'ipa ḥipoujna.

¹⁹ 'Axpe' quitine icoḥhuo'ma liḥpoujna lam mozó. Lijou'ma icuainanni. Icuis'e'mola', timila': "¿Te conḥ'ecopa al tomí lainepi'ipolhuo'?" ²⁰ Cal

mozo lepenufpa amaquej tomí itaic' imbamaj tomí. Timi lipoujna: “Maipoujna, alapi'ipa amaque' al tomí. ¡Toxinla'! Nulijpa amaque', i'ipa imbama'.” ²¹ Lipoujna timi: “Ac'a lo'epa. Ima' unc'a mozo. Latencocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a ałmajm'me anuli. Tixoj'ma calata.”

²² 'Icuaitsi cal mozo lepenufpa oquej tomí. Timi lipoujna: “Maipoujna, alapi'ipa oquej tomí. ¡Toxinla'! Nulijpa oque', i'ipa amalpu'.” ²³ Lipoujna timi: “Ac'a lo'epa. Ima' unc'a mozo. Latencocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a ałmajm'me anuli. Tixoj'ma calata.”

²⁴ 'Lijoujma icuaitsi cal xans lepenufpa anuli al tomí. Timi lipoujna: “Maipoujna, ima' aiximhuo' te ts'i'ic' lopicuejma'. Aiximhuo' ima' untá xans. Aimoxina' cuanuc'. Ima' aimofaya, tijoula' tapenuf'ma jahuay laipa'ampa. Aimaca'neya cal trigo, tijoula' jahuay lafot'leya tapenuf'ma. ²⁵ Lai'nujuaitsi tołta'a lo'ejma', iya' ałspaicunni, ai'hua'ma nemutsi łamats' al tomí, ihe lalapi'ipa. ¡Toxinla'! Iłta'a ja'a lotomí. Tapenufnała'.” ²⁶ Łapoujna timi limozo: “Ima' mixcay mozo. Mahui. ¿Te ałınca oxina' aicafaya, tijoula' capenuf'ma jahuay laipa'ampa? ¿Te oxina' aicaca'neya cal trigo, tijoula' jahuay lafot'leya capenuf'ma? ²⁷ Ne', ne'. ¿Te comemucopa laitomí? Najmay mecantsi al banco. Tołta'a capainanni, capenufna'ma jouc'a

lulijpa laitomí. ²⁸ ¡Texic'enale al tomí! Tepi'inale itque ts'i'hueca imbama' al tomí. ²⁹ Pe ts'i'hueca ite lulijpa, xonca tepi'im'me. Itque ti'huej'ma xonca. Pe aici'hueca, aiculiqi, texic'em'me ite lepi'impa. ³⁰ Itca'a cal mozo pe aici'aic' canic', tolacanguf'me pe lopa'a al muf. Jitpe tijolijta, ti'ilc'ta lit'ay.”

³¹ 'Iya' itque cal Xans Liximpa cal profeta, cacuaiconanni alsim'ma al'oncota to LanDios. Jahuay lainepaluc' afejmalecu. Cacutshuai'ma laicuecaj asiento, iya' ninCuecaj Juez. ³² Jitpiya tefot'lena'moltsi lan xanuc' quiyoyomma ni petsi li'a lamats', jahuay lan nación. Ma to lapoujna mot'it tenaquila' lipinneja, ite ihuantseyoltsi lam mot'it jouc'a lan chivo, ma toita'a iya' canaj'mola' lan xanuc'. ³³ Al c'a camane capo'no'mola' lam mot'it. Loxa camane capo'no'mola' lan chivo.

³⁴ Tijoula' iya' ninRey capalaic'o'mola' itniya no-mana' al c'a camane, cami'mola': “Imanc', cai'Ailli' joupá ipaxnepolhuo'. Tuntouyunca. Tolapenufle lapi'iyacolhuo' LanDios. Tepi'i'molhuo' lołmane tołcuxele. Lilanc'epa li'a lamats' toita'a joupá ixpic'epa LanDios. Itsiya tepi'i'molhuo'. ³⁵ Luyaipa quitine altoc'ipa, itsiya lo'iyacolhuo' al c'a. Iya' ma cunle'e, imanc' altes'mipa. Iya' micui caija', imanc' aluhui'ipa caija', aixnapa. Iya' nipayomma aculi', laicuaita lołpitya' imanc' lapi'ipa cainejut'it. ³⁶ Iya' ma lahue'e' caipijahua', imanc' alummi'ipa caipijahua', aipo'nopa. Iya' lalaxtafpa, imanc' al'epa cuenna. Iya' ma capa'a lacarza, imanc' alahuejn-huo'ma.”

³⁷ Itne lan xanuc' naihuejcopá locuxepa LanDios almi'ma: “Małpoujna, ite quitine lałsimpoltsi

ima' tonle'e, ates'mipo'? ¿Te quitine lašimpoltsi ima' ticui coja', luhui'ipo', oxnapa coja'? ³⁸ ¿Te quitine lašimpoltsi ima' mipayomma aculi', locuaita lałpilya' lapi'ipo' comejut'ł? ¿Te quitine lašimpoltsi ima' ailopa'a copijahua', lummi'ipo' copijahua' opo'nopa? ³⁹ ¿Te quitine lašimpoltsi ima' textafhuo' o topa'a lacarza lahuejnhuo'mo'?" ⁴⁰ Iya' ninRey catalai'e'e'mola', cami'mola': "Iya' camilhuo' al linca: Imanc' lołtoc'ipola' ihna'a laipimaye, tama anuli xonca aca'hua ilque lołtoc'ipa, linca alłoc'iponga' iya'."

⁴¹ 'Tijouła' iya' capalaic'o'mola' ihne nomana' loxa camane, cami'mola': "Imanc' joupa ecanipolhuo'. Tonłolijle pe laifpa'a. Tonłete petsi lunga aimipica. Ti'hua tunaqui. Ilque lunga LanDios ipo'nopa titełmitsola' łonta'a Satanás jouc'a lep-aluc'. ⁴² Imanc' aicalłoc'i, itsiya ixcay lo'iyacolhuo'. Iya' ma cunle'e, imanc' aicaltes'mi. Iya' micui caija', imanc' aicaluhui'i. ⁴³ Iya' nipayomma aculi', laicuita lołpilya' aicalapi'i cainejut'ł. Lahue'e' caipijahua', imanc' aicalummi'i. Iya' ma laxtafpa, ma capa'a lacarza, imanc' aicalahuenge."

⁴⁴ 'Ihne lan xanuc' titalai'e'me, almi'ma: "Małpoujna, ¿te quitine lašimpoltsi ima' tonle'e, o ticui coja'? ¿Te quitine lašimpoltsi ima' o'huayomma aculi', ocuaita lałpilya', o ailopa'a copijahua', o textafhuo', o topa'a lacarza, y aicalłoc'ihuo'?" ⁴⁵ Iya' catalai'e'e'mola', cami'mola': "Iya' camilhuo' al linca: Imanc' olatets'ipola' ihna'a laipimaye, aicołtoc'ila', tołta'a latets'iponga' iya'. Tama xonca aca'hua ilque łolatets'ipa, ma latets'iponga' iya'." ⁴⁶ Ihniya tiyena'me petsi

latełcoya aimijouya. Lan xanuc' naihuejcopá locuxepa LanDios, ituca' loyalaicoyacu ihniya. Jiñe titsufłai'me petsi liłpitine aimijouya.

26

¹ Jesús lijoupa limipola' ts'ilihuequi ihniya łataiquí, ipalaic'ocona'mola', timila':

² —Joupa ołsina' tehue'e' oquej quitine ti'i'ma al juic Pascua. Iya' itque cal Xans Liximpa cal profeta pu'hua lema'a. Ałcu'ma, lapałts'inginna lancruz.

³ Lixanuc' cal cuecaj ca'ailli' jouc'a lan tsilaj xanuc' noxpipá łataiqui' efot'le'mołtsi lejut'ł cal cuecaj ca'ailli' cuftine Caifás. ⁴ Jiłpe ixpic'e'me łataiqui' tifel'mi'me Jesús, ti'nołe, tima'anłe.

⁵ Ticuayi:

—Mi'i juic aimal'nołyacu, tixtulecu lan xanuc', titsolhuicu.

⁶ Jesús tipa'a liłya' Betania, lejut'ł Simón, itque lixałconapa lehui lepra. ⁷ Jiłpe anuli łaca'no' icuaitsi pe lopa'a Jesús. Itaic' lipulu ilajncopa apic cuftine alabastro. Iłe lipulu tinango laceite tujuej c'a, acueca' lipitali. Micutsuya Jesús titesma łaca'no' iloc'huai'ma, ic'ef'i'i'ma lijuac ilē laceite.

⁸ Lixim'me tołta'a lo'epa łaca'no', ts'ilihuequi Jesús ixtulencia. Ticuayi:

—¿Te quecani'ecopa laceite? Acueca' lipitali.

⁹ Coła' icule'ma. Jiłe al tomí lolijya tepi'im'mola' lan xanuc' pe aiquił'hueca.

¹⁰ Jesús ixina' lonespa. Timila':

—¿Te colșueł'micopa łaca'no'? Ac'a ilta'a li'epa. Latenłma. ¹¹ Jahuay litiné ma fa'a timana' lan xanuc' pe aiquił'hueca. Iya' aicapajnconaya. Aimalmajnconyacu anuli. ¹² Lałc'if'ipa ilta'a

laceite lojuepa ac'a, joupa enanŋpa iŋe laŋ'e'enya ai'a laminna. ¹³ Iya' camilhuo' al linca: Aimimenc'ecoyacu li'epa iŋca'a ŋaca'no'. Ni petsi li'a ŋamats' loya'anyacu Lataiqui' loya'apa iŋe al c'a lixp'ic'epa ŋanDios, tuya'am'me jouc'a iŋe li'epa iŋca'a ŋaca'no'. Lan xanuc' ti'nujuaisnata.

¹⁴ Anuli iŋniya limbamaj coquexi' ts'ilihuequi Jesús, iŋque cuftine Judas Iscariote, i'hua'ma, icuaitsi pe lomana' lixanuc' cal cuecaj ca'ailli'.

¹⁵ Timila':

—¿Tojua lapi'i'ma ja'ni cacu'ma Jesús? Imanc' toŋ'noŋta.

Iŋniya inefo'me ti'najtse'e'me anuxans quimbamaj tomí aplata. ¹⁶ Maŋpe 'hora Judas ipango'ma ehue'me te co'eya micuya Jesús.

¹⁷ Joupa icuai'ma litine titem'me ŋa'i aiquila-jncojma levadura. (Toŋta'a mi'i al juic Pascua.) Ts'ilihuequi icuaitsa pe lopa'a Jesús, icuis'e'me, timiyi:

—¿Petsi calŋanc'eyoyacu calsmocoyoyacu al juic Pascua? ¿Te cofcuapa?

¹⁸ Timila':

—Tonŋeŋe liŋya' Jerusalén, lejut'ŋ anuli cal xans, toŋmitsa: “ŋaŋpomxi timihuo': Joupa icuaico'ma laifteŋcoya. Lomejut'ŋ aŋsmocoyo'me al juic Pascua, iya' jouc'a ts'alihuequi.”

¹⁹ Ts'ilihuequi i'ehuo'me to licuxe'e'mola' Jesús. Ilanc'ehuo'me calxmocojma al juic Pascua.

²⁰ Joupa ummuhuita, Jesús tixmocoyi jouc'a limbamaj coquexi' ts'ilihuequi. ²¹ Mitetsoyi, Jesús timila':

—Iya' camilhuo' al linca: Anuli imanc' aŋcu'ma.

²² Iñiya ixhuełconca juaiconapa, ihuotsonca. Anuli anuli timiyi:

—Maipoujna, ¿te iya'? Iya' a'i.

²³ Jesús italai'e'e'mola', timila':

—Ma małtetsoyi nalacajm'miyacu lałmane al pime anuli, itque lałcuya. ²⁴ Iya' itque cal Xans Liximpa cal profeta pu'hua lema'a. Tama ca'hua'ma laipene ma to loya'apa al Paxi Linilingiya, itque cal xans lałcuya, a'ijc'a loyaicoya. Juaiconapa acueca' titełco'ma itque, ticuaj'moxi, ticua'ma: “Coła' aicaipajntsi iya”.

²⁵ Judas, itque łocuya Jesús timi:

—Momxi, ¿te iya'?

Jesús italai'e'e'ma, timi:

—Al hınca lofcuapa.

²⁶ Mitetsoyi Jesús epef'ma la'i, ix'najtsi'i'ma ŁanDios, ixquetsuf'ma, epi'i'mola' ts'ilihuequi, timila':

—Tolapenufle. Tołtełe. Itta'a aicuerpo.

²⁷ Uhuaf'ma al vaso, ix'najtsi'icona'ma, uhui'i'mola' ts'ilihuequi, timila':

—Tołsnate jahuay imanc'. ²⁸ Itta'a aijuats' tihinc'i'ma al ts'e cataiqui' ŁanDios lopo'no'ipola' lixanuc'. Caxcuajai'ma laijuats' tołta'a cunłu'e'mola' axpela' lan xanuc', tihonc'e'em'mola' liłjunac'. ²⁹ Iya' camilhuo', jifa'a li'a łamats' aicaxnaconaya al vino. Litine tixinłe cai'Ailli' ŁanDios ticuxe, ite litine caxnaconna. Ihiya al ts'e vino ałsnata anuli.

³⁰ Unac'li'me anuli al salmo, ipalunca. Iye'me lijuala Olivo. ³¹ Jesús timila' ts'ilihuequi:

—Itta'a lipuqui' imanc' tonlanaj'mołtsi. Ałpo'no'ma caituca'. Ti'i'ma to muya'e' al Paxi

Linilingiya, ticua: “Caxcai'e'ma lipoujna lam mot'l, ique tima'ma. Lam mot'l tica'ne'mo'tsi.”
 32 Camaf'ina'ma. Tijoula' ti'ila' to'ta'a ca'hua'ma al distrito Galilea. Jilpe ca'huaicotolhuo'.

33 Pedro timi Jesús:

—Tama tixtuc'otso' jahuay laipimaye, tenajt-so'tsi, iya' a'i. Iya' ma quihuej'mo'.

34 Jesús italai'e'e'ma, timi:

—Iya' camihuo' al linca: Ihta'a lipuqui', ai'a tija'a'ma langiti, ima' tones'ma afanemma: “Aicainimetsajma Jesús”.

35 Pedro timi:

—Tama alma'atsonga' anuli, aicanesya: “Aicainimetsajma Jesús”.

Ma' anuli licua'me jahuay locuenaye ts'ilihuequi Jesús.

36 Jesús jouc'a ts'ilihuequi icuaitsa jilpe cuftine Getsemaní. Jesús timila':

—Imanc' to'cutsolaile jifa'a. Iya' ai'huapa lu'hua, capalaic'ota cai'Ailli'.

37 Ileo'mola' Pedro jouc'a loquexi' linaxque' Zebedeo. Ipango'ma ihuotso'ma. Tixina ipime jile lo'iya. 38 Timila':

—Juaiconapa cahuosma, tocomma alma'a'ma lixhujma'. Tolmanenca fa'a. Jilpe capalaic'ota LanDios. Imanc' altoc'i'ma. Ma fa'a to'palaic'o'me LanDios jouc'a. Aimol'mai'me.

39 Uyai'ma nihuata, xipats'huai'ma lamats', tixa'hue LanDios, timi:

—Mai'Ailli', ja'ni nipajnya ti'i'ma lilonc'e'ela' ilta'a laiftelcopa. Ja'ni aimi'iya, ne', ti'ila' lofx-pic'epa, a'i to iya' lalatenlcocopa.

⁴⁰ Ipainanni, icuai'ma pe lomana' ts'ilihuequi. Ixim'mola' tixmai'yi. Timi Pedro:

—¿Te ailopa'a cołpujfxi? ¿Ni' anulij hora aimi'iya mołmaf'iyacu? ¿Te aimi'iya małtoc'iya?

⁴¹ Tołmaf'ile. Aimołsmal'me. Tołsahue'ete ŁanDios titoc'itsolhuo', aimehuaiyim'molhuo'. Imanc' tołcuayi: “Ałsnet'ł'me”. A'i, lołcuerpo aimitoc'ilhuo'. Aimi'iya mijucoya.

⁴² I'huacona'ma, ixa'huecona'ma ŁanDios, timi:

—Mai'Ailli', ja'ni aimi'iya malıñonc'e'eya laiftełcopa, ja'ni joupa oxpic'epa catełco'ma, ma tołta'a ti'ıla'. Ne', tixhuaitsi laiftełcopa.

⁴³ Ipaiconamma pe lomana' ts'ilihuequi. Ixingona'mola' tixmaiconayi. Tixinyi timufquemma lił'u'. Ticui quilehui. ⁴⁴ Ipo'nocona'mola' quıl'uca'. Joupa i'ipa afanemma mipalaic'o ŁanDios. Ma' anuli tixa'hue. ⁴⁵ Icuai'iconanni pe lomana' ts'ilihuequi. Timila':

—¿Te ti'hua tołsmai'yi? ¿Te ti'hua tulunxajyi? ¡Tołsinte! Joupa icuai'ma lai'hora. Iya' itque cal Xans Łiximpa cal profeta pu'hua lema'a, joupa ałcumpa. Icuaita quıl'mane lan xanuc' pe aimihuejcoyi ŁanDios. ⁴⁶ ¡Tołsolinca! ¡Łenapá! Tołsinte jıłcu'hua icuaico'ma lałcuya.

⁴⁷ Mipalay Jesús icuaitsi Judas, itque anuli iłniya limbamaj coquexi' ts'ilihuequi Jesús. Ilecola' axpela' lan xanuc', iłtaic' lił'espada, lił'ec. Ummempola' lixanuc' cal cuecaj ca'ailli' jouc'a lan tsi-laj xanuc' noxpıjpa lataiqui'. ⁴⁸ Itque nocuya Jesús joupa imipola' iłne lan xanuc': “Iya' camuc'itolhuo' naitsi Jesús. Itque laıftuc'oya małque Jesús. ¡Toł'nołle!” ⁴⁹ Aiquicoł'ma. Judas icuaitsi pe lopa'a Jesús, inom'ma, timi:

—¡Momxi!
Ituc'o'ma.

⁵⁰ Jesús timi:

—Maipima, ihe lof'eya, jto'eta'!

Lan xanuc' icuaitsa, i'noh'me Jesús. ⁵¹ Anuli ihejmale Jesús ipa'a'ma li'espada, ixcai'e'ma limozo cal cuecaj ca'ailli', etec'e'e'ma lix'mas. ⁵² Jesús timi:

—Tamuf'minla' lo'espada licubiarta. Jahuay noma'ahualecopá a'espada, ihe tima'acom'mola' jouc'a a'espada. ⁵³ Iya' nipajnya cajoc'i'ma cai'Ailli', iique aimicoŷya, tumme'mola' lepaluc' quema'a, ticuaicu pe laifpa'a. Juaiconapa axpela' tumme'mola', tixhuaispola' to imbamaj coquexi' lincuxepa jouc'a lanxpela' lilepaluc', o xonca. Lunlu'ena'ma. ¿Te aicoŷsina' toŷta'a? ⁵⁴ Iya' aicajoc'iya cai'Ailli'. Ja'ni cajoc'ila', ¿te co'ya menanŷya al Paxi Liniŷingiya loya'apa? Ihe lataiqui' tuya'e' toŷta'a laŷ'iya.

⁵⁵ Jesús ipalaic'o'mola' lanxpela' xanuc' licuaiyunca ti'nohe. Timila':

—¿Te coŷcuaiyoco'me fa'a oŷtaic' loŷ'espada, loŷ'ec al'noha'? ¿Te toŷcuayi iya' ninma'ahuale, nin-namas? Itine itine cacutsay pe lopa'a al cuecaj xoute', camuc'ila' lan xanuc', a'i caŷ'nohi. ⁵⁶ Ne'. Tenanŷa' liŷtaiqui' luya'apa lam profeta. Ihiya joupa uya'apá laŷ'iya toŷta'a.

Lixanuc' Jesús inulai'me, ipo'no'me Jesús quituca'.

⁵⁷ Lan xanuc' li'noh'me Jesús ileco'me pe lopa'a cal cuecaj ca'ailli' cuftine Caiŷás. Jiŷpe joupa efot'leyoŷtsi lomxiye nomuc'iyalepá locuxepa LanDios, jouc'a lan tsilaj xanuc' noxpijpá lataiqui'.

⁵⁸ Pedro ihuej'ma aculi'. Licuaitsi lejut'ł cal cuecaj ca'ailli' itsufai'ma ĩpuna quejut'ł, icutsingai'mola' lepaluc' al cuecaj xoute'. Ti'huaico'ma lo'iya.

⁵⁹ Lixanuc' cal cuecaj ca'ailli' jouc'a lan tsi-laj xanuc' noxpijpá lataiqui' ĩpic'a tixpic'ente tima'ante Jesús. Tehuennila' nofelłaiquepá ticufle, tinesle: “Tołta'a, tołta'a lo'epa”. ⁶⁰ Axpela' ĩn-fel'miyale icuf'me Jesús. ĩniya aiqui'ic' quilecani'e. Icuaitsa oquexi' ĩn-fel'miyale. ⁶¹ ĩniya icuf'me Jesús, ines'me:

—ĩca'a cal xans icuapa: “Iya' cateł'ma lejut'ł ĩanDios. Ti'ıła' afane' quitine, iya' joupa ailanc'enapa.”

⁶² Ecax'ma cal cuecaj ca'ailli', timi Jesús:

—ĩne lan xanuc' ticufhuo'. ¿Te aimota-lai'eyacola'?

⁶³ Jesús i-ch'ixco'ma. Cal cuecaj ca'ailli' timi:

—ĩanDios ĩmaf'i' joupa lapi'ipa laimane cacuxe'e'mo', lu'itsonga'. ĩmıła' ¿te ima' unCristo i'Hua ĩanDios?

⁶⁴ Jesús timi:

—Al ĩnca lofcuapa. Iya' camilhuo' jahuay imanc', ticuaihuo' litine imanc' ałsim'ma ma cacsu al c'a camane cal Cuecaj CanDios. Iya' ĩque cal Xans ĩximpa cal profeta pu'hua lema'a. Imanc' ałsim'ma quimuhuo' lema'a, cacuaiyoconno łamats' nolojmay cummahuay lema'a.

⁶⁵ Licuej'ma ĩııya licuapa Jesús, cal cuecaj ca'ailli' its'ał'ma ĩpııjahlua'. Tołta'a imujpa ĩpoyac'. Aiquetenłcoco'ma licuapa Jesús. ĩpalaic'o'mola' lixanuc', ĩne nomana' ĩııpe, timila':

—ĩque cal xans tetets'i ĩanDios. İxcay linespa. ¿Te calahuecoyacola' ocuenaye xanuc' ticufle?

Joupa ołcuejpá imanc' linespa, etets'ipa ŁanDios.

⁶⁶ Imanc', ¿te cołcuapá?

Ihne italai'e'e'me timiyi:

—Tipa'a lijunac'. ¡Tima'anle!

⁶⁷ Ipango'me itsułco'me li'a, untaf'me, ete'me.

⁶⁸ Timiyi:

—Ima' unCristo, tocu'a'ala' naitsi luntafpo'. Ima' lu'itsonga'.

⁶⁹ Pedro ticutsu łuna. Ihoc'huai'ma anuli łahuats', timi:

—Ima' jouc'a unłejmale Jesús łas Galilea.

⁷⁰ Pedro icuanaj'ma, timi:

—Aicaicueca lofnespa.

Lan xanuc' nomana' jilpiya icuej'me locuapa.

⁷¹ Pedro enaj'moxi, i'hua'ma jilpiya lotsufaicompa lane. Jilpe ocuena łahuats' ixim'ma. Iłque ipalaic'o'mola' lan xanuc' nacaxołanna, timila':

—Iłque cal xans iyejmalepa Jesús łas Nazaret.

⁷² Pedro inescona'ma, icuanajcona'ma. I'e'ma jurar, timi:

—Aicainimetsaijma iłque cal xans.

⁷³ Uyai'ma nihuata. Ihne nacaxołanna ihoc'huai'me malpe lacaxu Pedro. Timiyi:

—Ma' alinca ima' onłejmale Jesús. Ma to mipalaiyi lun Galilea, jouc'a ima' topalay. Ima' mas Galilea.

⁷⁴ Pedro i'econa'ma jurar, timila':

—Iya' camilhuo' al linca. Ja'ni a'i, alma'ala' ŁanDios. Aicainimetsaijma iłque cal xans.

Aiquicoł'ma. Ija'a'ma łangiti. ⁷⁵ Pedro i'nujuaitsi iłe lu'i'ma Jesús, limi'ma: “Ai'a tija'a'ma łangiti, ima' tones'ma afanemma: Aicainimetsaijma Jesús.” Ipanni, ijojpa talay łunxajma'.

27

¹ Li'ipa quitine, lixanuc' cal cuecaj ca'ailli' jouc'a lan tsilaj xanuc' noxpijpá lataiqui' efot'lecona'mołtsi. Ixpíc'e'me tima'anġe Jesús.

² Ifi'e'me Jesús, ileco'me jilpiya pe lopa'a cal gobernador romano cuftine Pilato.

³ Licupa Jesús, cuftine Judas, lixim'me tima'anna Jesús, ixhuej'menni li'epa. Itai'ma al nuxans quimbama' tomij plata, icuaitsi pe lomana' lixanuc' cal cuecaj ca'ailli' jouc'a lan tsilaj xanuc'. Icuftintola' liłtomí. ⁴Timila':

—Aiximpa ixcay lai'epa. Aicupa itque cal xans tima'anġe. Ailopa'a quijunac'.

Ihne italai'e'e'me, timiyi:

—İllanc', ¿te cał'eyacu? İma' cotuca' o'epa. ¡Toxinġa' ima'!

⁵Judas eca'nipa al tomí al cuecaj xoute'. İpanni, i'hua'ma ijujnyoxi. ⁶Lixanuc' cal cuecaj ca'ailli' epef'napá liłtomí. Timiyoltsi:

—¿Te cał'e'eyacu ita'a al tomí? İta'a ał'najtse'ecopá Judas ticuġa' Jesús tima'anġe. Aimi'iya mał'huantsiyacu al tomí li'huexi al cuecaj xoute'.

⁷I'e'moltsi anuli liłpicuejma'. Timiyoltsi:

—İta'a al tomí ał'naco'me ġemats' ġintalhuałpa capixu. Jilpe lamutola' lan xanuc' noyoyomma ocuenaye nación.

⁸Jilpe ġamats' ecui'impá ocuena quipuftine, ecui'ipá: Amats' cajuats'. İtsiya litine toġta'a tecui'inni. ⁹Toġta'a enanġpa licuapa cal profeta Jeremías luya'apa: “Epef'na'me al nuxans quimbama' tomij plata. Jilpiya pe lomana' lan xanuc' İsrail iġiya al tomí ti'ommaita lo'nacompa

anuli cal xans. ¹⁰ Lijou'ma małe al tomí i'nacopá lemats' hintalhualpa capixu. Tołe lałcuxe'epa lałPoujna LanDios.”

¹¹ Jesús tecaxu pe lopa'a Pilato, cal gobernador romano. Iłque icuis'e'ma, timi:

—¿Te ima' unrey? ¿Te ima' tocuxe'mola' lan xanuc' judío?

Jesús italai'enni, timi:

—Al linca lofcuapa.

¹² Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' icuf'me Jesús. Iłquiya aiqipalaic', aiqitalai'e. ¹³ Pilato icuis'e'ma, timi:

—¿Te aimocueca locuapa iłniya? Juaiconapa ticufhuo'.

¹⁴ Jesús aiqitalai'e. Ailopa'a quitaiqui'. Pilato ixhuełco'ma. Icuapa lipicuejma': “Iłca'a Jesús, ¿te qui'icopa aimitalai'e?”

¹⁵ Ajuic ajuic Pascua cal gobernador romano tux'masqui anuli litats'iya, to mixahue'eyi lan xanuc'. ¹⁶ Iłe litine tipa'a anuli cal xans litats'iya cuftine Barrabás. Iłque jahuay imetsaiconni.

¹⁷ Lijoupa lefołunni, Pilato icuis'e'mola', timila':

—¿Naitsi caifnux'masya? ¿Naitsi ts'olpic'a? ¿Olpic'a Barrabás? O ¿olpic'a Jesús, iłque łacui'impa cal Cristo? ¿Te cołcuapa?

¹⁸ Tołta'a licuapa Pilato, timetsaicola' iłniya lan xanuc' liłpicuejma', iłne nicuai'eta Jesús. Ixina' ma ti'eyi laic'.

¹⁹ Micutsu Pilato ti'ay lipenic' to cal juez, lipeno umme'ma cataiqui', ticua: “Ima' topo'noxoxi cuenna. Iłque cal xans ailopa'a quijunac', aimo'e'e'ma ni tintsí. Lipuqui' aipaiyocopa iłquiya. Ałspaijpa juaiconapa.”

20 Lixanuc' cal cuecaj ca'ailli' jouc'a lan tsilaj xanuc', joupá ixc'ai'impola' lan xanuc', imimpola':

—Tołsahue'ela' Pilato, tołmíte: “Tox'masla' Barrabás, tocuxela' tima'anle Jesús”.

21 Pilato icuis'e'mola', timila':

—Ilna'a loquexi' litats'ila', ¿naitsi caifnux'masya? ¿Nai ts'olpic'a?

Italai'enca, timiyi:

—¡Barrabás!

22 Pilato icuis'econa'mola', timila':

—¿Te caif'e'eya Jesús, ilque łacui'impá cal Cristo? Jahuay italai'enca, timiyi:

—¡Tapałts'ijnla' lancruz!

23 Pilato icuis'econa'mola', timila':

—¿Te qui'epa? ¿Te caifnepałts'ijncoya lancruz? Lan xanuc' xonca ufxi ija'a'me, timiyi:

—¡Tapałts'ijnla' lancruz!

24 Pilato ixina' aimulijya. Ixim'mola' ixtulencia, epat'ł-tola' lłpicuejma'. Icuxe'ma ti'hua'anca quija' tulouco'ma, tixinle lan xanuc' ile lo'eya. Timila':

—Ja'ni imanc' tołspic'eyi tima'anle ilca'a cal łijca xans, iya' aicataiyinge lajunac'. Imanc' linca tołtaiyjm'me lołjunac'.

25 Jahuay italai'enca, timiyi:

—Ne'. Ałtaite lałjunac' illanc' jouc'a lałnaxque'. ¡Tima'anle!

26 Pilato ux'masna'ma Barrabás, ma to lixahue'e'me lan xanuc'. Icuxe'ma tipale Jesús. Lijou'ma icu'ma Jesús tileco'me lan soldado, tepałts'ijnla lancruz.

27 Ilniya lisoldado cal gobernador ileco'me Jesús, itsufai'e'me lejut'ł Pilato. Jilpiya efot'le'moltsi jahuay lıl'as soldado. 28 Ipa'e'me lipijahua',

ipo'no'i'me anuli litoqui lijahua' unxali, to lopo'nopa lan rey. ²⁹ Ipuf'me anuli al corona quitac, ic'ommof'i'i'me lijuac. Al c'a camane i'noh'i'i'me anuli al jaxa. Exc'onlingai'me, ixoco'me, timiyi:

—Ahonghuo', ima' unrey. Ima' tocuxe'mola' lan xanuc' judío.

³⁰ Itsulco'me. Exic'e'ena'me al jaxa, ipango'me untaf'e'eco'me al jaxa lijuac. ³¹ Lijoupa lixocopa, ipa'ana'me lijahua', ipo'no'icona'me ma lipijahua'. Ileo'me petsi lapalts'ijnyoyacu lancruz.

³² Lipalunca, licuaitsa lane, italecuf'me anuli cal xans cuftine aSimón. Ique cal xans a'i quipiya' jilpe Jerusalén. Lipiya' lipuftine Cirene. Ique icuxe'e'me titaila' lencruz Jesús.

³³ Icuaitsa petsi cuftine Gólgota, ita'a lataiqui' lohualquemma: Pe lopa'a tecoye. ³⁴ Jilpiya icufim'me Jesús al vino uhuantsi acuaj c'ec. Tixnaña' ite al vino aijtine mixingufcoya lumla. Jesús ixnac'opa, lijoupa aiquixnaic'. ³⁵ Epalts'ingim'me lencruz.

Ihniya lan soldado no'epaj cuenna Jesús if'ilco'me, ixim'me naitsi nolijya lipijahua'.

³⁶ Icutsoñai'me, i'e'me cuenna.

³⁷ Al toncay lijuac Jesús epalts'ingimpa lacaxma, jiliya iniliya licufcopa. Tuya'e': “Ica'a Jesús, lihey lan xanuc' judío”.

³⁸ Jouc'a Jesús epalts'ingila' oquexi' lan namats'. Anuli tipa'a al c'a camane, locuena loxa camane.

³⁹ Lan xanuc' luyalaico'me jilpiya imiloj'me cataiqui', ife'ne'me lijuac, ⁴⁰ timiyi:

—Ima' nofmetelya al cuecaj xoute', tuyaila' afane' quitine joupa olanc'enapa, jitsiya

tonŭ'e'exoxi! Ja'ni ima' i'Hua ŁanDios, ȳtaimunni lancruz!

⁴¹ Toliya ixoco'me jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, jouc'a lan tsilaj xanuc' noxpíj pá lataiqui', tinesyi:

⁴² —Itquiya unŭ'e'mola' locuenaye. Itsiya aimi'i munŭ'eyoxi. Illanc' ixanuc' Israel, ja'ni itque atrey, ȳtimunni lancruz! Tole linca lapenuf'me. ⁴³ Itquiya ti'huaiyinge ŁanDios. Ticua: “Iya' i'Hua ŁanDios”. Ne'. Ja'ni ŁanDios timetsaicojma, tunŭ'e'ła'.

⁴⁴ Loquexi' lan namats' lepałts'ingila' jouc'a, iłniya ixoco'me.

⁴⁵ Al menac'o imufc'o'ma lema'a. Ni petsi jilpiya łamats' tocomma ipuqui'. Afanej hora icolpa al muf. ⁴⁶ Ixhuaitsi to al fanej hora, Jesús ija'a'ma ujfxi, ticua:

—Elí, Elí, ¿lama sabactani?

Ihiya lataiqui' luhuałquemma: Ima' mainenDios, ¿te calacanuycopa?

⁴⁷ Lan xanuc' nacaxhuołanna jilpiya, oquexi' afantsi iłniya icuej'me lines'ma Jesús, ines'me:

—Tijoc'i' cal profeta Elías.

⁴⁸ Anuli iłniya aikuicoł'ma, inu'ma, itaitsi anuli al esponja, ijac'eco'ma al cuxac vino, icants'i'ma lupa al jaxa, i'nof'e'ma, icuai'etsi lico Jesús, tit-sif'la'. ⁴⁹ Ocuenaye ticuayi:

—ȳTole! Alsim'me ja'ni ticuaihuo Elías tunŭ'e'ma.

⁵⁰ Jesús ija'acona'ma ujfxi. Ummena'ma ti'huanła' h'espíritu, imana'ma. ⁵¹ Jilpe al cuecaj xoute' al paxi lajut'ł lotsufaicompa etemf'icoya anuli lijahua'. Limana'ma Jesús, ite lijahua' its'ałnuf'i'ma, ijof'ico'ma al toncay, xejmay i'i'ma.

Inu'ma hunanto, ixquetsuf'i'ma lopic'. ⁵² Ina'a liŕpu'hua limanapola' exinni. Axpela' limapola' imaf'ina'me, iŕne ma li'huijf'epola' LanDios. ⁵³ Ine ipalunca liŕpu'hua. Limaf'ina'ma Jesús iŕniya itsuflaipá Jerusalén, iŕe al paxi quilya'. Axpela' lan xanuc' ixinim'mola' iŕniya nimaf'inapá.

⁵⁴ Liŕpincuxepa lan soldado, jouc'a lan soldado iŕne no'epá cuenna Jesús, lixingufco'me hunanto, jouc'a jahuary li'i'ma, tixpailiquila' juaiconapa, timiyotŕsi:

—Ma aŕinca iŕca'a cal xans i'Hua LanDios.

⁵⁵ Jiŕpe timana' axpela' lacaŕ'no'. Huata caj culi' tecaxoŕanna, tehuelojnyi lo'ipa. Ine lacaŕ'no' itoc'ipá Jesús. Ipalunca al distrito Galilea, ihuej'me Jesús, icuaitŕa Jerusalén. ⁵⁶ Anuli iŕniya lipuftine María ŕas Magdala, locuena cuftine María, iŕque iŕ'máma' Jacobo y José. Jouc'a tipa'a quili'máma' Jacobo y Juan, iŕniya loquexi' quili'ailli' Zebedeo.

⁵⁷ If'acoŕaipa. Icuaitŕi anuli cal xans ŕas Arimatea, cuftine aJosé. Iŕque cal xans acueca' qui'huexi. Ihuequi Jesús. ⁵⁸ I'hua'ma pe lopa'a Pilato. Ixahue'etsi tepi'inŕe licuerpo Jesús. Pilato icuxe'ma tepi'inale. ⁵⁹ José epenuf'ma licuerpo Jesús, iju'e'ma anuli al ts'e lijahua' ipuficoya alino. ⁶⁰ I'hua'a'me lamu'enyacu Jesús, iŕe unts'eja', ats'e. Maŕque José ipuc'opa lopic, ilanc'epa hunts'eja'. Jiŕpiya i'nicotŕi Jesús. Imelfai'etsi anuli cal cuecaj capic teti'ico'ma lico cunts'eja'. I'hua'na'ma. ⁶¹ Jiŕpe ticuŕsoŕanna María ŕas Magdala y locuena María, tehuelojnyi al pu'hua cunts'eja'.

⁶² Jiŕpe litine avispera. Lihuequi litine ti'i'ma itine conxajya. Iŕe litine conxajya lixanuc' cal cue-

caj ca'ailli' jouc'a lam fariseo iyehuo'me, ixintsa Pilato. ⁶³ Timiyi:

—Małpoujna, ał'nujuaisyi linespa itque linfel'miyale. Mipa'a itque ines'ma: “Tuyaila' afane' quitine camaf'ina'ma, quipayonno pe lomana' lamizhua”. ⁶⁴ Itsiya alsahue'ehuo' tocuxela' tiyele hunts'aja', ti'entsa cuenna afane' quitine. Ja'ni a'i, aga tiye'me lipuqui' ts'ilihuequi tinantsenna, tipa'anna. Tijoula' tu'innola' lan xanuc': “Itque imaf'inapa, ipanamma pe lomana' lamizhua”.

⁶⁵ Pilato timila':

—Ne'. Tonłente. Tołsinna loł'eyacu. Tołłecole cołsoldado. Ti'etsa cuenna jilpiya.

⁶⁶ Iye'me. Jilpe łapic łopa'a lico cunts'aja' ipa'ninc'itsa łisello cal gobernador romano. Imanenca lan soldado i'e'me cuenna. Ticuayi:

—Aimexi'em'me.

28

¹ Joupa uyaipa litine conxajya. I'ipa quitine al te'a quitine al xamano. María łas Magdala jouc'a łocuenaj María iye'me ixintsa hunts'aja'. ² Licuaitsa nungay hunts'aja' iximpá joupa inupa acuecaj cunanto.

Li'ipa liya imunni lema'a anuli łepaluc łalPoujna ŁanDios. Itque łapaluc quema'a joupa icuaita pe łopa'a hunts'aja', ilonc'epa łapic łeti'icompa lico cunts'aja', icutsafcaic'. ³ Li'a tunts'ifi to lixcuaflay. Lipijahua' ma afujca to cal nieve. ⁴ Lixim'me lan soldado ixpailij'mola', iyu'mola', imanenca to limac'la.

⁵ Licuaitsa jilpe lacał'no', łapaluc quema'a ipalaic'o'mola', timila':

—Aimixpailij'molhuo'. Aixina' naitsi conlahuepa. Tolahueyi Jesús, itque tepalts'ingimpa lancruz. ⁶ Fa'a ailopa'a. Ma to luya'apa joupa imaf'inapa. Tonlouyunca. Tołsinna pe lipo'no'empa. ⁷ Tijoula' aimicol'molhuo' tonlete pe lomana' ts'ilihuequi. Tołmitsola': "Jesús imaf'inapa. Ipayonamma pe lomana' lamizhua. I'huanapa Galilea. Imanc' tonlete jilpiya. Tołsinnata." Tołta'a laitaiqui', joupa nu'ipolhuo'.

⁸ Lacał'no' aits'icol'mola' jilpiya hunts'eja', ipailinanca. Iye'me tinulyi tu'innola' ts'ilihuequi Jesús. Tama tixpailiquila' tixoqui quileta. ⁹ Miyeyi lane italecuf'mola' Jesús. Itque inom'mola' ma to mi'ay. Lacał'no' itoc'olai'me, exc'onlingolai'me, i'noł'e'e'me li'mitsi'. ¹⁰ Jesús timila':

—Aimixpailij'molhuo'. Tonlete. Tołmitsola' laipimaye tiyete Galilea. Jilpiya alsinnoltsi.

¹¹ Lan soldado, itne ni'epá cuenna hunts'eja', joupa iyenapá. Miyeyi lacał'no' hualca itniya lan soldado icuainatsa ate'a Jerusalén. Jitniya ipalaic'om'mola' lixanuc' cal cuecaj ca'ailli', uya'a'me jahuay liximpa. ¹² Lixanuc' cal cuecaj ca'ailli' jouc'a lan tsilaj xanuc' noxpipjá lataiqui' efot'lepotsi. Ixpice'e'me lo'eyacu. Epi'im'mola' lan soldado acuecaj tomí. ¹³ Icuxe'em'mola', timinnila':

—Toluya'a'me: "Li'ipa lipuqui' icuaita ts'ilihuequi Jesús, ipa'ahuona'me. Illanc' alsmaipá." ¹⁴ Cal gobernador romano, ja'ni ticuejla' imanc' ol'smaipá, illanc' atpalaic'ota. Imanc' ailopa'a co'e'eyacolhuo'.

¹⁵ Lan soldado epenuf'me al tomí, uya'a'me ma licuxe'empola'. Itsiya litine ma' anuli tinesyi lan xanuc' judío.

¹⁶ Limbamaj nuli ts'ilihuequi Jesús iye'me Galilea, icuaitsa hijuala petsi itque limipola' tiyele.

¹⁷ Jilpiya ixim'me Jesús. Jahuay exc'onlingolai'me. Hualca ixhuefco'me, ticuayi: “¿Te maŕque Jesús o ocuena?”

¹⁸ Jesús itoc'ai'mola', timila':

—Joupa lapi'impá laimane, cacuxe jahuay lopa'a lema'a, jahuay lopa'a li'a lamats'. ¹⁹ Itsiya camilhuo': Tonlele jahuay li'a lamats'. Ni petsi lomanc'eyacu lan xanuc' tolu'itsola' laitaiqui', lihuejla'. Tolapo'itsola' ti'itsola' ixanuc' cai'Ailli' LanDios, jouc'a aixanuc', iya' i'Hua LanDios, jouc'a ixanuc' cal Espíritu Santo. Toŕiya toŕcuaj'mi'me lam fane' laftine. ²⁰ Toŕmuc'itsola' tihuejcole jahuay laitaiquí laicuxe'epolhuo'. Aicapo'noyacolhuo' coltuca'. Itine itine almajm'me anuli. Ticuaitsi Lijoujma Quitine ma toŕta'a almajm'me.

Lataiqui' loya'apa ñe al c'a lixpíc'epa LanDios
New Testament in Chontal, Highland Oaxaca
(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021

6400fb6e-80e3-5cbe-8b37-1a879c9db6c6